

《佛說觀佛三昧海經》

(*Buddha-dhyāna-samādhi-sāgara-sūtra*; The Sūtra on the Samādhi-ocean of the Visualization of the Buddha / The Sūtra on the Ocean-Like Concentration of the Visualization of the Buddha)

蔡耀明標注 (20211115)

5 《佛說觀佛三昧海經》，東晉·佛陀跋陀羅 (Buddhabhadra) 譯，T. 643, vol. 15, pp. 645c-697c.

六譬品第一、序觀地品第二、觀相品第三、觀佛心品第四、觀四無量心品第五、
觀四威儀品第六、觀馬王藏品第七、本行品第八、觀像品第九、念七佛品第十、
念十方佛品第十一、觀佛密行品第十二

六譬品第一

- 10 [0645c07] 如是我聞：一時，佛住迦毘羅城·尼拘樓陀精舍。
爾時，釋摩男 (Śākya-Mahā-nāma-Kulika)，請佛及僧·供養三月。七月十五日，僧自恣·竟。
- [0645c09] 爾時，父王·閼頭檀 (Śuddhodana)，佛姨母·憍曇彌 (Mahā-gautamī)，來詣僧房，供養眾僧，禮拜既畢，奉上楊枝、及澡豆已，呼阿難言：
- 15 「吾今欲往至世尊所，為可爾不？」
- [0645c12] 爾時，阿難 (Ānanda) 即宣此言，以白世尊。
佛告阿難：「父王來者，必問妙法。汝行·遍告諸比丘僧，及往林中，命摩訶迦葉、舍利弗、目犍連、迦梅延、阿那律等，彌勒菩薩、跋陀婆羅十六賢士，一時來會。」如此音聲，遍至諸方。
- 20 [0645c17] 爾時，天主、夜叉主、乾闥婆主、阿修羅主、迦樓羅主、緊那羅主、摩睺羅伽主、龍主等，及諸眷屬，皆悉已集。
- [0645c19] 爾時，父王及釋摩男、三億諸釋，入佛精舍。當入之時，見·佛精舍·如·頗梨山，為佛作禮。未·舉頭頃，即見·佛前有大蓮華·眾寶所成。於蓮華上，有大光臺。父王見已，心生歡喜，歎未曾有，遶佛三匝，却坐一面。
- 25 [0645c23] 是時，父王，即從坐起，白佛言：「世尊！佛是吾子，吾是佛父。今，我在世，見佛色身，但見其外，不覩其內。悉達·在宮，相師皆見三十二相 (*dvātriṃśan mahā-puruṣa-lakṣaṇāni*)。今者成佛，光明益顯，過踰·昔日·百、千、萬倍。佛涅槃後，後世眾生，當云何觀·佛身色相，如·佛光明·常行尺度？惟願·天尊·今當為我、及後眾生，分別解說。」
- 30 [0646a02] 爾時，世尊，入遍淨色身三昧。從三昧起，即便微笑。諸佛笑法，有五色光。時，五色光，化五百色，從佛口出，照父王頂。從父王頂，照光明臺。從光明臺，照于精舍，遍娑婆界，還入佛頂。

[0646a06] 爾時，世尊告父王言：「諦聽，諦聽，善思念之。如來當說·來世眾生得見佛·法。」

[0646a07] 父王白佛：「唯然。世尊！我今願聽。」

[0646a08] 佛告父王：「閻浮提中，有師子王，名毘摩羅。其師子法，滿四十年，牝牡乃會。一交會已，跳踉鳴吼，婉轉自撲，體無損傷。其師子·子，在胎之時，如·父獸王，等·無有異。大王！當知·欲使胎中·便能鳴吼·飛落走伏，未有斯事。」

[0646a13] 父王白佛：「獸王之子，在母胎時，頭、目、牙、爪·與父相似？」

[0646a14] 佛告大王：「與父無異，但其力能，不及其父·百、千、萬倍。」

10 佛告父王：「如是，如是。未來世中，諸善男子、善女人等，及與一切，若能至心 (*sat-kṛtya; cittam pra-√iṣ*) ·繫念 (*smṛtiṃ kṛtvā; smṛty-upa-ni-baddha; anu-vi-√cint*) 在內，端坐 (*ṛju-kāya*) ·正受 (*samāpatti*) ，觀·佛色身，當知·是人，心·如佛心，與佛無異。雖在煩惱，不為諸惡之所覆蔽，於未來世，雨·大法雨。

15 [0646a21] 復次，父王！譬如·伊蘭·俱與梅檀，生·末利山。牛頭梅檀，生·伊蘭叢中；未及長大，在地下時，芽、莖、枝、葉，如·閻浮提竹筍。眾人不知，言·此山中，純是伊蘭，無有梅檀。而，伊蘭臭；臭·若·膾屍，薰·四十由旬；其華，紅色，甚可愛樂；若有食者，發狂而死。牛頭梅檀，雖生此林，未成就故，不能發香。仲秋·月滿，卒從地出，成梅檀樹。眾人，皆聞牛頭梅檀上妙之香，永無伊蘭臭惡之氣。」

20 [0646a29] 佛告父王：「念佛之心，亦復如是。以是心故，能得·三種菩提之根。

[0646b02] 復次，父王！閻浮提中，及四天下，有金翅鳥，名正音迦樓羅王，於諸鳥中，快得自在。此鳥，業報，應食諸龍。於閻浮提，日食·一龍王、及五百小龍。明日，復於弗婆提，食·一龍王、及五百小龍。第三日，復於瞿耶尼，食·一龍王、及五百小龍。第四日，復於鬱單越，食·一龍王、及五百小龍。周而復始，經八千歲。此鳥，爾時，死相已現；諸龍吐毒，無由得食。彼鳥飢逼，周樟求食，了不能得；遊巡諸山，永不得安；至金剛山，然後暫住。從金剛山，直下至大水際；從大水際，至風輪際；為風所吹，還至金剛山。如是七返，然後命終。其命終已，以其毒故，令十寶山·同時火起。

30 [0646b14] 爾時，難陀龍王，懼·燒此山，即大降雨，澍如車軸；鳥肉散盡，惟有心在；其心，直下，如·前七返，然後還住金剛山頂。難陀龍王，取此鳥心，以為明珠；轉輪王，得·為如意珠。」

[0646b17] 佛告父王：「諸善男子、及善女人，若念佛 (*buddhānusmṛti; buddha-manasikāra*) 者，其心亦爾！」

35 [0646b19] 復次，大王！雪山，有樹，名殃伽陀，其果甚大，其核甚小。推其本末，從香山來；以風力故，得至雪山。孟冬·盛寒，羅刹、夜叉，在山曲中·屏[山*畏]之處，糞穢不淨·盈流于地，猛風吹雪·以覆其上，漸漸成塹·五十由旬；因糞力故，此果得生，根、莖、枝、葉、華、實·滋茂。春陽·三月，八方

同時皆悉風起，消融冰雪，唯果樹在。其果·形色，閻浮提果·無以為譬。其形團圓，滿·半由旬。婆羅門·食，即得仙道，五通具足，壽命一劫·不老不死。凡夫食之，向·須陀洹。阿那含·食，成阿羅漢，三明六通·罔不悉備。有人，持種，至閻浮提·糞壤之地，然後乃生；高·一多羅樹，樹名拘律陀，果名多勒，如·五斗瓶。閻浮提人·有食之者，能除熱病。」

[0646c03] 佛告大王：「諸善男子、及善女人，**正念思惟·諸佛境界**，亦復如是。

[0646c05] 復次，大王！如·帝釋樹，生·歡喜園，名波利質多羅。天女見之，身心喜悅，不自勝持。帝釋見之，即生欲想；八萬四千諸婬女等，即得樂覺。此樹生時，曲枝在地，即於地下·華敷成果；其果，金色，光明赫奕；且其華葉，終不萎落，十色具足，開·現光明，有·諸樂音；至秋八月，從地踊出，高三百四十五萬由旬。諸天見之，喜悅非恒。」

佛告大王：「**觀佛三昧** (*buddha-dhyāna-samādhi*)，在煩惱地，亦復如是。其

15 出生時，如·彼寶樹，嚴顯可觀。

[0646c14] 復次，大王！如·劫初時，火起一劫、雨起一劫、風起一劫、地起一劫。

[0646c15] 地劫成時，光音諸天，飛行世間，在水澡浴。以澡浴故，四大精氣·即入身中。身觸樂故，精·流水中；八風吹去，墮淤泥中，自然成卵。經八千歲，其卵乃開，生一女人。其形，青黑，猶如淤泥，有九百九十九頭；頭·有千眼，九百九十九口；一口四牙；牙上·出火，狀如霹靂；二十四手，手中·皆捉一切武器；其身·高大，如·須彌山，入大海中，拍水自樂。有旋嵐風，吹大海水。水精·入體，即便懷妊；經八千歲，然後生男。其兒·身體，高大四倍，倍勝於母。兒·有九頭，頭·有千眼，口中·出火，有九百九十九手、八脚。海中出聲，號毘摩質多羅阿修羅王。此鬼·食法，惟噉·淤泥、及蕞藕根。其兒·長大，見於諸天·婬女圍遶，即白母言：『人皆伉儷，我何獨無？』其母告曰：『香山有神，名乾闥婆。其神有女，容姿美妙，色踰白玉，身諸毛孔·出妙音聲，甚適我意。今為汝娉，適汝願不？』阿修羅言：『善哉，善哉。願母往求。』

[0647a03] 爾時，其母行詣香山，到香山已，告彼樂神：『我有一子，威力自在，於四天下，而無等倫。汝有令女可適吾子？』其女聞已，願樂隨從，適·阿修羅。

[0647a06] 時，阿修羅納彼女已，心意泰然，與女成禮；未久之間，即便懷妊；經八千歲，乃生一女；其女儀容，端正挺特，天上天下·無有其比，色中上色·以自莊嚴，面上姿媚·八萬四千；左邊·亦有八萬四千，右邊·亦有八萬四千，前·亦八萬四千，後·亦八萬四千。阿修羅，見·以為瓌異，如月處星·甚為奇特。

[0647a13] 橋尸迦聞，即遣使，下詣阿修羅而求此女。

阿修羅言：『汝天福德，汝能令我乘七寶宮，以女妻汝。』

帝釋聞此，心生踊躍，即脫寶冠，持用擬海，十善報故，令阿修羅坐勝殿上。時，阿修羅踊躍歡喜，以女妻之。帝釋即以六種寶臺，而往迎之。於宮闕中，有大蓮華，自然化生，八萬四千諸妙寶女，譬如，壯士，屈申臂頃，即至帝釋善法堂上。爾時，天宮，過踰於前百、千、萬倍。釋提桓因，為其立字，號曰悅意。諸天見之，歎未曾有，視東，忘西，視南，忘北。三十二輔臣，亦見悅意，身心歡喜，乃至毛髮，皆生悅樂。

[0647a24] 帝釋，若至歡喜園時，共諸綵女，入池遊戲。爾時，悅意即生嫉妬，遣五夜叉，往白父王：『今，此帝釋，不復見寵，與諸綵女，自共遊戲。』父，聞此語，心生瞋恚，即興四兵，往攻帝釋。立，大海水，踞，須彌頂，九百九十九手，同時俱作，撼喜見城，搖須彌山，四大海水，一時波動。釋提桓因，驚怖惶懼，靡知所趣。

[0647b01] 時，宮有神，白天王言：『莫大驚怖，過去佛說《般若波羅蜜》。王當誦持，鬼兵自碎。』

[0647b03] 是時，帝釋坐善法堂，燒，眾名香，發，大誓願：『般若波羅蜜，是大明呪，是無上呪、無等等呪，審實、不虛。我持此法，當成佛道，令，阿修羅自然退散。』作是語時，於虛空中，有四刀輪，帝釋功德故，自然而下。當阿修羅上時，阿修羅，耳、鼻、手、足，一時盡落，令大海水，赤如絳汁。

[0647b09] 時，阿修羅即便驚怖，遁走無處，入，藕絲孔。彼以貪欲、瞋恚、愚癡鬼幻力故，尚能如是。豈況，佛法不可思議。」

[0647b11] 佛告大王：「諸善男子、及善女人，繫心思惟，諸佛境界，亦能安住諸三昧海；其人功德，不可稱計，譬如，諸佛，等，無有異。」

序觀地品第二

[0647b16] 云何名為觀諸佛境界？諸佛，如來，出現於世，有二種法，以自莊嚴。何等為二？一者、先說十二部經，令諸眾生讀誦通利，如是種種，名為法施。二者、以妙色身，示閻浮提，及十方界，令諸眾生，見佛色身，具足莊嚴，三十二相（*dvātriṃśan mahā-puruṣa-lakṣaṇāni*）、八十種隨形好（*aśīty anuvyañjanāni*），無缺減相，心生歡喜。

[0647b21] 觀，如是相，因何而得？皆由前世，百、千苦行，修諸波羅蜜、及助道法，而生此相。」

[0647b24] 佛告父王：「若有眾生，欲念佛者，欲觀佛者，欲見佛者，分別相、好者，識佛光明者，知佛身內者，學觀佛心者，學觀佛頂者，學觀佛足下千輻相輪者，欲知佛生時相者，欲知佛納妃時者，欲知佛出家時者，欲知佛苦行時者，欲知佛降魔時者，欲知佛得阿耨多羅三藐三菩提時者，欲知如來轉法輪時相者，欲知如來寶馬藏相者，欲知如來，昇忉利天，為母摩耶夫人，說法時相者，欲知如來，下忉利天時相者，欲知如來，行住坐臥，四威儀中，光明相者，欲知如來，詣拘尸那，降度力士相者，欲知如來，伏曠野鬼神，毛孔光明相者。」

[0647c07] 佛告父王：「佛涅槃後，若四部眾，及諸天、龍、夜叉等，欲繫念者，欲思惟者，欲行禪者，欲得三昧正受者。」

佛告父王：「云何名繫念 (*smṛtiṃ kṛtvā; smṛty-upa-ni-baddha; anu-vi-√cint*) ? 自有眾生·樂觀如來·具足身相；自有眾生·樂觀如來·諸相、好中·一一相、好者；自有眾生·樂觀如來·隨順相、好；自有眾生·樂觀如來·逆相、好者；自有眾生·樂觀如來·光明者。自有眾生·樂觀如來·行者；自有眾生·樂觀如來·住者；自有眾生·樂觀如來·坐者；自有眾生·樂觀如來·臥者。自有眾生·樂觀如來·乞食者；自有眾生·樂觀如來·初生者；自有眾生·樂觀如來·納妃時者；自有眾生·樂觀如來·出家時者；自有眾生·樂觀如來·苦行時者；自有眾生·樂觀如來·降魔時者；自有眾生·樂觀如來·成佛時者；自有眾生·樂觀如來·轉法輪時者；自有眾生·樂觀如來·昇忉利天·為母說法時者；自有眾生·樂觀如來·降伏曠野鬼神者；自有眾生·樂觀如來·於那乾訶羅·降伏諸龍·留影時者；自有眾生·樂觀如來·在拘尸那城·降伏六師、尼提賤人、及諸惡律儀·殷重邪見人者。

15 [0647c26] 如是，父王！我涅槃後，諸眾生等，業行若干，意想若干，所識不同，隨彼眾生心想所見，應當次第·教其繫念。如·我住世，不須繫念。譬如·日出，冥者皆明，惟·無目者而無所覩。

[0648a01] 未來世中，諸弟子等，應修三法。何等為三？一者、誦·修多羅甚深經典。二者、淨持禁戒，威儀無犯。三者、繫念思惟，心不散亂。

20 [0648a04] 云何名繫念 (*smṛtiṃ kṛtvā; smṛty-upa-ni-baddha; anu-vi-√cint*) ? 或有欲繫心·觀於佛頂上者；或有欲繫心·觀佛毛髮者；或有欲繫心·觀佛髮際者；或有欲繫心·觀佛額廣平正相者；或有欲繫心·觀佛眉間白毫相者 (*ūrṇā-keśa*)；或有欲繫心·觀佛眉者；或有欲繫心·觀佛牛王眼相者 (*go-pakṣman*)；或有欲繫心·觀佛修直鼻相者；或有欲繫心·觀佛鷹王[口*(佳/乃)]相者。自有眾生·樂觀如來·髭鬚·如·蚪斗形·流出光明者；自有眾生·樂觀如來·脣上腭際者；自有眾生·樂觀如來·脣色赤好·如·頻婆果者；自有眾生·樂觀如來·下脣如鉢頭摩華莖者，其色紅赤上入頻婆果色中者；自有眾生·樂觀如來·口四十齒相者 (*catvāriṃśad-danta*)；自有眾生·樂觀如來·齒白齊密相者 (*sama-danta; su-śukla-danta*)；自有眾生·樂觀如來·齒上印文相者；自有眾生·樂觀如來·齒畫界者；自有眾生·樂觀如來·上腭相者，八萬四千畫了了分明；自有眾生·樂觀如來·下斷·如·優曇鉢華莖色者；自有眾生·樂觀如來·咽喉·如·琉璃筒，狀如累蓮華相者；自有眾生·樂觀如來·廣長舌相 (*prabhūta-tanu-jihva*)·蓮華葉形，上色五畫·五彩分明，舌下十脈·眾光流出，舌相廣長·遍覆其面者；自有眾生·樂觀如來·咽喉節中·有三相者；自有眾生·樂觀如來·咽膺相·如·金翅鳥眼者；自有眾生·樂觀如來·頭相者；自有眾生·樂觀如來·八萬四千髮相者；自有眾生·樂觀如來·毛右旋者；自有眾生·樂觀如來·一一孔·一毛旋生者 (*ekaika-roma-pradakṣiṇāvarta*)；自有眾生·樂觀如來·頭皮者；自有眾生·樂觀如來·肉髻骨者 (*uṣṇīṣa-śiraskatā*)；自有眾生·樂觀如來·腦者；自有眾

生·樂觀如來·耳普垂睡者；自有眾生·樂觀如來·耳輪郭相者；自有眾生·樂觀如來·耳旋·生·七毛相者；自有眾生·樂觀如來·缺盆骨滿相，於彼相中·旋生光臺者；自有眾生·樂觀如來·腋下滿相 (*citāntarāṃsa*)，於其相中·懸生五珠，如摩尼珠·上跏佛腋者；自有眾生·樂觀如來·臂傭纖圓·如·象王鼻者；

5 自有眾生·樂觀如來·肘骨·如·龍王髮·婉轉相著，文彩不壞，節頭繫龍·不見其迹，手指參差·不失其所，於指節端·十二輪現；自有眾生·樂觀如來·赤銅爪，其爪八色·了了分明；自有眾生·樂觀如來·合曼掌相 (*jālāvanaddha-hasta*)，張時·則見，斂指·不見，如·真珠網·了了分明，勝·閻浮檀金·百、千、萬倍，其色明達·過於眼界，於十指端·各生卍字 (*sv-asti-ka; śrī-vatsa*)，卍字點

10 間·有千輻輪，眾相具足·如·和合百、千蓮華；自有眾生·樂觀如來·掌文間成·如·自在天宮，其掌平正·人天無類，當於掌中·生千輻相，於十方面·開摩尼光，於其輪下·有十種畫。一一畫·如·自在天眼·清白分明，然後入掌相中；自有眾生·樂觀如來·手背毛·上向靡 (*ūrdhvāgra-roma; ūrdhvāṅga-roma*)，如·紺琉璃，流出五色光·入網曼中者；自有眾生·樂觀如來·手足柔軟 (*mṛdutaruṇa-hasta-pāda-tala*)·如·天劫貝；自有眾生·樂觀如來·手內外握；自有眾生·樂觀如來·胸·德字·萬印·相，三摩尼光相者；自有眾生·樂觀如來·臍·如·毘楞伽寶珠；自有眾生·樂觀如來·脇肋，大小正等·婉轉相著；自有眾生·樂觀如來·諸骨支節，繫龍相結·其間密緻者；自有眾生·樂觀如來·鈎鏤骨·卷舒自在·不相妨礙；自有眾生·樂觀如來·骨色鮮白，頗梨雪山·不得為譬，

20 上有紅光·間錯成文，凝液如脂；自有眾生·樂觀如來·伊尼·鹿王膺 (或[蹲酋+(十/田/厶)])相者 (*enī-jaṅgha; eṇeya-jaṅgha; aiṇeya-jaṅgha*)；自有眾生·樂觀如來·踝相者；自有眾生·樂觀如來·足趺平正相者 (*ucchaṅkha-pāda*)；自有眾生·樂觀如來·足趺上色，閻浮檀金色，毛·上向靡，足指網間 (*jālāvanaddha-pāda*)·如·羅文彩，於其文間·眾彩玄黃，不可具名；自有眾生·樂觀如來·赤銅爪相，於其爪端，有五師子口；自有眾生·樂觀如來·脚指端·蠡文相，如·毘紐羯磨天·所畫之印；自有眾生·樂觀如來·足下平滿 (*su-pratiṣṭhita-pāda*)·不容一毛，足下千輻輪相，鞞鞞具足·魚鱗相次 (*adhastāt pāda-talayoś cakre jāte sahasrāre, sanābhike sa-nemike, sarvākāra-paripūrṇe*)，金剛杵相者。足跟亦有梵王頂相，眾蠡不異，如是名**樂順觀**者。自有眾生·**樂逆觀**者，從足下·千輻輪相，

30 從下·觀至足指上。一一相、一一好、一一色，**從下至上**，了了**逆觀**，是名**逆觀法**。自有眾生·樂觀如來·金色 (*suvarṇa-varṇa-saṅkāśa*)，佛生閻浮提故，作色中上色，如·百、千日·耀·紫金山·不可得具見；自有眾生·樂觀如來·巨身丈六者；自有眾生·樂觀如來·圓光一尋者；自有眾生·樂觀如來·舉身光明者；自有眾生·樂觀如來·說法時·瑞應相者；自有眾生·樂觀如來·臍，上向相、

35 下向相者。」

[0648c25] 佛告父王：「云何名觀如來頂？如來·頂骨團圓，猶如合捲，其色正白。若見薄皮，則為紅色。或見厚皮，則金剛色。髮際·金色，腦·頗梨色。有十四脈，眾畫具足。亦十四光，其光，如脈，分明了了。於腦脈中，旋生諸光，上衝頭骨。從頭骨出，乃至髮際，有十四色，圍遶眾髮。髮下金色，亦生眾光，入十四色中。是名·如來生王宮中·頂腦肉髻 (*uṣṇīṣa-sīraskatā*)。惟其頂上，五大梵相。生時，摩耶及佛姨母，皆悉不見。其五梵相，開現光明，至於梵世，復過上方·無量世界，化成宮臺。諸佛境界，十地菩薩之所不見。

[0649a06] 今，為父王，說·生頂相。若有聞者，應當思惟佛勝頂相。其相光明，如·三千界·大地·微塵，不可具說。後世眾生，若聞是語，思是相者，心無悔恨，如·見世尊·頂勝相光，閉目得見，以心想力，了了分明，如·佛在世。雖觀是相，不得眾多。從一事起，復想一事。想一事已，復想一事。逆順反覆，經十六反。如是心相，極令明利。然後，住心·繫念一處。如是，漸漸舉舌向腭，令舌政住；經二七日，然後身心可得安隱。復當繫心，還觀佛頂。觀佛頂法，先·隨毛孔入。」

[0649a17] 佛告父王，及勅阿難：「諦聽，諦聽，善思念之。如來，今者，頭上，有八萬四千毛，皆兩向靡·右旋而生，分齊分明，四抓分明。一一毛孔，旋生 (*ekaika-roma-pradakṣiṇāvarta*) 五光，入前十四色光中。

昔，我在宮，乳母·為我沐頭。時，大愛道來至我所：『悉達生時，多諸奇特。人若問我：「汝子之髮，為長幾許？」我云何答？今當量髮，知其尺度。』即勅我·申髮。母以尺量。長一丈二尺五寸，放已，右旋，還成蠡文 (*kunḍalaka*)。

[0649a24] 欲納妃時，復更[沃-大+木]頭，母復勅言：『前者量髮，正長一丈二尺五寸。今當更量。』即申量之，長一丈三尺五寸。我出家時，天神捧去，亦長丈三尺五寸。今者，父王，欲看髮相不？」

[0649a28] 父王白言：「唯然。天尊！樂見佛髮。」

[0649a29] 如來即以手，申其髮，從尼拘樓陀精舍，至父王宮，如·紺琉璃，遶城七匝。於佛髮中，大眾，皆見若干色光，不可具說，是一一光，普照一切，作·紺琉璃色。於琉璃色中，有諸化佛·不可稱數。現是相已，斂髮·卷光，右旋婉轉，還住佛頂，即成蠡文 (*kunḍalaka*)，是名如來真實髮相。

[0649b06] 若有比丘、及比丘尼、諸優婆塞、優婆夷等，欲觀佛髮，當作是觀，不得他觀。若他觀者名為邪觀，名為狂亂，名為失心，名為邪見，名顛倒心；設得定者，無有是處。如是，父王！佛真髮相·事實如此。

[0649b10] 觀髮相已，次·觀髮際，如·赤真珠色，婉轉下垂。有五千光，間錯分明，皆·上向靡 (*ūrdhvâgra-roma; ūrdhvânga-roma*)，圍遶諸髮，從頂上出，遶頂五匝，如·天畫師·所作畫法，團圓正等·細如一絲。於其絲間，生諸化佛，有化菩薩·以為眷屬，諸天八部·一切色象·亦於中現，色如日輪·不可具見，是名觀佛髮際。如此觀者，名為正觀。若異觀者，名為邪觀。」

佛告父王：「此名如來髮際實觀。」

[0649b19] 云何觀如來額廣平正相？額廣平正相中，有三相：一者，所謂白毛相。佛初生時，王與夫人，將太子，詣阿私陀仙，令相太子。仙人披[疊*毛]，初見太子眉間白毛（*ūrṇā-keśa*）旋生；於白毛邊，有諸輪郭，隨白毛旋。相師舒毛，見毛長大，即取尺·度量其長短，足滿五尺，如·琉璃筒。放已，右旋，如·頗梨珠，顯現無量、百、千色光，是名菩薩初生時·白毫相光。

[0649b26] 至年八歲，姨母復觀悉達年大，其眉間毛，亦隨年長。今試看之，即舒白毛，見毛正直，如·白琉璃筒。於其毛端，出五色光明，還入毛孔。母甚憐念，情無已已，告語諸人：『我子毛相·乃至如此。』諸人見已，如前右旋，甚可愛念。是名菩薩童子時·白毫毛相。

10 [0649c04] 云何名菩薩納妃時·白毫毛相？耶輸陀羅·父，自遣相師，來相太子，見三十二相（*dvātriṃśan mahā-puruṣa-lakṣaṇāni*）·炳然如畫，惟於白毛·其心不了。相師即言：『地天·太子！其餘眾相，同·金輪王，唯·此白毛·流出眾光，非我所明。今欲舒看，為可爾不？』太子告言：『隨汝所欲。』爾時，相師以手申毛，其毛·流出·如·牛王乳，射·相師眼。其眼明淨，即於毛中，
15 見·百、千轉輪聖王·七寶、千子·皆悉具足。相師驚愕，白言：『地天·太子！我申白毛，欲觀長短，不知何意，如·牛王乳·來射我眼。為是實見、為是夢見、為是狂亂？今者悉忘。太子相、好，一切都盡。惟見·百、千轉輪聖王·七寶、千子、及四種兵，從四面起。我心歡喜，如·婆羅門·得梵世樂。』語已，放毛。右旋婉轉，還復本處。

20 [0649c17] 爾時，相師，名牢度跋多，見此事已，五體投地，禮於太子：『太子眾相，不可具見。如·我相法，見一相者，王·四天下·快得自在。今，太子相，如·摩醯首羅，自在神力，不可記錄，當云何知？』

太子告言：『吾不達此。汝自歸家，往白汝王。』

[0649c22] 爾時，相師，即還本國，以如上事，具向王說。

25 王聞是語，駕乘名象，導從百、千，詣迦毘羅城，到淨飯王宮，以水·澡太子手，持女上之，因為作禮：『地天·太子！願受我女，可備灑掃。相師所見上妙毛相，我今欲見，為可爾不？』

太子告言：『隨意看之。』

30 [0649c28] 爾時，耶輸陀羅·父，以手，申太子白毛，見其白毛，如·頗梨幢，節節相當。於眾節間，見有無量、百、千梵王、釋提桓因、諸勝天子、與宮殿俱，了了而見，如·於明鏡·自觀面像。見已，歡喜，尋復放捨，如·前右旋，還住眉間，光明赫奕，四面布散，入輪郭中·不可悉說，是名菩薩納妃時·白毫相。」

35 [0650a05] 佛告父王：「佛涅槃後，四部之眾，其欲觀菩薩為童子時·及納妃時·白毫相者，當作是觀。如此觀者，是名正觀。若異觀者，是名邪觀。」

[0650a09] 佛告父王：「云何名如來出家時·白毫相？我欲出家時，父王及母，遣諸婁女，常以衛護。門·施關鍵，開闔有聲，如·師子吼。於窓牖間，密懸諸鈴；金鎖相鉤，龍、鬼、夜叉·無從得入。爾時，四天王，於虛空中，遙發

聲言：『地天·太子！日時·已至，宜當學道。我今欲往供養太子，恐殿有聲，無緣得入。』爾時，太子以手申毛，至四天王所，色如·天繒，柔軟可愛。時，四天王見，心甚愛敬。以愛敬故，即於毛中，見化菩薩，結·加趺坐，形如太子。一一菩薩，復有無量諸大菩薩，共為眷屬。此相現時，無量諸天、龍、夜叉等，俱時得入。勅語車匿：『汝往後厩，被撻陟來。』車匿白言：『今此地中，若舉足時，此地振吼，如·大象聲，云何得往？』爾時，太子復申白毛，令車匿見，猶如蓮華，葉葉相次，其白·如雪。車匿見已，心眼即開，於其葉間，見化菩薩·結·加趺坐，猶如微塵·不可稱數。是諸化人，眉間白毛，亦復如是。

[0650a26] 爾時，車匿見宮中地·如·頗梨色，表裏堅實，猶如金剛；躡足無聲，疾至後厩，被馬金鞍，牽至殿前。

車匿白太子言：『諸天顛顛，合掌、叉手，住在空中，同聲讚歎·出家功德。太子宜時·速疾乘馬。』

[0650b01] 爾時，太子復舒白毛，持·擬諸女，令·諸侍女·身心悅樂，猶如·比丘得第三禪。爾時，此毛，婉轉右旋，還入眉間。諸天復見太子眉間有百、千光，譬如·乳河·周流一切。於乳河中，有化菩薩，乘·化蓮華，皆共讚歎出家功德。一一化菩薩，眉間乳河·流出光明·亦復如是。」

[0650b07] 佛告父王：「是名菩薩出家時·白毛相·種種瑞應。若佛滅後，諸四部眾，欲觀如來出家時·白毛相者，當作是觀。若異觀者，是名邪觀。」

[0650b11] 佛告父王：「云何名苦行時·白毫毛相？如·我踰出宮城已，去伽耶城不遠，詣阿輸陀樹。吉安天子等·百、千天子，皆作是念：『菩薩若於此坐，必須坐具。我今應當獻於天草。』即把天草·清淨柔軟，名曰吉祥。菩薩受已，鋪地而坐。是時，諸天諦觀菩薩身相可愛，復見白毛·圍如三寸，右旋婉轉·有百、千色，流入諸相。是諸天子，觀白毫時，各作是念：『菩薩，今者，惟受我草，不受汝草。』時，白毛中，有萬、億菩薩·結·加趺坐，各取其草，坐此樹下。一一天子，各見白毫中·有如此相。是時，吉安天子而讚歎言：『善哉。勝士！修大慈悲。慈悲力故，得大人相。於其相中，無量變現，能滿諸天一切善願，不生諍訟，起菩提心。』

[0650b24] 釋梵諸天，見於菩薩。坐此樹下，各獻甘露，持用供養。

菩薩是時，為欲降伏彼六師故，不受彼供。天令左右自生麻米。菩薩不食。諸天皆曰：『此善男子，不食多日，氣力憊然，餘命無幾，云何當能成辦菩提？』菩薩是時，入滅意三昧；三昧境界，名寂諸根。諸天啼泣，淚下如雨，勸請菩薩。當起飲食。作是請時，聲遍三千大千世界，菩薩不覺。

[0650c02] 有一天子，名曰悅意。見·地生草·穿菩薩肉，上生至肘，告諸天曰：『奇哉。男子·苦行乃爾。不食多時，喚聲·不聞，草生·不覺。』即以右手，申其白毛，其毛·端直，正長一丈四尺五寸，如·天白寶，中外俱空。天見毛內有百億光；其光微妙，不可具宣。於其光中，現化菩薩，皆修苦行，如·此，不異。菩薩不小，毛亦不大。諸天見已，歎未曾有，即放白毛，右旋婉轉，與光明俱，還復本處。

[0650c11] 爾時，諸天諦觀白毛，目不暫捨，見白毛中，下生五筒，從面門入，流注甘露，滴滴不絕；從舌根上，流入于身，表裏清徹，如琉璃山，百、千、萬、億諸大菩薩，於己身內現。諸天見已，合掌、歡喜：『前言·愚癡；言·此大人·命不云遠。今·見是相，必當成佛，了了無疑，無上慧日·照世不久。』
5 作是語已，遶百、千匝，各還宮殿，如此音聲·聞·六欲天。」

[0650c18] 佛告父王：「佛滅度後，若四部眾，欲觀如來苦行時·白毫相者，當作是觀。如此觀者，是名正觀。若異觀者，名為邪觀。」

觀相品第三之二

10 [0650c29] 佛告父王：「云何名菩薩降魔時·白毫相光？魔王波旬，遙以天眼，觀閻浮提，見·釋迦子——棄國如唾，坐道樹下，肌骨枯槁，形體羸瘠，如久病人；唯有金色光明益顯，其眼陷黑，如井底星，骨節相跂，失蟠龍文。

波旬喜曰：『瞿曇體羸，骨如腐草，雖有光色，餘命無幾，曼道未成，宜往敗之。』瞋目大怒，勅·諸夜叉·速集軍眾：『吾今欲行下閻浮提·往征瞿曇。』

15 [0651a07] 是時，魔子，名薩多羅，長跪白父：『淨飯王·子，其生之時，萬神侍御，光徹眾天。其人慈悲，普覆一切，今為群生，坐於道樹。父王云何興惡逆意？』

魔即怒曰：『汝幼無知，乃言瞿曇有勝道德。瞿曇身羸，如·枯骨人，竟何所能·而言慈悲？』

20 子復白言：『瞿曇體羸，不食故爾。觀其光色，如金剛山，紫焰流出，恬坐六年，心無傾搖；觀其面貌·曾無畏色。唯願·大王！且住天宮，不願往攻。』

波旬復言：『汝但默然，何須多云？』

[0651a16] 時，夜叉主，名曰翅陀，即至魔所，頭面著地，為魔作禮，白言：『天王！何所勅令？』

25 波旬告曰：『汝以我聲，遍勅六天，告下鬼王、并諸八部、及曠野鬼、十八地獄·閻羅王神，一切皆集，往瞿曇所。』

[0651a20] 是時，諸鬼，猶如雲起，從四面集。或有諸鬼，首如牛頭，有四十耳。於其耳中，生諸鐵箭。赤焰上起，高一由旬。有十八角，角端擎山。山上有龍，銜熱鐵丸。復有諸鬼，首如狐頭，有十千眼。眼睫長大，如霹靂炎。項上有口，口吐熾火。身上諸毛，猶如劍樹。復有諸鬼，倒住空中。有十二脚，於其足跟，有千刀輪。頭如太山，於其頭上，五百劍樹，樹頭火起。復有諸鬼，婉轉腹行，負·鐵圍山穹脊·而至。復有諸鬼，一頸多頭，口有千舌。於其舌上，生棘刺樹，毛鬣上衝，毛端雨血，吐刺疾走，騰空而至。

[0651b02] 毘舍闍鬼，發大惡聲，氣踊如雲，雨熱鐵丸，倏忽而到。鳩槃荼鬼，蹲踞土埵，現其醜形。富單那鬼，其形黑瘦，頭戴大鑊，盛熱鐵丸，手執刀輪，左脚踏狗，右脚踏狼，奔走而至。諸羅刹王，背黑如漆，胸白如月，眼如盛火，頭髮蓬亂，如縛刺束，狗牙上出，狀如鈿劍，手十指爪，利如鋒芒，脚有十

爪，縱橫如劍，以鐵羈頭，疾走而至。曠野鬼神、大將軍等，一頸六頭，胸有六面，膝頭兩面，舉體生毛，狀如箭鏃，奮身射人，張眼焰赤，血出流下，與諸兇類，疾走而到。

5 [0651b13] 復有諸鬼，首如虎頭，有十二眼，鼻如象鼻，有十三鼻，左肩擔山，右肩負火，手捉利劍，脚躡師子，哮吼而至。復有諸鬼，其身如雲，霹靂火起，如團雲頭，於團雲邊，有百、千、萬龍，不見其身，但見吐毒，於十方面，一切惡事，如雲而集。鬼子母神，將其諸子，各執一石壁，方十里，巖嶿可畏，競馳而至。復有諸鬼，捲脊挾尾，以鼻嗅地。鼻出諸火，火焰上化，化生諸鬼，擔面而走。

10 [0651b21] 是時，魔王，顧視夜叉，告令諸鬼：『今者，鬼兵既已雲集。瞿曇善人，或能知呪，當興四兵。』以魔王珠，化作四兵——象、馬、車、步——列仗如林，甚可怖畏，直從空下，至道樹邊。

15 [0651b25] 魔復更念：『如此軍眾，或不能淹、降伏瞿曇。』復脫寶冠，持擬地下，其冠光明，逕至下方，當閻羅王化人宮上，高聲大呼，告勅諸鬼：『汝等·獄卒、及閻羅王，阿鼻地獄，刀輪、劍戟、火車、鑪炭，一切都舉向閻浮提，欲滅瞿曇，擲置其中。』

[0651c01] 阿鼻地獄，縱廣正等，八萬由旬，七重鐵城，下十八高。四面劍林，亦十八行。東方，復有十八小地獄，以為圍遶。南方，十八高，以為圍遶。西方，十八高，以為圍遶。北方，十八高，以為圍遶。地下自然有熾猛火，燒然鐵城，鐵網俱熾，一切熱焰，周迴還旋，下過十八高。若有眾生犯五逆者，身滿其中，受如此苦，晝夜不息，間無空缺。劫欲盡時，四門自開。諸罪人等，見東門外一切劍林，如清涼林，從下高起，至第二高。第二高起，至第三高，乃至於上，走趣東門。羅剎獄卒，以熱鐵叉，逆刺其眼；精如融銅，流出于地。即時，臂倒，遍滿十八高中。其心迷悶，滿一小劫；爾乃還起，復向南門。如是四方，20 如前無異，晝夜受苦，逕一大劫。劫盡，更生餘小地獄。其餘眾獄，形狀大小，受報輕重，形類好醜，一切雜報，慈三昧中，當復廣說。

[0651c17] 時，諸獄卒，城東·八千，三方·亦爾。一一獄卒，頭髮如山，生·刀輪、劍戟。耳如驢耳，有百、千種；一一耳中，烟焰俱起。脣、口、牙齒，過於羅剎百、千、萬倍。角如牛角，角端生劍，五方異見。身體赤黑，如·癩病狗，有四百尾。於其尾頭，濃血沸屎，有鐵[口*(佳/乃)]蟲，纏其身體；手捉鐵叉，脚下踏輪；刀輪上刺，直徹心髓，駛疾如風，各以鐵叉，叉·罪人腰，直上而走，阿鼻地獄如影隨形，逐罪人來。

[0651c25] 俄頃之間，到道樹邊。一時雲集，欲興惡逆。菩薩是時，儼然不動，入勝意慈。

35 魔王講張，奮武振吼，勅諸兵眾：『汝等，速疾逼害瞿曇。』上震天雷，雨熱鐵丸，刀輪武器·更相加積·交橫空中。四面諸鬼，同時俱作。然，其火、箭，不近菩薩。

[0652a01] 是時，菩薩，徐舉右臂，申·眉間毛（*ūrṇā-keśa*），下向用擬阿鼻地獄，令·諸罪人·見·白毛中·流出眾水，澍·如車軸，雨·大火上。大火暫滅，唯烟氣在，令·受罪人·心得小悟，自憶·前世·百生、千生、百、千、萬生·所作諸罪。諸獄卒等，持·大鐵叉，舉起罪人，盡其身力，不能得動。忽然自見·大鐵叉·頭如白銀山，龕室千萬，有白師子·盤身為座。於其座上，生白蓮華，有妙菩薩·入勝意慈，如是莊嚴，如·須彌山。放叉，擲地，有七寶華，生·叉根下；有白色光明，照·諸地獄、及獄卒身，令·閻羅王、及諸獄卒，作·白銀山，猶如電光·暫時得見。諸受罪人，六情諸根·猛火速起；節頭火然，筋脈生釘，暫得一起，合掌、叉手，向·白毫相，即時，心開。見·白毛中人·如己無異，坐蓮華林，以水澆灌·諸罪人頂，令心熱惱暫得清涼，即皆同時稱·南無佛。以是因緣，受罪畢訖，直生人中；諸情完具，正見出家；既出家已，破二十億洞然之結，成須陀洹。

[0652a19] 魔見是相，憔悴懊惱，却臥床上。魔有三女，長名悅彼，中名喜心，小名多媚。

時，魔三女，至父王所，長跪叉手，為父作禮，啟言：『父王！今日何故憔悴乃爾？』

其父答言：『沙門瞿曇結誓深重，今坐道樹，要壞我民。是故，愁耳。』

女白父言：『我能往亂。願父莫愁。』即自莊飾，著雜寶冠，容媚挺特，過踰魔后·百、千、萬倍。眇目作姿，現諸妖冶，瓔珞晃耀，光翳六天，乘羽寶車，安施寶帳，垂諸天華。於華鬚頭，諸化玉女，手執樂器，鼓樂絃歌，聲萬種音，凡在世人之所喜樂。一一玉女，從五百女以為侍御，繒蓋幢幡·如雲而下。身毛孔中，香烟芬馥，有百、千色，玄黃昱爍，甚適人目。安庠徐步，至菩薩所，下車、合掌，禮敬菩薩，旋遶七匝，白菩薩言：『太子生時，萬神侍御，七寶來臻，何棄天位來此樹下？我是天女，盛美無比，顏貌紅輝，六天無雙。今以微身，奉上太子，供給左右，可備灑掃。我等善能調身按摩，今欲親附，願遂下情。太子坐樹，身體疲懈，宜須偃息，服食甘露。』即以寶器，獻·天百味。

[0652b10] 太子，寂然，身心不動，以白毫擬，令三女·自見身內·膿囊涕唾、九孔筋脈·一切根本，大腸·小腸·生藏·熟藏。於其中間，迴伏婉轉，踊生諸蟲，其數滿足有八千戶，戶·有九億諸小蟲等。蟲遊戲時，走入小腸，皆有四口·張口上向。大蟲遊戲，入大腸中，從大腸出，復入胃中。冷病起時，胃管閉塞，蟲不得入，故食不消。脾、腎、肝、肺、心、膽、喉嚨，肺腴、肝鬲，如是中間，復生四蟲，如四蛇合，上下同時，啖食諸藏，滓盡汁出，入眼為淚，入鼻為涕，聚口成唾，放口涎流。薄皮、厚皮，筋髓諸脈，悉生諸蟲，細於秋毫·數甚眾多·不可具說。

[0652b21] 其女，見此，即便嘔吐，從口而出，無有窮盡。即自見身·左生蛇頭，右生狐頭，中首狗頭，頭上·化生九色死屍，如九相觀。

[0652b24] 九相觀者：一者、新死相：或見死人，身體正直，無所復知。想·我此身，亦當復爾，與此無異，故曰新死相。二者、青瘀相：或見死人，一日至

于七日，身體青腫、瘀黑相。我所愛身，亦當復爾，與此無異，故曰青瘀相。三者、膿血相：或見死人，身已爛壞，血流塗漫，極為可惡，不可瞻視。我所愛身，亦當復爾，故曰膿血相。四者、絳汁相：或見死人，身體縱橫，黃水流出，狀似絳汁。我所愛身，亦當復爾，故曰絳汁相。五者、食不消相：或見死人，為烏鳥所食，蟲狼所噉，為蠅所蛆，其肉欲盡，或半身在此。我所愛身，亦當復爾，故曰食不消相。六者、筋纏束薪相：或見死人，皮肉已盡，止有筋骨相連，譬似束薪，由是得成，而不解散。我所愛身，亦當復爾，故曰筋纏束薪相。七者、骨節分離相：或見死人，筋已爛壞，骨節縱橫，不在一處。我所愛身，亦當復爾，故曰骨節分離相。八者、燒焦可惡相：或見死人，為家火所燒，野火所焚，焦縮在地，極為可惡，不可瞻視。我所愛身，亦當復爾，故曰燒焦可惡相。九者、故骨相：或見久昔乾骨，若五十歲，至百歲、二百歲、三百歲時，骨還變白，日曝徹中，火從骨上，焰焰而起，火燒之後，風吹入地，還歸于土。是名略說九相，是為菩薩始在樹下·初開·不淨觀門。

[0652c20] 時，三魔女，自見背上，復負老母，髮白、面皺，脣口喎僻，手脚繚戾，顏色津黑，猶如僵尸。胸前，復抱一死小兒，於六竅中，流出諸膿。膿中，生蟲，正似蚊蟲。諸女見此，愕然驚惶，却行而去；低頭視臍，臍生六龍，龍吐水火；耳出諸風，體堅如鐵。自見女形，醜狀、鄙穢，乃當如是。於其鄙處，有諸小蟲。蟲有四頭，二上二下，啖食女身。口出五毒，毒有五脈，上至心下，乃至咽喉。從六根中，生諸脈根，九十有九，直下流注，至諸蟲頂，共相灌注，徹諸蟲心。諸女人等，從無數世，造諸邪行，惡業因緣，獲得如是不淨醜身。復有諸蟲，如手臂釧，團欒相持，而有眾口。口生五毒，啖食女根。諸女人等，先世之時，邪淫行故，獲臭惡身，以為莊嚴。

[0653a05] 諸女見已，心極酸苦，如箭入心。却行之時，匍匐而去，如羸駝步。初舉足時，節節火起，其髮黃黑，如刺棘林，以自纏身，呼嗟歎息，至魔王前。

魔王心怒，奮劍豎色，即欲直前。

魔子諫曰：『父王無辜，自招瘡疣。菩薩行淨，難動如地，云何可壞？』

[0653a10] 作是諫時，菩薩復以白毫光擬，令魔眷屬身心安樂，譬如比丘入第三禪。

30 餓鬼見白毛，毛端，皆有百、千、萬、億諸大菩薩。是諸菩薩，亦入勝意慈心三昧，各以右手，將左指頭，爪端生乳，灑滅猛火。猛火滅已，即得清涼，自然飽滿，身心踊悅，發菩提心。因是心故，捨餓鬼苦。是諸鬼等，自見其身，如似白玉，似瑠璃山、似頗梨山、似黃金山、似馬瑙山，身諸毛孔，似真珠貫，眼目明淨，似明月珠，身諸烟焰，如雜寶雲，所執刀杖，似七寶臺，七寶臺內，重鋪紈綺，安置丹枕，左右自然，有化梵王。見化菩薩，坐於花臺，各各異說。諸罪人報：『汝等，前世坐作惡業故，獲如此可惡之形。』說是語時，是諸鬼神，有發無上菩提心者；有種聲聞、辟支佛因緣者；有於來世，當生人天勝樂處者。

[0653a26] 是時，魔王，忽然還宮。白毫隨從，直至六天。於其中間，無數天子、天女，見白毛孔，通中皆空，團圓可愛，如梵王幢。於其空間，有百、千、萬恒河沙微塵，諸寶蓮華。一一蓮華，無量、無邊諸妙白色，以為其臺。臺上，有化菩薩，放白毫大人相光，亦復如是。諸菩薩頂，有妙蓮華。其華，金色，過去七佛，在其華上。是諸化佛，自說名字，與修多羅，等，無差別。

[0653b05] 復有諸天，宿善根者，見，化菩薩，一毛孔中，生一菩薩。菩薩頂上，皆有化佛，如前不異。

時，諸化佛，眉間，出華，百寶莊嚴，諸天世間無色可比。有化光臺，臺上化佛，如前不異。諸化菩薩，身毛孔中，化出一切十方眾生，所希見事。化人，足下，有化光臺，生諸天宮，勝過，六欲魔王宮殿，亦勝大梵儼身之宮。諸梵頂相，從化菩薩足輦間生。如是，白毛，上至無色，遍照一切無量、無邊諸天世界，皆如白寶頗梨明鏡。

[0653b15] 諸天見此勝瑞相已，不樂天樂，發菩提心。

魔王，八萬四千，天女，視波旬身，狀如死狗，亦似焦木。但，瞻，菩薩白毫相光，心意悅樂，無以為譬。怒恚波旬：『前所為事，規欲壞他，自失軍眾。』作是語時，百、千、無數，天子、天女，復發無上菩提道意。」

[0653b20] 佛告大王：「如是種種諸勝相事，但從菩薩眉間白毫而生此耳。不勞，其餘身分功德。

[0653b22] 佛滅度後，諸四部眾，若能暫時捨離散亂，繫心正觀，菩薩降魔，白毫相者，滅，無數劫，黑業惡障，亦除，十惡諸煩惱障，能於現世，見佛影像了了分明。如是，種種，觀相境界，不可具說。

[0653b26] 如，我滅後，欲觀如來降伏魔時，白毛相者，當作此觀。如是觀者，名為正觀。若異觀者，名為邪觀。

[0653c01] 云何名為如來成佛時，大人相、覺人相、不動人相、解脫人相、光明人相、滿智慧人相、具足諸波羅蜜相、首楞嚴等諸三昧海相？菩薩摩訶薩，從勝意慈三昧起，入滅意定。從滅意定起，還入首楞嚴。從首楞嚴起，入慧炬三昧。從慧炬三昧起，入諸法相三昧。從諸法相三昧起，入光明相三昧。從光明相三昧起，入師子音聲三昧。從師子音聲三昧起，入師子奮迅三昧。從師子奮迅三昧起，入海意三昧。從海意三昧起，入普智三昧。從普智三昧起，入陀羅尼印相三昧。從陀羅尼印相三昧起，入普現色身三昧。從普現色身三昧起，入法界性三昧。從法界性三昧起，入師子吼力王三昧。從師子吼力王三昧起，入滅諸魔相三昧。從滅諸魔相三昧起，入空慧三昧。從空慧三昧起，入解空相三昧。從解空相三昧起，入大空智三昧。從大空智三昧起，入遍一切處色身三昧。從遍一切處色身三昧起，入寂心相三昧。從寂心相三昧起，入菩薩摩訶薩金剛相三昧。從金剛相三昧起，入金剛頂三昧。從金剛頂三昧起，入一切三昧海。從一切三昧海起，入一切陀羅尼海三昧。從一切陀羅尼海三昧起，入一切佛境界海三昧。從一切佛境界海三昧起，入一切諸佛解脫、解脫知見海三昧。從解脫、解脫知見海三昧起，

然後方入無量微塵數諸三昧海門。從諸三昧海門起，入寂意滅意三昧。從寂意滅意三昧起，入金剛警定大解脫三昧相門。

[0654a02] 爾時，道場地，化似金剛，滿八十里·其色正白，不可具見。此相現時，菩薩眉間白毫相光，端潔正直，轟然東向，長一丈五尺，有十楞現。彌迦女人同類五女，無數萬、億天、龍、鬼神，彌勒·賢劫諸菩薩等·跋陀婆羅等，無量、無邊、阿僧·祇微塵數·諸大菩薩，亦見此相。

[0654a07] 此相現時，佛菩提樹，白毛力故，根下·自然化生寶華，縱廣正等·四十由旬。其華，金色，金剛為臺。佛眉間光，照此華臺，其光直下·至金剛際。於金剛際，自然化生二金剛座，互相振觸，聲振三千大千世界，令此大地六種振動。其金剛座上衝蓮華，至蓮華根。其蓮華根，亦是金剛，三種金剛共相振觸，直還下過至金剛際，往旋十返，白毫光明圍遶十匝，令金剛座鏗然不動。

[0654a16] 佛坐此坐，消除三障，成菩提道。佛心·境界，說不可盡。若廣說者，一切眾生·至十地菩薩，亦不能知，亦非所解。是故，於此白毫相中，隱而不說。

[0654a19] 如是白毛光明力故，令菩提樹，金剛·為莖，根·亦金剛，楷·七寶成。楷上·生光，各各有七，圍遶佛身，化成寶縵。樹葉·金色，華·百寶色。華上·有光，百、千寶色，諸天寶光不得為譬？果·白寶色，夜摩天上·微妙白寶·不得為比。其果光明，化·摩尼網，彌覆樹上。於其網間，猶如白絲，婉轉下垂，化成寶鈴。

[0654a27] 鈴四角頭，有大寶臺。其臺·高顯，過於上方·無量世界。過是界已，復更化成諸大寶臺。其臺·高妙，不可具說，光顯微妙。譬如·和合百、千、萬、億·諸須彌山。於其臺上，有大寶蓋，純金剛成，雜色間錯·微妙光明。光明下垂，化成幡帳。於幡帳中，雨·寶蓋雲。寶蓋雲中，雨·幢幡雲。幢幡雲中，雨·妓樂雲。妓樂雲中，雨·寶光雲。寶光雲中，雨·諸香雲。諸香雲中，雨·師子座雲。師子座雲中，雨·華鬘雲。華鬘雲中，雨·妙音雲。妙音雲中，雨·偈頌雲。偈頌雲中，雨·諸珍寶。供養具雲。如是等種種供具，皆從菩提樹白毫相光明中出。

[0654b09] 時，白毛光，下垂·照地，令道場邊·金剛地上·化作七池。池·生德水。水·有七色，七色分明。色·有十光，上照樹王。其池·四岸，眾寶合成。一岸·百寶所共合成，一寶·流出百億光明。池底，純是金剛摩尼·以為底沙。水生諸華，純黃金·葉。葉上·千光，化成光輪。池·有七渠，水自湧出。池口·生華，葉葉相次。於蓮華鬚，流出諸水，如·琉璃珠·映徹分明。於渠兩邊，列生諸華，八萬四千·眾寶嚴飾。此渠中水，更相灌注。當水流時，光亦隨轉，映菩提樹。此樹光中。一一葉上·生寶蓮華。其華，遍布一切世界。於其華上，化·白寶臺，遍至十方·無量世界。其白毫光·從佛眉間·出·寶蓮華，團圓正等·滿一由旬。如是相次，過於上方·無量、無邊、不可算數·微塵·世界。華華相次。一一華上，見一佛坐，身·黃金色，方身丈六，結·加趺坐，坐·蓮華臺。其金剛座、及菩提樹，如上所說，等·無有異。乃至十方，亦復如是。

[0654b27] 於白毫中，復出寶華，勝·前寶華·百、億、萬倍。華上，有佛，如釋迦文，等·無有異。一華鬚頭，復有一佛，身亦丈六，入深禪定，心·不傾動。

5 [0654c01] 如是光明，照於東方無量、無數、百、千世界，令·諸世界·皆作金色。彼眾生，見·化佛·毛孔·開現光明，亦復如是，出無量、百、千寶光。一一光中，復有無量、百、億化佛。

[0654c04] 時，諸天、龍、鬼神、夜叉、乾闥婆等，觀此光明，遶佛千匝，照十方國，見十方國，高下、大小·了了分明，如·執明鏡·自見面像。

10 是諸大眾，波旬眷屬·八萬、億眾，諸鬼神、天、龍、夜叉等，各見白毫·端直丈五。十方·光見，映蔽眾目·如萬、億日，不可具見。但於光中，見無量、無數、百、億、千、萬·化·釋迦文·眉間白毛 (*ūrṇā-keśa*)，正長丈五。一一毛中，出無量光。一一光中，無量化佛。化佛眉間，亦復如是。是白毫光，輪郭之中，流出眾光，上至佛額，顯發·額廣平正之相。額上諸毛，毛皆上靡。其毛根下，梵摩尼色，適·眾生心。毛端流光，如·融紫金。光相·上靡，入於髮際，

15 婉轉垂下，至耳輪邊，然後布散，上入髮間，圍遶蠡文 (*kuṇḍalaka*)·數百、千匝，從枕骨生，如·金蓮華葉，日照·開敷。蓮華葉間、及蓮華鬚，如·帝釋畫，了了分明，眾色異現。於其色間，無量化佛。一佛，七菩薩、諸天·以為侍者，手執寶華，白中白者，華有五光，五色分明，隨從化佛·不失其所，此名如來初成佛時·白毫相光。

20 [0654c24] 因·白毫光，初生項光，生·王宮時，此光·如日，見不了了，圓光一尋·別自當說。時，諸八部，觀白毫光，所見不同。有見·白毛，猶如諸佛；有見·白毫，如諸菩薩；有見·白毛，如己父母。一切世間可尊敬事，悉於毛端·了了得見。見已，歡喜。有·發無上菩提心者；有·發聲聞、緣覺心者。如是諸鬼，見白毛者，自然慈心，無諸惡意。」

25 [0655a02] 佛告父王：「如來白毛，自從初生，乃至成佛，於其中間，微細小事，可得觀見。既成佛已，白毫光明·眾相具足，諸修多羅中，佛已廣說，白毫相光究竟之處，土地菩薩·爾乃得見。先說小者，應·諸世間·此事易見。」

[0655a07] 佛告父王，及勅阿難：「諦聽，諦聽，善思念之。傳語·後世諸弟子等，皆令得知。若我滅後，諸比丘等，若問是事：此白毫相，菩薩本昔修何行·得？汝當答言：『佛白毫相，從無量劫，捨心·不慳，不見前相，不憶財物，心無封著·而行布施；以身心法，攝身威儀，護持禁戒，如·愛雙目，然其心內·豁然虛寂，不見·犯起及捨墮法，心安如地，無有動搖。設有一人，以百、千刀，屠截其身。設復有人，以諸棘刺，鞭撻其身。菩薩初無一念瞋恚。設復有人，頭有千舌，舌出千言，種種異辭罵辱。菩薩顏色不變，如·淨蓮華，心無所著，身心不懈，無疲倦意，如·救頭然。如·身毛孔·生那利瘡，求覓良醫，晝夜精進，心無染污，如·琉璃珠·表裏俱淨，攝身·斂意，閉目、叉手，端坐、正受，其心如海·湛然不動，如金剛山·不可沮壞。雖作是意，不隨禪生，灰心、滅智，無所適莫，亦無覺觀，非·不觀法，心智猛利，攝諸方便，不見·有法若大、若

30

35

小，有細微相，如是眾多，名波羅蜜。亦從三十七助菩提法，復從十力、四無所畏、大慈、大悲、三念處、諸妙功德，得此白毫。』

[0655a27] 若我滅後，佛、諸弟子，捨離諸惡，去、憤鬧相，樂、少語法，不務多事，晝夜六時，能於一時，於一時中，分為少分，少分之中，能須臾間，
5 念、佛白毫，令心了了，無、謬亂想，分明正住，注意不息、念白毫者，若見相、好、若不得見，如是等人，除却、九十六億、那由他、恒河沙微塵數劫、生死之罪。

[0655b06] 設復有人，但聞、白毛，心不驚疑，歡喜信受，此人亦除却、八十億劫、生死之罪。

10 若諸比丘、比丘尼、優婆塞、優婆夷，犯、四根本罪，不如、等罪、及五逆罪，除、謗方等，如是眾人，若欲懺悔，晝夜六時，身心不懈。譬如、人在深草中行，四面火起，猛風吹來，欲燒其身，此人作念：『若火燒我，未死之間，支節解散，我當云何、得滅此火？若不設計，命必不濟，誰有智者、多諸方便、能救我命？設命全濟，於彼人所，無所悋惜。』作是思惟已，如、太山崩，五體投地，號泣兩淚，合掌、向佛，讚歎如來種種德行。作是讚已，誦懺悔法，繫念在前，念、佛眉間白毫相光，一日至七日，前四種罪、可得輕微。三七日時，罪相漸滅。七七日後，然後羯磨，事在他經。若比丘，犯、不如罪，觀、白毫光，闇黑不現，應當入塔，觀、像眉間，一日至三日，合掌、啼泣，一心諦觀。然後，入僧，說、前罪事，此名滅罪。前五種罪，念、白毫光，經八百日。然後，復有別羯磨法。』
15
20

[0655b25] 佛告父王：「如來有無量相、好。一一相中，八萬四千諸小相、好。如是相、好，不及白毫少分功德。是故，今日，為於來世諸惡眾生，說、白毫相、大慧光明、消惡、觀法。若有邪見極重惡人，聞此觀法，具足相貌，生瞋恨心，無有是處。縱使生瞋，白毫相光、亦復覆護，暫聞是語，除、三劫罪。後身、生處，生諸佛前。如是種種、百、千、億種、觀、諸光明微妙境界，不可悉說。念、白毫時，自然當生。如此觀者，名為正觀。若異觀者，名為邪觀。
25

[0655c06] 云何名觀、額廣平正？額廣平正相，二輪光明，光明輪郭，千輻轂輞，成摩尼珠，形如、毘紐羯磨天畫。於畫中，流出上妙金色之光，來入白毫。遶毫七匝，上入額上、諸毛孔中，乃至髮際、諸色相中，婉轉下垂、至于耳輪，
30 上散入髮，遶髮七匝。從枕骨出，遶、前、蓮華相，團圓七匝，七畫分明。畫有七色，色生七華。華有一佛，有七菩薩以為侍者，恭敬圍遶、右旋而轉。如是、額廣平正、三相：髮際相、頭諸毛孔相、腦中相。腦中，亦有十四光，現諸脈中，中外俱徹，明顯可愛。踊出白光，紅紫間錯，其色微細，從枕骨出，亦遶前者三匝。一一畫間，有一佛坐，有二菩薩以為侍者，益更明顯、勝前數倍。

35 [0655c20] 云何觀、如來眉相？左右二眉，形如月初，卷生諸毛，稀稠得所，隨月形轉，其色艷紫，毛端紺青，琉璃妙光，色無與比。眉光兩靡，散入諸髮，既入髮已，上至髮杪。其光蠡起，蜂翠孔雀，色無以類。猶如聚墨、比、琉璃光。亦復下垂，從枕骨出，右旋宛轉，遶光、四匝。一一畫中，出一化佛，有二菩薩、

及二比丘·翼侍左右，皆悉住立蓮華鬚上，明顯可愛·勝前數倍。眉下三畫、及眼眶中，旋生四光——青黃赤白——上向艷出，入眉骨中。出眉毛端，亦如前法。從枕骨出，遶光四匝，四色分明：黃色化佛·身黃金色，白色化佛·身白銀色，青色化佛·身金精色，赤色化佛·身車璫色。如是右旋，益更明顯，勝前數倍。

- 5 [0656a05] 云何觀·如來眼睫相？如來眼睫 (*paṅśman; paṅśma-netra*)，上下各生·有五百毛，柔軟可愛，如·優曇華鬚。於其毛端，流出一光，如·頗梨色，入前眾相。光明色中，遶頭一匝，從枕骨生，圍遶前光。純生·微妙諸青蓮華。蓮華臺上，有青色蓋，有梵天王·手執是蓋。此相現時，佛眼青、白。白者，過於·白寶·百、億、萬倍。青者，勝青蓮華、及紺琉璃，百、億、萬倍。上下俱眇，如牛王眼 (*go-paṅśman*)。眼雙皆頭，旋出二光，如青蓮華，極為微細。遶髮一匝，從枕骨出，映飾諸華，令華開敷，光明益顯。如是勝相，無量功德，名如來眼。

- 15 [0656a15] 若有欲觀如來眼者，當作此觀，作此觀者，減損諸惡。閉目端坐，正觀佛眼，一日至七日；於未來世，常得見佛，終不盲冥，亦不生於邊地邪見·無佛法處，慧眼恒開，不生愚癡。」

[0656a19] 佛告父王：「是故，智者·為除盲冥，當觀佛眼。佛有五眼。此觀法中，先說肉眼。明淨光現，觀眼·心利。傍生境界，不可具說。諦觀佛眼，於少時間，及觀像眼，未來世中，經五生處，眼常明淨，眼根無病，除却·七劫·生死之罪。」

- 20 佛告阿難·勅諸四眾：「勤觀佛眼，慎勿休廢。觀佛眼者，必獲無量微妙功德。髮際額廣、及髮蠡文 (*kuṇḍalaka*)，眼眶、眼眉，眼睫、眼畫，如是等·眾相光明，若能暫見，除六十劫·生死之罪。未來生處，必見彌勒。賢劫千佛·威光所護，心如蓮華·而無所著，終不墮於三塗八難。若坐，不見，當入塔觀。入塔觀時，亦當作此諸光明想，至心合掌、[跏*月]跪·諦觀，一日至三日，心不錯亂。命終之後，生兜率天，面見彌勒菩薩·色身端嚴。應感化導，既得·見·已身·心歡喜·入正法位。」

佛告父王：「如是觀者，名為正觀。若異觀者，名為邪觀。」

觀相品第三之三

- 30 [0656b14] 佛告父王：「云何觀佛耳？佛耳·普垂垂·旋生七毛·輪郭眾相，及生王宮·初穿耳時，令兩耳孔·內外生華。此蓮華中，及耳七毛，流出諸光，有五百支；支·五百色；色·出五百化佛；佛·五菩薩、有五比丘·以為侍者，遶光右旋，其數五匝，上下正等·映照佛耳。佛耳可愛，如寶蓮華，懸處日光。佛在世時，一切大眾·咸見是相，是名佛耳色相光明。」

- 35 [0656b21] 佛告父王：「若四部眾，遠離憤鬧，正念思惟·佛耳相者，此人，生處，耳根清淨，無諸穢惡，耳·常得聞·無上微妙·十二部經。聞已，信解，如說修行，除滅八十劫·生死之罪。若不見者，如前·入塔·諦觀·像耳，一日

至十四日，亦得·如向所說功德。是故，智者，當勤修集·**正觀佛耳**，勿使廢失。若病苦時，倚側·偃臥，亦當觀佛清淨耳相。如是觀像耳，如前所想，心不懈退。後身·生處，亦常得與陀羅尼人以為眷屬，聞法、憶持，譬如·貫珠。如是觀者，名為正觀。若異觀者，名為邪觀。

5 [0656c03] 云何觀如來方頰車相 (*simha-hanu*)？如來·頰上 (*hanu*)·六畫中，左右正等，有妙光色，輝艷倍常，閻浮檀金·光色遍照，令佛面相·如·淨金色，譬如·和合百、千日月，是名如來方頰車相。

[0656c06] 佛滅度後，佛·諸弟子，繫念思惟，作是觀者，除滅百劫·生死之罪，面見諸佛·了了無疑。如是觀者，名為正觀。若異觀者，名為邪觀。

10 [0656c10] 云何觀如來師子欠相 (*simha-vijṛmbhitā*)？佛·張口時，如師子王，口方·正等，口兩吻邊·流出三光。其光·金色，過踰前光·百、千、萬倍，上入耳光，圍遶諸髮，從枕骨出，遶前圓光。一一畫間，有三化佛。一一化佛，有二梵王·以為侍者，是名如來師子欠相。

15 [0656c15] 佛滅度後，四部弟子，作是觀者，除滅十劫·生死之罪。後身·生處，口中，恒有·優鉢華香。有所宣說，人皆信受，譬如·帝釋·三十二天·一切信用。如是觀者，是名正觀。若異觀者，名為邪觀。

20 [0656c20] 云何名觀如來鼻相？如來·鼻高·脩而且直，當于面門。如來鼻端，如·鷹王[口*(佳/乃)]。鼻孔·流光，上下灌注。上者，上入眼、眉、白毫相、髮際，如是·直入頂肉髻骨 (*uṣṇīṣa-śiraskatā*)，譬如·金幢，從枕骨出，變成眾華。華上，皆有天諸樂神·手執樂器，遍入一切諸化佛間，以為導從，遶光十匝。下者，直至入佛髭中，圍遶髭毛，令髭毛根·有華開敷，如·稗米粒，流入脣腭，至諸齒間，映飾咽喉，下至佛胸，成光明雲，表裏清淨，無諸塵翳，如·琉璃器，成·金光焰，是名如來真淨鼻相。

25 [0656c29] 佛滅度後，佛·諸弟子，如是觀者，除滅千劫極重惡業。未來生處，聞·上妙香，心意了了，不著於香，常以戒香·為·身瓔珞。如是觀者，名為正觀。若異觀者，是名邪觀。

30 [0657a05] 云何觀如來髭？諸髭·毛端，開敷三光，紫、紺、紅色。如是光明，直從口邊，旋頸上照，圍遶圓光，作三種畫。其畫分明，色中上者。一一畫間，生一寶珠。其珠光明，有百、千色。珠下·白莖，莖莖相跂。滿三匝已，然後彼光·還入髭中，是名如來髭毛光相。

[0657a10] 佛滅度後，作是觀者，除三十劫·生死之罪。後身·生處，身諸毛孔，有自然光。心·不樂著·家居眷屬·世間之樂，常樂·出家·修頭陀行。如是觀者，名為正觀。若異觀者，名為邪觀。

35 [0657a14] 云何觀如來脣色赤好·如·頻婆果相？於上下脣·及與斷腭，和合出光。其光團圓，猶如百、千赤真珠貫，從佛口出，入於佛鼻；從佛鼻出，入於白毫；從白毫出，入諸髮間；從髮間出，入圓光中，映飾諸華。口·四十齒 (*catvāriṃśad-danta*)，印上生光。其光·紅白，光光相照，照四十齒，令四十

齒根·自然齊白，如·頗梨壁，上下齊平，無參差者。齒間文畫，流出諸光，亦紅白色。如是眾色，佛在世時，暎耀人目。佛滅度後，當以心眼，觀見此色。

[0657a23] 佛·諸弟子，作此觀者，除二千劫·生死之罪。後身·生處，唇口微妙，齒·不踈缺，得·色中上色。雖得是色，心不貪著。常見諸佛、聲聞、緣覺·為之說法，令心不疑。如是觀者，名為正觀。若異觀者，名為邪觀。

[0657a29] 云何觀如來廣長舌相 (*prabhūta-tanu-jihva*)？如來·舌者，是土波羅蜜、十善·報得。其舌根下，及舌兩邊，有二寶珠，流注甘露，滲·舌根上。諸天世人、十地菩薩無此舌相，亦無此味。舌上·五畫，如·寶印文。如此上味 (*rasa-rasâgra*)，入·印文·中，流注上下，入·琉璃筒。諸佛笑時，動其舌根，此味力故，舌出五光，五色分明，遶佛七匝，還從頂入。佛出舌時，如·蓮華葉，上至髮際，遍覆佛面。舌下，亦有·眾雜色脈。如此上味，流入脈中。其味力故，變成眾光，有十四色。

[0657b09] 二光，上照無量世界。一一光間，有·一光臺，其色眾妙·不可具名。一一光臺，龕室無數。一一龕中，無量化佛·結·加趺坐，聲聞、菩薩、一切大眾，皆悉圍繞。過於上方·無量世界，化為一佛，佛身高顯·如須彌山。如是諸佛，其數無量，皆出舌相，亦復如是。

[0657b15] 二光，下照至阿鼻獄，令·阿鼻獄·如·黃金色。佛舌力故，令受苦人·暫得休息，自慨·前世所作惡事。如是，下過·無量世界。一一界中，化寶華樹。葉·如佛舌，舌相放光，光光相照，變成化佛。其化佛身，純白銀色，身相具足。一一化佛，出廣長舌，舌相光中，有諸化佛。如是化佛，其數無量。化佛光明，成一銀山，其山高大，無量、無邊。於其山間，純生銀樹、金華、銀果。樹下，皆有白玉蓮華。華上，復有白玉化人。玉人·臍中，化生六龍。其龍口黑，龍色純白。是化玉人，其數無量。復更下過·照無量界。見白玉樹，從下方出，至娑婆界。復更蒼蔚，至三界頂。枝條扶踈，其葉有色，色九十八。一一樹葉，遍覆三界。其諸葉間，復有龍、象、虎、狼、師子、毒蟲、惡獸、狐狸、鼯鼠，無事不有。其餘境界，坐者自見。

[0657c01] 見一光，照東方，令東方地·皆作金色。山河樹木，一切火燒，火光、金光·各不相障。於金光端，有諸化佛，佛佛相次，乃至東方·無量世界，譬如·稻麻，間無空缺。一佛，皆有無量菩薩·以為侍者。是諸菩薩，亦出舌相，與佛正等。如是舌相，無量光明，化成光雲。於光雲中，如微塵等·無量化佛·結·加趺坐。如是光明，其數無量。時，火焰端，有五夜叉，手執利劍，頭有四口，吸火而走。如是諸鬼，其數無量，乃至東方·亦復如是。

[0657c10] 一光，照南方·無量世界，令其世界·作琉璃色。琉璃地上，生黃金華。黃金華上，生馬腦華。馬腦華上，生車璫華。車璫華上，生玫瑰華。玫瑰華上，生虎魄華。虎魄華上，生珊瑚華。珊瑚華上，生金精華。金精華上，生金剛華。金剛華上，生摩尼光華。摩尼光華，一一葉間，有無量色·百億寶華。一一華鬚，有無量釋迦牟尼，結·加趺坐，菩薩大眾·以為圍遶，時，諸大眾，身毛孔中，亦出此華。一一華上，現希有事，亦如上說。是諸化佛，出廣長舌相，

開現光明，倍勝是相·百、千、萬倍。於諸華間，有妙寶座，高顯可觀，如梵王床。一一床上，有大菩薩，身相端嚴，猶如彌勒，亦出廣長舌相。其舌光明，作摩尼網，覆諸化佛、及與大眾。摩尼網間，出大寶光。其寶光端。復有無量、無邊化佛。一一化佛，各有無數比丘·侍從，時，諸比丘，坐金蓮華，身黃金色，安禪合掌，入念佛定（*buddhānusmṛti-samādhi*），身諸毛孔，出金色光。此一一光，化成化佛，猶如金山，圍遶比丘。有化比丘，亦圍遶佛。如是眾多，數不可說。

[0657c29] 一光，照西方，令西方地·作頗梨色。頗梨地上，有金剛雲。金剛雲中，有白寶雲。白寶雲中，有赤真珠雲。赤真珠雲中，有白真珠雲。白真珠雲中，有紫真珠雲。紫真珠雲中，有綠真珠雲。綠真珠雲中，有紅真珠雲。紅真珠雲中，有閻浮檀金沙雲。金沙雲中，有金剛摩尼微塵雲。金剛摩尼微塵雲中，有一切寶色微塵雲。如是一一雲中，有五十六億色，微妙鮮好·過於眼界，惟有寂心·可與此合。如是諸相，復有無量微塵化佛。一一化佛，無量微塵諸化弟子。諸塵·不大，諸佛·不小。端嚴微妙·如釋迦文，亦出舌相。

[0658a11] 一光，照北方，令北方地·作車璩色。車璩地上，有金剛塔。一一佛塔，百、千妙塔·以為圍遶，其數無量。塔極小者，高五十億·那由他·由旬。一一塔中，復有百億塵數·龕窟。一一窟中，無量、無邊諸寶色水·自然踊出。是諸水上，有大蓮華，開現光明。其光現時，香氣微妙，勝海此岸·栴檀之香·百、千、萬倍。是香，變為微妙光明。諸光明中，有諸化佛，身色微妙，寶中上者，一切眾寶從舌相出。時。一一窟，無量光明。一一光明，無量化佛。一一化佛，復出舌相，光明無量，亦成香塔，過於北方·無量世界，不可窮盡，但從念佛三昧海（*buddhānusmṛti-samādhi-sāgara*）生。

[0658a23] 一光，照東南方，令東南方·其地·馬瑙色。馬瑙地上，有虎魄山。虎魄山上，生七寶林。七寶林間，有十泉水。水十寶色。水色放光，普照東南方·無量世界。光所照處，有大寶山。一一山間，一一樹下，生曼陀羅華、摩訶曼陀羅華。於華臺上，有一化佛，純琉璃色，內外清徹，不可具名，雜寶色光·遶身千匝。一一光中，無量化佛。一一化佛，無量大眾·皆琉璃色·以為圍遶。一一化佛，出舌相光明，化成寶山。如是寶山，復過東南方·無量世界。

[0658b05] 一光，照西南方·無量世界，令西南方·地·純珊瑚色。珊瑚地上，生碧玉樓。樓極下者，高五十億由旬。樓一億柱，此一一柱，百億寶色。一一寶，放無數光。此一一光，化為無量千億寶樹。一一樹下，有六泉水。其水，從樹根入，從樹條出。流出之時，有六寶色。一一水中，生一蓮華。其華，鮮白。華上，復有一白化佛，其身極白，過踰一切。白色之上，有五百色·微妙光明，圍遶佛身。一一光明，化無數佛。一一化佛，有無數菩薩。樓閣·諸柱，皆放光明。一一光中，無數化佛。青色化佛，在於珊瑚地上經行。白色化佛，在於青玉樓上經行。樓閣·龕室，皆有如是無數化佛，亦出舌相，放大光明。其光微妙，照西南方·無量世界，不可窮盡。

[0658b19] 一光，照西北方，令西北方·作虎魄地。於虎魄地上，生真珠山。真珠山上，有珊瑚樹、白玉葉、摩尼華、黃金果、金精鬚。樹下，自然有大師子，其身七寶。師子眼中，放大光明，照·虎魄地，令虎魄地·生一大蓮華。其華，周圓無量、無邊。一一華上，有光明雲。其雲紫色。雲上，有網，綠真珠色。真珠網間，生金蓮華。金蓮華上，有一化佛，身紫金色，青黃赤白五色光明·以為圍遶。一一光中，無數化佛。一一化佛，無量大眾。是諸化佛，出廣長舌相，亦復如是。如是遍照西北方·無量世界，舌相光明·不可窮盡。

[0658c02] 一光，照東北方，令東北方地·純金剛色。於金剛地上，生華，七寶合成。華上，生幢，閻浮金色。幢頭·有華。其華，無量、百、千寶色，有無數葉。一一華葉，化為無量、百、千寶帳。一一帳角，有七寶幢。一一幢頭，有七寶蓋。其蓋，彌覆東北方地·一切世界。蓋，有五幡，純黃金成。幡，有萬、億、無量寶鈴。鈴，出妙音，讚歎佛名，讚歎禮佛，讚歎念佛，讚歎懺悔。出是聲已，寶帳下地·大光踊出。其光·微妙，無數千億。一一光中，無量化佛·結·加趺坐，坐寶帳內。復有踊身，住虛空中，東踊、西沒，西踊、東沒，南踊、北沒，北沒、南沒，邊踊、中沒，中踊、邊沒。或現大身·滿虛空中。大，復現小，身如芥子。於虛空中，行住坐臥。身上出水、身下出火，身下出水、身上出火，履地如水、履水如地。水中，生蓮華，大如車輪。華上·有佛，結·加趺坐。如是化佛，無量、無邊。同時見佛·踊身空中，作十八變。火上，生·一金須彌山，星宿、日月·七寶莊嚴，諸龍、夜叉、及大海水。如是眾多須彌山，左右一切諸有·皆悉出現。如是眾山，其數無量。山頂，有佛，亦出舌相。舌相光明，遍照東北方·無量世界，不可窮盡。

[0658c24] 一光·上照，從閻浮提、四天王宮，令四天王，皆見·釋迦牟尼·世尊·人中之日·乘七寶臺，與諸大眾，往彼天上。諸天見已，發菩提心。乃至無色界·一切諸天，皆見是相，了了分明，心不謬亂，令無色天·不謗涅槃·起菩提想。

[0658c28] 一光·下照·諸阿修羅、諸夜叉等、諸乾闥婆、諸迦樓羅、諸緊那羅、諸摩睺羅伽、諸龍、諸羅刹、諸富單那、諸金毘羅、諸噉人精氣鬼、諸鳩槃荼、諸吉遮、諸曠野鬼、諸餓鬼、諸食吐鬼、諸食涕唾鬼、諸食膿血鬼、諸食屎尿鬼、諸山神、諸樹神、諸水神一一如是等·若干百、千諸鬼神等，其身暫時·作天身色，柔軟悅樂，譬如·比丘入第三禪。是諸鬼等，各隨業行，自發三種菩提之心。諸餓鬼等，舌相光·現時，猶如·冷水·滅·節間火。火既滅已，融銅墮地，直陷入地。時，諸餓鬼，皆悉張口，唱言：『飢飢。於千萬歲·不曾見水，今遇此水，除熱清涼，是誰力耶？』空中聲曰：『愚癡·餓鬼！有佛·世尊，放舌光明，其光照汝，令汝苦毒·悉得休息。』作是語已。一一鬼前，見一慈母，坐蓮華臺，譬如·慈母抱持嬰兒·與乳令飲，使鬼飽滿。既飽滿已，發菩提心。既發心已。一一慈母，化成一佛。時。一一佛，亦放舌相，救諸餓鬼。」

[0659a17] 佛·攝舌相。此光千色，遶佛千匝。光有千佛，從佛頂入。入已，佛身·嚴顯，三十二相（*dvātriṃśan mahā-puruṣa-lakṣaṇāni*）、八十隨形好（*aśītyanu-vyañjanāni*），皆悉明耀，遍體流光，晃晃昱昱，勝於百、千、無數億日。

[0659a20] 佛告父王：「如來舌相、及舌功德、觀舌境界，其事如是。佛滅度後，念佛（*buddhānusmṛti; buddha-manasikāra*）·心利·觀佛舌者，心眼境界，如向所說。作是觀者，除去百億八萬四千劫·生死之罪。捨身他世，值遇八十億佛。於諸佛所，皆見諸佛廣長舌相（*prabhūta-tanu-jihva*），放大光明，亦復如是。然後，得受菩提道記。」

[0659a26] 佛告阿難：「汝持佛語，莫令忘失，告諸弟子：正身、正意、端坐、正受·觀廣長舌者，如·我在世·等·無有異。若有眾生，聞此說者，心不驚疑，不生誹謗，不惱·念佛者，勸進·念佛者，供養·恭敬·尊重·讚歎。如是等人，雖不念佛，以善心故，除却·百劫極重惡業。當來生處，值遇彌勒，乃至樓至佛，於千佛所，聞法、受化，常得·如是觀佛三昧（*buddha-dhyāna-samādhi*）。」

[0659b04] 佛告父王：「如是觀者，名為正觀。若異觀者，名為邪觀。」

[0659b07] 云何觀如來頸相、缺瓮骨·滿相、臆·德字相、萬字印相（*saptôtsada-kāya*）？是眾字間，出生圓光。頸傭圓相，如·琉璃筒，懸·好金幢。咽喉上，有點相·分明，猶如伊字。一點中，流出二光。其一一光，遶·前圓光，足滿七匝，眾畫分明。一一畫間，有妙蓮華。其蓮華上，有七化佛。一一化佛，有七菩薩·以為侍者。一一菩薩，二手·皆執如意寶珠。其珠金光，青黃赤白及摩尼色·皆悉具足。如是圍遶·諸光·畫中，是名佛頸出圓光相、胸·德字文·萬字印中·缺瓮·滿相、腋下珠相。是諸相中，一一勝相，有五百色·雜色光明，共相映發，各不相妨。一一色光，圍遶頸光，足五百匝。一一畫中，五百化佛。一一化佛，五百菩薩·以為侍者，五百比丘·手執白拂·侍立左右。諸化佛光、化菩薩光、化比丘光，於眾光中·皆悉顯現·大須彌山、四天王宮、諸天宮殿、日月、星辰、龍宮、神宮、阿修羅宮，十寶山神、四海水神、及諸水性·乾闥婆等、諸婆羅門·所尊敬事，九十五種·神仙異術，父母所親·歷世因緣。如是等神，於佛光中，悉皆顯現。

[0659b26] 復有百億、無量鬼神，影現·圓光，為閻浮提人，說孝養事。此影化人，見眾人時，皆自說言：『我是汝父。我是汝母。無量世中，汝字某甲，我名某甲。』如是眾多、無量大眾，皆是·眾生所尊敬事，於佛圓光·了了如畫·如鏡·見面。如是眾相，名為圓光。圍遶·佛頸，上亦一尋，下亦一尋，左亦一尋，右亦一尋，足滿八尺，於圓光中·流出化佛。一切眾生所希見事，皆於中現，了了分明。於圓光上，有金色艷，如·摩尼珠，嚴顯可愛。摩尼艷間，化生華樹。其樹·金色，百、千、萬、億閻浮檀金，不得為比。一一樹下，有寶蓮華。華上·化佛，真黃金色，如·琉璃蓋，以覆佛上，顯發金顏，分齊分明。如是化像，其數無量。

[0659c10] 佛在世時，世尊行時，此光照地，前一由旬，純黃金色。後一由旬，純黃金色。左一由旬，純黃金色。右一由旬，純黃金色。有人，近佛左右行者，其人臭穢，皆悉不現。人遠望之，同為金色。

佛坐樹下，此光赫奕，如眾金華，散祇樹間。有人，諦觀·佛項光者，前行看者，見佛在前。從後看者，見佛在後。左邊看之，見佛在左。右邊看之，見佛在右。八方人來，遙見項光，各作是言：『瞿曇沙門，在金山中，遊行自在，來向我所。』如是眾人，各各異見，是名項光。

見此光時，佛·頂·肉髻 (*uṣṇīṣa-sīraskatā*)，生萬、億光，光光相次，乃至上方·無量世界。諸天世人、十地菩薩，亦不能見·其髮右旋·上妙蠡文 (*kuṇḍalaka*)，蜂翠孔雀·色不得比。有千光明，赫奕而起。此光起時，佛·肉髻骨、及佛頭中，一切妙相，皆悉映現，滿足面相·光明可愛，人、天、淨國·報得妙華·不得為譬。

佛面·光明，益更明顯。佛頸、佛胸、及以佛臂，勝前數倍，光更明顯。

佛膝·出光，其光白色，分為四支，隨身上轉，化作白華，入·項光下。

臍·出五光，光有二支。支·有五色，入脇骨中，如·白玉筒·盛·眾色水，從兩肩後，自然踊出，如·金摩尼·焰焰相跂。諸摩尼光，有妙蓮華。一一蓮華上，有七化佛，如畫，如印，隨佛身轉，不相障礙。鹿王躡，鉤鎖骨，蟠龍結間，如是中間，出諸金光。此一一光，從一節出，入一節間，如是和合成一大光，如·金摩尼，住佛肘後，艷至頂光。赤銅爪，足指·縵網 (*jālāvanaddha-pāda*)，各各有光。其光赫奕，琉璃、頗梨，備七寶色。從佛足趺，副稱佛身，如摩尼珠，亦如前光，上至圓光。

[0660a10] 足下輪相 (*adhastāt pāda-talayoś cakre jāte sahasrāre*)、及長足跟 (*āyata-pāda-pārṣṇi*)，各生一華。其華微妙，猶如·淨國·優鉢羅華。佛足跟出，圍遶諸光，滿足十匝，華華相次。一一華中，有五化佛。一一化佛，五十菩薩·以為侍者。一一菩薩，其頂上，生·摩尼珠光。此相現時，佛身毛孔·一一孔中，旋生·八萬四千·微細諸小光明，嚴飾身光，極令可愛。如是種種雜色，名為常光，名適意光，亦名隨諸眾生所樂見光，亦名施眾生眼光。此光一尋，其相眾多。瞿師羅，觀·佛，此光隨小。乃至他方諸大菩薩，觀佛之時，此光隨大，如《雜華》說。」

[0660a20] 佛告父王，及勅阿難：「吾今為汝，悉現·具足身相光明。」

作是語已，佛從坐起，告阿難言：「汝·諸比丘，并諸釋子，皆悉起立，合掌·向佛，諦觀·如來·從頂光明·下至足光·從頂肉髻 (*uṣṇīṣa-sīraskatā*)·下至足下·平滿之相 (*su-pratiṣṭhita-pāda*)。」

復勅比丘：「復從足下·平滿相，上乃至肉髻。亦觀·如來身光、項光。」

復勅：「從佛一一毛孔 (*ekaika-roma*)，盡一身分·一一事觀，皆令了了，如·人執鏡·自觀面像。若生垢惡、不善心者，若有毀犯佛禁戒者，見像·純黑，猶如·炭人。」

[0660a29] 釋子眾中·五百釋子，見·佛色身·猶如炭人。

比丘眾中·有一千人，見·佛色身·如赤土人。

優婆塞眾中·有十六人，見·佛色身·如黑象脚。

優婆夷眾中·二十四人，見·佛身色·猶如聚墨。

如是四眾，各各異見。比丘尼眾中·有比丘尼，見·佛色身·如白銀色。優婆夷眾中·有優婆夷，見·佛色身·如藍染青色。如是四眾，觀·佛色身，所見不同。

[0660b07] 時，諸四眾，聞佛是語，啼哭雨淚，合掌·白佛：「我等，今者，不見妙色。」

五百釋子，自拔頭髮，舉身·投地，鼻中血出：「佛·生我家。佛初生時，眾人皆見純黃金色。唯有我等，恒見·佛身·猶如炭人，亦如·羸瘦諸婆羅門。我等·宿世·有何罪咎？惟願·佛日·為我解說。」說是語已，自拔頭髮，號哭如前，婉轉自撲。

[0660b14] 爾時，慈父，出梵音聲，安慰諸釋、及諸四眾：「善男子等！如來·佛日·出現世間，正為除滅汝等罪咎。汝等，還起。佛·自知時，當為汝說。」

爾時，大眾，從地起已，遶佛三匝，禮世尊足。

[0660b18] 五百釋子，詣阿難所，敬禮阿難，白言：「尊者！我之與汝，俱生釋家。汝，獨聰明，總持佛語。猶如·瀉水·置於異器；我宿罪故，不見佛身，何況聞法。」說是語已，對阿難哭。

[0660b21] 爾時，如來，以梵音聲 (*brahma-svara*)，告諸釋子，及勅大眾：「諸兄弟等！勿復號哭。過去有佛，名毘婆尸如來·應供·正遍知，出現於世，教化眾生。度人周訖·般涅槃後，於像法中，有一長者，名日月德，有五百子，聰明多智，廣知世間一切文藝、星宿、曆數，無不貫練。

其父長者，信敬佛法，常為諸子，說·觀佛心，亦說甚深十二因緣。

諸子聞已，疑惑、不信，言：『父，老耄，為諸沙門之所誑惑。我諸書籍，都無是義。父，今何處，求覓得此？』

時，父長者，愍諸子故，隱匿佛法，不為宣說。

是時，諸子，同遇重病。

父，觀·諸子·命不支久，到諸子所。一一兒前，泣淚、合掌，語言：『汝等，邪見，不信正法。今，無常刀，割切汝身。汝心煩悶，為何所怙？有佛·世尊，名毘婆尸。汝，可稱之。』

諸子，聞已，敬其父故，稱·南無佛。

父復告言：『汝，可稱法。汝，可稱僧。』

未及三稱，其子命終。以稱佛故，得生·天上·四天王處。天上壽盡，前·邪見業，墮大地獄，地獄受苦。獄卒羅剎，以熱鐵叉，刺壞其眼。受是苦時，憶父長者·所教誨事。以念佛故，從地獄出，還生人中，貧窮下賤。尸棄佛·出，亦得值遇。但聞佛名，不覩佛形。毘舍佛·出，亦聞佛名。拘樓孫佛·出，亦聞其名。拘那含牟尼佛·出，亦聞其名。迦葉佛·出，亦聞其名。以·聞六佛名·

因緣·故，與我同生。雖生此處，我·今身相端嚴乃爾，汝·見我身如羸婆羅門。
我·身金色·閻浮檀金·色不得比，汝·見我色·猶如炭人。」

[0660c19] 佛告諸釋子：「汝，今可稱過去佛名，為佛作禮。并稱汝父，禮過去佛。亦稱我名，敬禮於我。未來有佛，號曰彌勒，亦當敬禮。說·汝先世·邪見之罪，今·佛現世，沙門大眾一切雲集。汝，當向諸大德眾僧，發露悔過，隨順佛語，懺悔諸罪。佛法眾中，五體投地，如·太山崩。向佛懺悔，心眼得開。見佛色身·端嚴微妙，如·須彌山·光顯大海。」

[0660c26] 既見佛已，心大歡喜，白佛言：「世尊！我，今見佛·三十二相（*dvātriṃśan mahā-puruṣa-lakṣaṇāni*）、八十種好（*aśīty anu-vyañjanāni*），身黃金色（*suvarṇa-varṇa-saṅkāśa*）。一一相·好，無量光明。」作是語已，尋時得道，成須陀洹，白父王言：「我等，今者，欲於佛法·出家學道。」

[0661a01] 父王告言：「汝自白佛。佛·聽汝不？」

[0661a02] 即往佛所，白言：「世尊！我欲出家。」

佛告釋子：「善來。比丘！」鬚髮自落，即成沙門。身所著衣，化成法服。
15 合掌、禮佛，稱·南無佛。未舉頭頃，成阿羅漢，三明六通·皆悉具足。

[0661a06] 佛告父王：「大王！今者，見·諸釋子·懺悔除罪·成羅漢不？」

[0661a07] 父王白佛：「唯然，已見。」

[0661a07] 佛告父王：「是諸比丘，前世之時，以惡心故，謗·佛正法；但，為父故，稱·南無佛。生生，常得聞·諸佛名。乃至今世，遭值我出，見佛色身·及見眾僧，聞佛所說，懺悔眾罪。因懺悔故，諸障消除。諸障除故，成阿羅漢。」

[0661a12] 佛告阿難：「我涅槃後，諸天世人，若稱·我名，及稱·南無諸佛，所獲福德，無量、無邊，況復·繫念·念諸佛者，而不滅除諸障礙耶。」

[0661a14] 佛告諸比丘：「汝等，所以·見佛色身·如赤土者，汝等，前世，於然燈佛·末法之中，出家學道，既出家已，於·師·和上，起不淨心。

25 然，其和上，得羅漢道，知弟子心，告言：『法子！汝，於和上、及眾僧所，莫起疑意。若起疑意，於諸淨戒，永無得理。』

時，諸比丘，聞和上說，心生瞋恨。

是時，和上，知弟子心，漸漸自制，不為其說。

時，千弟子，隨壽修短，各欲命終。

30 和上，猶存，而不涅槃。是時，和上，到弟子所，而說是言：『汝，諸比丘！初受法時，疑師、疑戒，虛食信施。汝等，今者，欲何所怙？』

諸人，聞是，心驚、毛豎，白言：『和上！為我說法。』

和上告曰：『汝今事切，不宜·餘處·教汝懺悔。汝今，但當稱·然燈佛·如來·應供·正遍知，十號具足。』

35 [0661a28] 爾時，諸比丘，用和上語，咸皆稱言·南無諸佛。既稱佛已，尋即命終，乘善心故，得生天上。上生忉利，封受自然。畢天之壽，下生世間，坐前世罪（虛食信施），墮餓鬼中，烱銅灌咽，壽命長遠八萬四千歲。餓鬼罪畢，生畜生中。畜生罪畢，還生人中，貧窮下賤·以為莊嚴。既生人中，聞·諸佛名，

因於前世·出家力故，信心內發，如·前宿識，稱·南無佛。以·稱佛名·因緣·功德，八千世中，常值佛世。而眼·不覩諸佛色身，況復聞法。乃至今日，遭值我世，見我身體·狀如赤土。」

5 [0661b10] 佛告諸比丘：「汝等，先世，於不疑處，橫生疑見；於可信處，橫生不信。以是罪故，不見諸佛，不聞正法，如·我今者·現生王宮。我色真正，色中最上。汝·見赤土。」

[0661b13] 時，諸比丘，聞佛此語，各自悔責，偏袒右肩，合掌·向佛，而作是言：「我於前世無量劫時，邪見，疑師，虛受信施。此因緣故，墮地獄中。今雖得出，於無量世，不見諸佛，但聞其名。今見·世尊·身赤土色·正長五尺。」

10 [0661b18] 是時，世尊，披·僧祇支，示·胸·德字，令·比丘·讀誦德字已，知·佛功德、智慧、莊嚴，於萬字印中，說佛·八萬四千·諸功德行。

比丘見已，讚歎佛言：「世尊！甚奇特，但於胸字，說無量義，何況佛心所有功德。」說是語已，向佛懺悔，五體投地，如太山崩，悲號兩淚，對佛啼哭。

15 [0661b24] 是時，世尊，軟言安慰，令諸比丘·心得歡喜。既歡喜已，猶如風吹，重雲四散，顯發·金顏·三十二相（*dvātriṃśan mahā-puruṣa-lakṣaṇāni*），炳然覩見。既見佛已，心大歡喜，發菩提心。

[0661b27] 佛告父王：「此千比丘，慇懃求法，心無懈怠。於未來世，過·算數劫，當得作佛，號南無光照如來·應供·正遍知，十號具足。其作佛時，地純金色，七寶行樹、妙寶樓閣·以為莊嚴。其土眾生，皆是慚愧、懺悔之徒，純是菩薩，發無上意。如是千佛，次第出世，亦如·賢劫·千菩薩等·次第成佛。」

20 [0661c05] 佛告大王：「是諸比丘，疑師、疑僧，獲大重罪。如向所說，稱·南無佛·所得果報，今於我世，現前受記，何況正念思惟佛者。」

[0661c07] 諸比丘尼，見·佛銀色，從座而起，偏袒右肩，為佛作禮，白言：「世尊！如來，今者，自說身色，除諸眾生無量重罪。我等，何故，從生·出家，乃至今日，見·佛銀色、銀華、銀光，諸莊嚴具·悉皆是銀？我等，云何，不見·如來·金光赫艷，亦不見·佛·三十二相（*dvātriṃśan mahā-puruṣa-lakṣaṇāni*）·果報功德？」

[0661c13] 是時，如來，聞諸尼語，即便微笑，有金色光，從面門出，遶佛銀身，足滿十匝。

30 此光現時，諸尼，見·佛身·紫金色、三十二相（*dvātriṃśan mahā-puruṣa-lakṣaṇāni*），光明顯照，不可具說。諸尼見已，觀·眉間白毫相（*ūrṇā-keśa*）·右旋婉轉。見已，歡喜，應時·即成阿羅漢道，三明、六通，具八解脫。

[0661c19] 諸比丘尼，自識宿命，曾於前世無量劫時，有佛出世，亦名釋迦文。

35 彼佛，滅後，有諸弟子·出家學道。僧中一人，遊行教化，見五百童女·在山澤中，歡娛自樂。時，彼比丘，攝持威儀，安庠徐步，至諸女所，敷尼師檀，在地而坐。

諸女，見已，各各歡喜，而作是言：「此空闲處，神仙所遊。忽然，有此勝士比丘，來在此坐。此必非凡，我宜供養。」各脫銀環，散比丘上：「比丘精進，德行純備，後必成佛。願·我見之時，如·所散環。」

[0661c28] 汝等，貪著銀寶色故，生生，常在白銀山中，受·銀山神寶女之身。以·禮沙門·奉獻銀環，今遭我世，沐浴清化，成阿羅漢。

爾時·比丘，則我身是。時·諸女者，汝身是也。

汝，於前世，供養沙門，禮諸佛故，從是已來，恒值諸佛。」

[0662a03] 佛告父王：「佛，人中寶，祐利處多。若聞名者，禮拜、供養，獲大重報，何況繫念·思佛正顏。」

10 [0662a06] 優婆塞眾中，見佛·世尊，如黑象脚者，即從坐起，偏袒右肩，合掌·向佛，而作是言：「我生此國。我國王子，出家成佛，阿私陀仙，見三十二相(*dvātriṃśan mahā-puruṣa-lakṣaṇāni*)，即為我說：『地天·太子，成佛無疑。』我聞是語，歸依於佛。從是以來，恒隨佛後，受三歸依，受持八齋，受五戒法。然，我罪咎，但聞佛聲，不見佛形。每見佛時，如·黑象脚。何酷之甚？」說是語已，舉手椎胸，號泣躄地。

[0662a13] 是時，如來，以梵音聲(*brahma-svara*)，猶如慈父·安慰其子，告諸優婆塞言：「法子！還坐。佛當為汝除斷疑悔，滅諸障礙。」說是語已，告諸優婆塞：「汝等，先世無量劫時，於閻浮提，各作國王。王領諸國，快得自在。有諸沙門，為利養故，為汝邪說，不順佛教，法·說非法，非法·說法。汝等·
20 諸人，皆信用之。是人，以此諸惡教故，命終之後，墮阿鼻地獄。汝等，隨順惡友教故，命終，亦墮黑闇地獄。由前聞法善心力故，今遭我世，受持五戒。汝今應當·佛、法、僧前，說汝邪見、邪友·所教，誠心懺悔。」

[0662a23] 諸優婆塞，聞佛此語，稱·南無佛，稱·南無法，稱·南無僧，說諸罪咎，誠心懺悔。

25 [0662a25] 時，佛即放眉間大人相光，照·諸人心。心意開解，同時·即得須陀洹道。

諸優婆塞，既得道已，見·佛色身·端嚴微妙·世間無比，求佛出家，成阿羅漢。

[0662a29] 優婆夷眾中，見佛·色身·猶如聚墨者，即從坐起，合掌·向佛，
30 兩淚號哭，悲不能言，舉手拍頭，氣絕躄地。

是時，世尊見是事已，以梵音聲(*brahma-svara*)，安慰諸女，告言：「諸女！何故愁憂，乃至如是？」

[0662b04] 是時，諸女，聞佛語聲，諸情根開，即起合掌，白世尊言：「佛日出世，普照一切。眾人皆見·如·月盛滿。唯我不見。佛說法時，諸人皆聞八種音聲。我獨不聞，如生聾人。尊者舍利弗為我授戒，乃聞其說有五戒法。每至佛會，見佛·世尊·猶如聚墨。唯願·天尊！大慈悲故，除我罪咎，令我得見。」

[0662b10] 是時，世尊，於師子座，還坐申脚，出千輻輪相，以示諸女。

諸女，但見·眾妙蓮華·從輪相出，華上化佛·猶如墨人。復更合掌·向佛作禮，白言：「世尊！為·佛弟子，已經多時。惟有今日，見妙蓮華。見諸化佛猶如墨塗。宿有何罪，眼闇乃爾？」

[0662b15] 佛告諸女：「諦聽，諦聽，善思念之。如來，今者，為汝分別。過去久遠無量世時。時·世有佛，號一寶蓋燈王如來·應供·正遍知。

彼佛滅後，於像法中，有諸比丘，入村乞食，執鉢、持錫，威儀不犯，至姪女家。

時，諸姪女，取比丘鉢，盛滿鉢飯，戲比丘言：『汝，釋種子！顏色可惡，猶如聚墨。身所著衣，狀如乞人。汝之可惡，天下無比。自言無欲，誰當念汝？』

10 爾時，比丘，聞此語已，擲鉢空中，飛騰而去。

諸女，見已，慚愧、懺悔，而作是言：『我等，今者，施沙門食。願·於來世，身得自在，猶如沙門。』」

[0662b25] 佛告諸女：「爾時·諸女·飯羅漢者，今·汝等·是。汝，以善心·施比丘食，二千劫中，常不飢渴。坐前·惡罵、姪欲因緣，六十小劫，墮黑闇獄。由·前發願·善心不滅，今遭我世·得受五戒，乃是供養阿羅漢故，見舍利弗，不見我身。」

[0662c02] 爾時，世尊，說是語已，即於臍中，出大蓮華。其大蓮華，化成光臺。其光臺中，有百、千、無數聲聞比丘，如舍利弗、目健連等，於佛光臺，神通自在·作十八變。

20 諸女，見已，心生歡喜，應時·即以智慧火，燒二十億·洞然之結，得須陀洹道。諸優婆夷，既得道已，見·佛色身·端嚴微妙，惟不見·佛·白毫相光。

[0662c08] 佛告父王：「戲弄、惡口，乃至得道，所見不明。是故，諸人·當勤護口，專心正意·觀佛三昧。以見佛故，獲無量福。」

[0662c10] 是時，世尊，欲令大眾·見·佛色身·了了分明，佛即化精舍·如白玉山，高妙大小·猶如須彌，百、千龕窟，於眾龕窟·影現諸像·與佛無異。時，佛·前地，有大蓮華，其華千葉，葉有千光，光千化佛，佛千弟子·以為侍者。

[0662c15] 佛告阿難：「佛滅度後，佛·諸弟子，若能割捐諸事，捐棄諸惡，繫念思惟·佛常光者，佛·不現在，亦名見佛。以見佛故，一切諸惡·皆得消除，隨其所願·於未來世·當成三種菩提之道。」

[0662c19] 佛告阿難：「如此觀者，是名正觀。若異觀者，名為邪觀。」

觀相品第三之四

[0662c28] 佛告父王：「云何觀如來放常光相？如來，今者，為未來世·諸凡夫人，當現少光。彼諸凡夫，當學是觀。如是觀者，亦如·今日·見佛光相·無有異也。」

[0663a02] 爾時，世尊，放·肉髻光。其光千色，色·作八萬四千支。一一支中，八萬四千諸妙化佛。其化佛身，身量無邊。化佛頂上，亦放此光，光光相次，乃至上方·無量世界。於上方界，有化菩薩，如雲微塵，從空而下，圍遶諸佛。此光現時，十方·微塵世界·諸佛，亦悉得見。此光，直照諸佛頂上。諸佛放光，其光亦照釋迦文頂。

[0663a08] 佛告阿難：「眾生，欲觀釋迦文佛肉髻 (*uṣṇīṣa-sīraskatā*) 光明，當作是觀。作是觀者，若心不利，夢中得見。雖是心想，能除無量、百、千重罪。如是觀者，現身·必見·諸大菩薩。見菩薩故，聞其說法。聞說法故，得陀羅尼。其陀羅尼，名旋憶持。如是觀者，名為正觀。若異觀者，名為邪觀。」

10 [0663a15] 佛告父王：「云何名為觀於如來眉間光明？如來，今者，為此後世諸眾生故，當少現於白毫相光。」

[0663a17] 作是語時。時，佛，眉間，即放白毫大人相光。其光，分為八萬四千支，亦八萬四千色，遍照十方·無量世界。一一光色，化一金山。一金山，無量龕窟。一一窟中，有一化佛，結·加趺坐，入深禪定，聲聞、菩薩·百、千大眾·以為眷屬。

15 時，佛窟中，有諸化佛，皆放白毫大人相光，亦照十方·無量世界，皆如金色。金色地上，有金蓮華。金蓮華上，皆有化佛，亦皆同號，名釋迦文。諸佛眉間，亦放此光。其光，遍照十方世界，猶如百、千、億須彌山王·共合一處。諸須彌山，映現諸佛；佛身高顯，與山正等。是等化佛·眉間光明，遶諸化佛·滿七匝已，還入·釋迦牟尼眉間。此光入時，佛身毛孔·一毛孔中，有一化像。一一化像·身毛孔中，化成八萬四千妙像，皆是三千大千世界·一切眾生·所希見事，是名如來·八十好中·一好光明。如是八十隨形好光，說不可盡。

[0663b04] 如來·少現白毫光明。父王·所將眾中，有八千人，遠塵離垢，得法眼淨。

25 [0663b06] 佛告阿難：「如來·白毫相光，諸修多羅中，佛已廣說。如是妙光，惟佛佛見，十地菩薩見不明了。是故，此中，少分而說。說少分者，為凡夫人。佛滅度後，如是觀者，名為正觀。若異觀者，名為邪觀。此光，除罪，如·向所說。惟見光者，心得了了見百億佛。見白毛者，是心想見。

30 [0663b13] 云何觀如來額廣平正相、如來面上三輪相、髮際相？如是眾相，一一相中，皆出金光。其金色光，化成金床。一一床上，有千菩薩。拘樓孫馱為始，下逮樓至。是千菩薩，皆放光明，坐金床上。如是·百、億、千、萬菩薩，百、億、千、萬金床。其金床上，皆有寶帳。一一寶帳，有千光明。一一光明，成千寶幢。一一幢上，千萬寶蓋。眾寶蓋下，有諸寶幡，諸寶幡中，無量化佛。是諸化佛，皆說苦、空、無常、無我。

35 說此偈時，一切化佛，亦皆說此。釋迦文佛，方身丈六，在行者前，舉其右手，而作是言：『善哉，善哉。善男子！汝今能觀諸佛相、好。我等·先世·行菩薩道，與汝無異。汝今能觀·諸佛境界，此境界者，但是汝心妄想所生。』作是語已，即滅不現。額上諸光，復更明顯。其光流出，有百、千、億。一一光明，

照寶床上·諸菩薩面。彼菩薩面，亦出光明，照釋迦文。此相現時，行者·真觀佛面，了了無疑。」

[0663c01] 佛告阿難：「佛滅度後，佛·諸弟子，能如是觀，真見·佛面，與·我住世·等·無有異。作此觀者，除却·一億劫·生死之罪。後身·生處，
5 面見諸佛，生諸佛家，諸佛、菩薩，以為眷屬。如是觀者，名為正觀。若異觀者，名為邪觀。」

[0663c06] 云何觀如來鼻出光明？鼻·出光明，分為四支。上，入佛眼、佛眉、佛睫。出大光明，其光鬚鬚，如·龍象形，遍照十方·無量世界，入諸佛眼。此相現時，十方大明。是時，行者，見十方界，地及虛空，諸佛滿中。一一佛眼、
10 眉睫、鼻孔，放大光明，亦復如是。佛眼·兩光，其明·遍照入諸佛眼。於虛空中，化成光臺。其光臺上，純是光雲。光雲青、白，世界無比。於青光中，有青色化佛。於白光中，有白色化佛。此青、白色佛，左右分明。百寶色光，以為其雲，如神通人·飛騰雲間，身諸毛孔·猶如華樹。一一華樹，上至梵世。諸華葉間，有百、千、億聲聞比丘。一一比丘，著千納衣，千納、千色。一一色中，百、
15 千化佛，皆純金色。是諸比丘，踊身雲中，亦隨佛後，如·大龍象行，其子隨從。」

[0663c20] 佛告阿難：「佛滅度後，佛·諸弟子，若能正心·觀·佛眼光，即於現世，重障得除。於當來世，常得觀佛，不離佛日。雖處母胎，常入三昧。在母胎時，見十方佛·皆放眼光·來照其身，胎[穀-禾+卵]中時，常受妙法，況出於外。如是觀者，名為正觀。若異觀者，名為邪觀。」

[0663c26] 鼻·出二光，其光遍照十方世界。其一一光，化成大水。其水住空，流入諸光。此水入時，一切光明·惟更明顯。一一光間，出·頗梨山。頗梨山間，生七寶華。其華臺上，踊出眾水。其水金色，猶如金幢。其金幢內，有百、千、萬、無量化佛。一一化佛，方身丈六。身毛孔中，八萬四千上妙寶色。諸寶色中，復放光明。其光微妙，有恒沙色。」

[0664a04] 佛告阿難：「佛滅度後，佛·諸弟子，作是觀者，除却·千劫極重惡業。後世生處，心無所著。不處胞胎，恒常化生。既化生已，身光具足，不離諸佛。如是觀者，名為正觀。若異觀者，名為邪觀。」

[0664a09] 云何觀如來面門光明？其光·白色，猶如寶山，內外俱淨。於寶山內，無量化佛，真金精色。時，諸化佛·面門·出光。其光·五色，遍照十方，
30 入·諸佛·面門。此相現時，行者·行住坐臥，恒聞·如來說四念處(身、受、心、法)，并說境界，令行者聞。聞已，憶持，閉目思惟。此光力故，即得四念處法。時，十方佛·及釋迦文，於三昧中，各申右手，摩·行者頂，而作是言：『善哉，善哉。善男子！汝能真實行念佛定(buddhānusmṛti-samādhi)。』如是觀者，名為正觀。若異觀者，名為邪觀。」

[0664a19] 云何觀如來耳？耳·出五光。其光·千色。色千化佛。佛·放千光。如是光明，遍照十方·無量世界，化成一華。其華甚大，量不可知，除·佛心力·無能知者。是蓮華中，百、千、萬、億、無量佛剎·皆於中現。百、千、萬、億諸大菩薩，坐一蓮華鬚。華鬚不大，菩薩不小，亦不相妨。如是菩薩，耳·

普·垂睡，如金蓮華·懸處日光，亦於耳中·旋生五光。此相現時，佛·耳中毛，如帝釋樹，眾所喜見。」

5 [0664a27] 佛告阿難：「佛滅度後，佛·諸弟子，作是觀者，常聞·百、億、千佛、及諸菩薩·說眾妙法，不壞耳根。如是觀者，名為正觀。若異觀者，名為邪觀。

10 [0664b02] 云何觀如來頸相？頸相·出二光。其光，萬色，遍照十方·一切世界。有諸眾生·善根熟者，遇斯光明，悟十二緣，成辟支佛。此光，照諸辟支佛頸。此相現時，行者·遍見十方·一切諸辟支佛，擲鉢虛空，作十八變。諸辟支佛·一一足下，皆有文字，其字·演說十二因緣（無明緣行、行緣識、識緣名色、名色緣六入、六入緣觸、觸緣受、受緣愛、愛緣取、取緣有、有緣生、生緣老死憂悲苦惱）。一字·一光，一光·十二音。一音，說苦、空、無常、無我。一音，演說十二因緣。如是·辟支佛·足下光中，皆有是字，逆順往復，凡十二遍，是名生死之根本也。此光·照諸辟支佛已，還入佛頸。作此觀者，不生人中，生兜率天，值遇·一生補處菩薩·為說妙法。既聞法已，身心歡喜，學諸菩薩·觀緣起法。如是觀者，名為正觀。若異觀者，名為邪觀。

15 [0664b18] 云何觀如來缺瓮骨·滿相（*citāntarāṃsa*）？滿相·光明，遍照十方，作虎魄色。若有眾生·遇此光者，自然興發·聲聞道意。是諸聲聞，見此光明，分為十支。一支千色，十千光明，光有化佛。一一化佛，有四比丘·以為侍者。一一比丘，皆說苦、空、無常、無我。分別四諦，說八人義，說四果相，說三三昧，令彼眾生·於此法中，求出家法。出家不久，成阿羅漢。如是光明，遍照十方諸羅漢頂。照頂之時，如人執瓶·灌藥入頂。其狀色貌，猶如醍醐。從頂入已，貫徹表裏。爾時，行者·身心安隱，其心恬然，無有惡相，不見諸使、及結相貌。如是，霍然·成阿羅漢。此光，復變作·金色蓋，其數無量。一一蓋中，百、千、七佛。一一七佛，有四比丘·以為侍者。一一比丘，入四大定。四大定中，遍現一切結使相貌。八萬戶虫，宛轉而出。小虫種類，亦皆隨從。此相現時，火大先起。火大起者，初如芥子，從毛孔出，後漸漸長，遍燒諸身，身如火聚。諸虫·鳴吼，如師子聲。此聲出時，行者·心怖，迷悶躄地。出定·見身·如野火行，傍樹·為焦。此相現時，復當起心，作一藥想。先作身想。身想既成，開頂·令空，作梵王想，作帝釋想，作諸天手持寶瓶想，持藥灌想。藥·入頂時，遍入四體、及諸脈中，見·脈及身·如·琉璃筒。但見諸虫，如·萎死華。

20 [0664c13] 爾時，諸脈·更相流注，惟有眾水。水至之處，火則隨滅。是時，行者，節節水出，如人仰射·水至梵際，水水相次·至於梵天。見·身中水，如·四大海。但見·諸虫·頭萎·摧茹·手折·足戾。惟·心生火，分為十支。火入眾水，不相消滅。水光上衝，火光隨逐，水火二光·皆從心出，互相交錯，上極·三界頂，下至·阿鼻獄，盡·一世界際，純見水火流。東西南北，火亦隨走。

30 [0664c20] 爾時，心端，自然生一黑毛。於其毛端，出大黑風。其風四色，隨心根起，如·旋嵐風，狀如·烟焰。其風，遍吹一切諸水。其水，波動，沫聚成[卅/積]。火亦入中。得火力故，沫·堅如冰。復有風來，吹諸塵穢·九十八種·

惡·不淨物，持置水上。水力弱故，隨不淨敗，著處即解。此水解時，八人執刀，斫冰·段取，各持而去。塵土坌污，心悶而臥。風火水等，合聚一處。火力大故，燒壞眾物。有四惡蛇，含一寶珠，從火焰出，凌虛飛逝。有六大龍，迎四小螭，吞吸而走。龍頂·生樹，至·無色界。有一小草，細·若秋毫，色·正金色，從樹楷生，下·入樹根。從樹根生，上·入樹莖。從樹莖生，散·入枝葉。其華白色，亦有紅赤。其果欲熟，猶作四色。至八月半，純黃金色，如此光明，照諸聲聞，變化無量、百、千境界。如是觀者，名為正觀。若異觀者，名為邪觀。

5 [0665a08] 若有比丘·入此定時，身如芭蕉，無有堅實。出定之時，身體支節，悉皆疼痛。若不服藥，發狂而死。應當隨時·眾藥·消息。作是觀者，除無數劫·生死之罪。如大水流，不久·當得阿羅漢道。」

[0665a12] 佛告阿難：「汝持佛語·真實，莫忘，為諸比丘·當廣宣說。」說是語時，五百比丘，得四大定，同時·皆得四沙門果。

15 [0665a15] 云何觀如來胸·德字·万字相？腋下·摩尼珠，皆放光明。其光·紅紫，中·有金華。其華·開敷，化為無量、百、千、萬、億無數眾華。一一華上，有無量佛。是諸化佛，各有千光。光一化佛，其光五色。若有眾生·遇此光明，狂者得正，亂者·得定，病者·得愈，貧窮者·自然得寶，盲者·得視，聾者·得聽，啞者·能言，癱跛疥癩，皆得除愈。遍入·十方諸佛頂上。入已，諸佛·胸中，有百、千光，從万字生。一一光中，歌·百、千偈，演說檀波羅蜜。如是眾光，演說六波羅蜜。其偈無量，行者·正坐，聞·無量佛·皆說是法。一一化佛，遣一化人，端嚴微妙，狀如彌勒，安慰行者，而作是言：『善哉，善哉。善男子！汝繫念故，見·諸佛光。諸佛光中，說·無相施，說·無相戒，說·無相忍，說·無相精進，說·無相定，說·無相慧。汝聞此法，慎勿驚怖。過去諸佛，繫念思惟，亦聞是法，亦解是相。解是相已，不畏生死，處·大地獄·阿鼻猛火盛·不能燒。雖處地獄，如遊天宮。是故，万字，名實相印。諸佛·如來，無量、無邊、阿僧祇劫，學得此印。得此印故，不畏生死，不染五欲。』」

20 [0665b06] 佛告阿難：「佛滅度後，佛·諸弟子，見佛·胸相光者，除却·十二萬億劫·生死之罪。若不能見·胸相·分明者，入塔觀之。如是觀者，名為正觀。若異觀者，名為邪觀。

30 [0665b10] 云何觀如來·臂傭纖圓·如·象王鼻相？手·十指·合鞞，掌·千輻理，各各皆放·百、千光明。一一光明，分為千支，純作紅色。如是眾光，遍照十方·無量世界。照世界已，化成金水。金水之中，有一妙水，如·水精色。餓鬼見者，除熱，清涼。畜生見者，自識宿命。狂象見者，為師子王。師子見之，為金翅鳥。諸龍見之，為金翅鳥王。是諸畜生，各見所尊，心生恐怖，合掌·恭敬。以恭敬故，命終，生天。眾人見者，如梵天王，或如日月星辰。見已，歡喜。命終，生兜率天。行者見之，心眼即開。時，十方界·滿中·化佛。一一化佛，手出光明，入行者眼。閉目·開目，恒見諸佛。自觀身相，如·妙寶瓶，中·有不淨。如是見者，雖未得通，遍至十方，歷侍諸佛。見一一佛·出·手光明，亦復如是。如是觀者，名為正觀。若異觀者，名為邪觀。

[0665b26] 云何觀如來臍相？如來臍中，有萬、億寶華。一一寶華，萬、億、那由他·葉。一一葉，萬、億、那由他·色。一一色，萬、億、那由他·光。此相現時，一切大眾·見·佛心相。如來心者，如·紅蓮華，金華映蔽，妙紫金光·以為間錯，妙琉璃筒·懸在佛胸。見·佛身內，萬、億化佛。是諸化佛，遊·佛心間。佛臍·出光。其光·熨然，如·須彌山。眾山中間，有無量寶山，如·須彌山。此眾華上，皆有化佛，嚴顯可觀，如·須彌山。其光·千種，有十千色，分為十億支。億億支，照下方。億億支，照上方。億億支，照東方。億億支，照南方。億億支，照西方。億億支，照北方。億億支，照東南方。億億支，照西南方。億億支，照西北方。億億支，照東北方。如是十方，各有諸華。華極小者，猶如百億·須彌山大。一須彌上，有百、億、萬諸大菩薩。身極小者，如·須彌山。諸化菩薩·臍中，各生一大蓮華。其諸蓮華，遍覆·三千大千世界。一一華間，有金色光。其光，猶如·閻浮檀金。一金光，化·微塵數·釋迦牟尼。一一釋迦·臍中光明，亦復如是。如是眾光，合成光臺。其眾光臺，亦有無量微塵恒沙·諸大化佛。佛佛相次，放臍光明。其光·大盛，直照上方·無量世界，復過是界。如是眾界，數如三千大千世界·無量微塵。是世界中，皆有琉璃、頗梨·億寶·以為佛窟。是眾窟中，各有萬、億、無量諸佛。諸佛臍中，各各皆生一大蓮華，與前無異。是諸光明，照諸一切土地菩薩。是諸菩薩，遇斯光已，即入微妙首楞嚴門，復得入於金剛譬定。諸天遇者，深發無上正真道意。心眼開明，見·諸佛相。如此光明·照菩薩已，令諸菩薩·身諸毛孔，一毛孔中，出·阿僧祇·諸供養雲、及眾供具。蓋·極小者，覆·閻浮提。如是眾多雜寶供具，不可悉說。此諸供具，從首楞嚴海生。」

[0665c29] 佛告阿難：「若善男子、善女人·作是思惟時，如是憶想者，夢見此事者，生生之處，恒常值遇普賢、文殊。是法王子，為·眾行者·夢中·恒說·過去、未來·三世佛法。說《首楞嚴三昧》、《般舟三昧》，亦說《觀佛三昧》·以為瓔珞。覺已，憶持，無所忘失。此人，現世功德，天女·以為給使，除却·十萬、億劫·生死之罪。如是觀者，名為正觀。若異觀者，名為邪觀。」

[0666a08] 億億光，照下方，令下方地·如·閻浮提·水色，於眾水中，有恒沙寶樓。眾寶樓下，有一寶城，如·乾闥婆城。於寶樓上，有大寶樹。其樹枝葉，一切火起。其火光焰，上下俱燒，燒此眾水，化成琉璃。琉璃地上，復生諸樹。樹有四龍，其龍頂上，有如意珠。其珠光明，遍照龍身，令龍及樹·純黃金色。其龍奮迅，龍諸毛孔·出金色光。其光，直照下方·無量世界，復過下方，復照無量世界，令下方地·皆作金色。金色地上，有金剛華。金剛華上，有金天女。一天女，百、千天女·以為眷屬。是諸天女，皆讚慈心三昧海。從下方出，直至上方·迦毘羅城，其聲如雷，讚說慈心。說是語時，諸龍毛端·出諸寶雲。一一雲中，有恒沙佛刹。一一刹中，塵數化佛。一一化佛，出此光明。此光現時，下方世界，有百萬金山。於其巖間，百億寶窟，如雲踊起。是眾窟中，純諸白佛，白妙菩薩、及聲聞眾·以為侍者，金精寶光在佛左右，猶如斷山眾寶映錯。有妙寶蓋如須彌山無量寶成。一一寶間，百億光明，迴旋宛轉。於眾光中，有百億師

子座。一一師子座上，有百、億、那由他·菩薩大眾，結·加趺坐。時，彼菩薩·身毛孔中，有阿僧祇光。一一光中，有一化佛，其身修圓，如須彌山。是諸化佛，以百、千偈，讚說不殺，慈為根本，慈是妙藥·除生死患，慈為淨目·導諸天人。是諸化佛·讚歎慈已，各作變化，為琉璃山。於其山內，百億菩薩。一一菩薩，有萬梵王·以為侍者，到行者前，於寶山內，異口同音，皆說是法，告言：『善男子！汝於念佛海（*buddhānusmṛti-samādhi-sāgara*），應修慈心。諸佛、菩薩，以慈心故，得佛大慈。汝，今，應當修不殺戒，行大慈悲。』爾時，亦有天龍八部·一切眾生，遇此光者，聞是語者，命終之後，必生梵世。」

[0666b11] 佛告阿難：「汝持此語，慎勿忘失，告諸比丘，令行是事。佛滅度後，佛·諸弟子，若聞是語，思是法者，有正念者，有正受者，三昧不動者，心不懈退者，發大乘者，當知·是人，恒於夢中，見此光明，亦聞化佛·說慈心法。覺已，憶持，深解義趣，思其義故，即得慈定。如是觀者，名為正觀。若異觀者，名為邪觀。」

佛滅度後，佛·諸弟子，思是法者，持是法者，當知·是人，其心清淨，如·諸佛心。除却·億劫·生死之罪。常生梵世，值遇諸佛，請轉法輪。既聞法已，發菩提心，於未來世·必成佛道。

[0666b22] 億億光，照東方，乃至東方·無量世界，令東方地·白如雪山。於眾山上，有白寶雲。其白寶雲，狀如寶臺，眾寶羅網、寶鈴·萬、億。眾鈴網間，有一億白光。是諸白光，化成金臺。一金臺上，有四化佛。一一化佛，四億菩薩·以為侍者。佛與菩薩，皆說慈法，讚歎不殺，凡千億偈。如是觀者，名為正觀。若異觀者，名為邪觀。」

[0666b28] 佛告阿難：「佛滅度後，佛·諸弟子，如是觀者，除半億劫·生死之罪。」

[0666c02] 億億光，照南方，令南方地·皆作紅色。此紅色光，乃至南方·無量世界，變成白雲。紅白分明。於眾雲間，有諸化佛，白真珠色，毘琉璃光，上妙金華·以為佛座。於金華上，百億菩薩，皆黃金色，百億寶光·映蔽白雲。一一光中，五百化佛。是諸化佛，異口同音，亦讚不殺、及大慈悲。如是觀者，名為正觀。若異觀者，名為邪觀。」

[0666c08] 佛告阿難：「佛滅度後，佛·諸弟子，聞是法者，思是法者，觀是法者，此人，恒於夢中，見·釋迦文·放臍光明，持以照之。此光明相，如向所說。其人生處，不處胞胎，恒生淨國，若生天上·自然化生。」

[0666c14] 億億光，照西方，乃至西方·無量世界。其光雜色，如月如星。眾星月間，有七寶珠。一珠·出水，一珠·出火，一珠·生樹。其樹，七寶，金剛為果。一珠·生華。於月光中，有梵宮殿，梵王眷屬、及梵眾寶·皆悉具足。其星光中，有摩醯首羅宮、及其眷屬。一天宮，百、萬、億梵王。一一梵王，無量、無數·諸天大眾·以為眷屬，摩醯首羅等·數不可知。是諸寶珠·出琉璃光，琉璃光內·有真金像。其真金像，坐白寶座，項·佩·赤真珠光。赤真珠光

中，有綠真珠化佛。是諸化佛、及諸天眾，異口同音，讚說不殺，勸進行者·行大慈悲。」

[0666c25] 佛告阿難：「如是觀者，名為正觀。若異觀者，名為邪觀。佛滅度後，佛·諸弟子，有憶想者，有思惟者，如此觀者，常於夢中，夢見諸佛·為說慈法，除却·七億劫·生死之罪。

[0666c29] 億億光，照北方，乃至北方·無量世界，令北方地·皆珊瑚色，虎魄、玫瑰、真珠、馬瑙、頗梨等寶·以為間錯。一一寶中，有一億光。一一光，化作一師子。師子背上，有七寶蓋。其蓋·高妙，如·須彌山，琉璃為竿，雜寶綵華·以為莊嚴。一一華上，有百億化佛。一一佛，面·如·閻浮檀金色，髮·紺琉璃色，身·百億寶色，臂·紅真珠色，爪·真金色，手中相·白蓮華色，鹿王臚（或[蹲-酋+(十/田/厶)]）（*eṇī-jaṅgha; eṇeya-jaṅgha; aiṇeya-jaṅgha*）·優曇華色，足下相·毘楞摩尼色。從足下，放五色光，上至髮際。身諸毛孔，皆有化光。一毛孔中，有一億菩薩。一一菩薩，臚·有一大蓮華。其華·高大，如須彌山，百寶所成。華上·有佛。其佛·高大，與華正等，亦出臚光。此相現時，眾寶師子·奮迅若驚，師子眾毛。一一毛端，有百億佛剎。一一佛剎，無量、百、億眾寶蓮華·以為莊嚴。其蓮華上，亦有百、千大菩薩眾。是諸菩薩，亦出臚相，如上菩薩。如是菩薩，眾色光明，合成一山。其山·高顯，如真金臺。其臺·四角，有四梵幢。幢端，皆有四億佛剎。一一剎中，有百、千塔。塔極小者，從閻浮提，至於梵世，無數眾妙一切寶像·以為莊嚴。是諸寶塔、及化菩薩，皆共讚歎·喜、捨二法。若有眾生·遇斯光者，得大智慧·如舍利弗，總持不失·猶如阿難。」

[0667a22] 佛告阿難：「佛滅度後，佛·諸弟子，欲見是相者，當發慈心，修不殺戒。普為十方·一切眾生，行是行者，雖不坐禪，恒於夢中，得見眾色，如向所說。」

[0667a25] 佛告阿難：「持是語者，即持佛心。作是觀者，能觀佛心。諸佛·如來，以大慈悲·而以為心；戒、定、慧、解脫、解脫知見·而以為身；十力、四無所畏、十八不共法、大悲、三念處·而自莊嚴。如是觀者，名觀佛心。」

[0667b01] 佛告阿難：「此臚相中，略而解之，佛心境界，後自當說。如是觀者，名為正觀。若異觀者，名為邪觀。佛滅度後，佛·諸弟子，思是法者，持是法者，觀是法者，此人·現世，惡業、罪障·皆悉清淨。

[0667b06] 億億光，照東南方，乃至東南方·無量世界，化成金輪。一金輪，七寶隨從。一金輪，百億轉輪聖王。一一轉輪聖王，千子四兵·皆悉具足。其神珠寶·出大光明，如烟如雲。一一光中，有大蓮華，華華相合。合華之中·出大日光。一一日光，有金色象。菩薩化乘，乘象之時，萬、億瑞應·不可宣說。諸菩薩光，合成一佛。其佛金色，身量無邊，亦出臚相。臚相光明，亦如上說。諸光中人，皆讚五戒，說十善法。諸轉輪王，手執金輪，宣十善法。」

[0667b15] 佛告阿難：「如是觀者，名為正觀。若異觀者，名為邪觀。佛滅度後，佛·諸弟子，憶想是者，思惟是者，觀是法者，除却·二十萬、億劫·生死之罪。常生天上，聞十善教。

5 [0667b20] 億億光，照西南方，乃至西南方·無量世界。至彼界已，其光如雨，似雜色珠。一一珠中·出百億光。一一光，合成寶臺。一一臺角，有十二須彌山。一一須彌山，龕室無量。一一龕中，有無量化佛。一一化佛，有無量菩薩·以為眷屬。是眾化佛、及化菩薩，亦皆讚歎說十善法。如是觀者，名為正觀。若異觀者，名為邪觀。」

10 [0667b26] 佛告阿難：「佛滅度後，佛·諸弟子，憶想是者，思惟是者，觀是法者，除十二億劫·生死之罪。若欲往生他方淨刹，隨意無礙。

15 [0667c01] 億億光，照西北方，乃至西北方·無量世界。其光·玉色，頗梨紅紫·更相映飾。一一光中，百億寶車、白車白馬、紫車紫馬、紅車紅馬、諸馬毛鬣·皆真金色。如是車上，有七寶軒。軒上·皆悉有蓋。其蓋·十層。於軒蓋中，有千光明，寶鬘垂下。光明隨流，迴入車中，化成化佛。佛身高顯，萬、億由旬。一一佛·臍中·出無數光。其光，遍照無量化佛。遇此光者，永脫三塗，無三惡患。此光迴旋，正立空中，如·雲上昇。一一雲間，百、千化佛。一一化佛，百億弟子，如大迦葉·勤修十二頭陀苦行，心無所著，厭離世間。如是觀者，名為正觀。若異觀者，名為邪觀。」

20 [0667c12] 佛告阿難：「佛滅度後，佛·諸弟子，想是法者，思惟是法者，觀是法者，當知·此人，常見諸佛，速成大乘，除却·十億劫·生死之罪。

25 [0667c16] 億億光，照東北方，乃至東北方·無量世界。其光清淨，無諸濁穢，如·頗梨鏡，內外俱現。於彼光中，見十方佛，皆出臍相。一一佛臍，光明遍照十方無量諸佛刹土。一一佛刹，有微塵數化佛。一一化佛，微塵數菩薩·以為眷屬。如是菩薩·臍相光明，猶如金柱。其金柱端，萬、億天衣、寶箱、寶篋，譬如·雲臺，從空而下。一一箱篋，萬、億光明。一億光明，合成一佛。一佛身中，無量微塵無數化光。於諸光端，有諸化佛，猶如芥子。此小佛身，亦出臍相，如上所說。此臍光明，遍照十方，入諸佛臍。從諸佛臍出，入諸菩薩胸。從諸菩薩胸出，入諸聲聞頂。從諸聲聞頂出，譬如·大雲，無量金色·眾寶間錯，入佛足下。入足下已，足下千輻輪相中 (*adhastāt pāda-talayoś cakre jāte sahasrāre*) ·

30 出大光明。其光如華，華華相次，遶佛億匝。從赤銅爪、足趺毛孔，乃至頂髻 (*uṣṇīṣa-sīraskatā*) 。佛身·諸毛，如蓮華敷。一毛孔中，有八萬四千蓮華。一蓮華上，八萬四千化佛。一一化佛，八萬四千諸大菩薩·以為眷屬。一一菩薩·眉間眾光，出妙音聲，讚·佛色身。」

35 [0668a06] 釋迦文佛現此光已，告大王言：「如來色身，分別色相，除佛心已，其餘境界·如向所現。」

[0668a08] 佛說是已。爾時，父王即從坐起，正衣服，為佛作禮，遶佛七匝，[跼*月]跪、合掌·白佛言：「世尊！如來身色，一切覩見。惟·佛心內，有何境界？有何相貌？修行何事？佛心所念·為是何物？佛心光明·何所像類？」

[0668a13] 是時，如來·即便微笑，其舌相光，如上所說，遶佛七匝，從佛頂入。

爾時，如來·入解脫相三昧，令父王見。如·琉璃窟，成·真金像。真金像內，於佛胸中，如·琉璃筒，從佛咽喉下。見·如來心·如紅蓮華，金華映飾，紅華、金光，不開、不合，團圓如心，八萬四千脈。一一脈，如·天畫師·所畫之脈。一一畫中，八萬四千光明。一一光明，八萬四千種色。一一色中，無量微塵數化佛。一一化佛，坐金剛臺，其金剛臺，放金色光明。其光無數，不可具說。一一光中，亦有化佛，數如上說。是諸化佛，皆出廣長舌相，上至髮際。一一佛舌，有一億光。其光合聚，為十千段。一一光上，有百億化佛，結·加趺坐，入普現色身三昧。十方諸佛微妙色身，入此三昧海中。

[0668a27] 當佛入此三昧時，迦毘羅城、及尼拘樓陀精舍、并閻浮提，如大寶華。於華臺上，有頗梨幢。頗梨幢端，有頗梨鏡，十方無量諸佛淨國·皆於中現。

[0668b01] 時，會大眾，覩見諸佛，或見佛身·量同虛空，純黃金色 (*suvarṇa-varṇa-saṅkāśa*)。或見佛身·如須彌山，四寶所成。或見佛身·毘琉璃色，長十丈者。或見佛身·作白銀色，長百、千丈。見釋迦文身·故長丈六。或見七尺。或見三尺。或見遍至梵世。或見七寸，見入鉢支。諸鬼神等，見·如微塵，見·如芥子，見·如金粟。諸鬼見已，小身鬼等，皆大歡喜。

20 觀佛心品第四

[0668b17] 爾時，佛心·如·紅蓮華。蓮華葉間，有八萬四千諸白色光。其光，遍照五道眾生。此光出時，受苦眾生，皆悉出現。

[0668b19] 所謂苦者：阿鼻地獄、十八小地獄、十八寒地獄、十八黑闇地獄、十八小熱地獄、十八刀輪地獄、十八劍輪地獄、十八火車地獄、十八沸屎地獄、十八鑊湯地獄、十八灰河地獄、五百億劍林地獄、五百億刺林地獄、五百億銅柱地獄、五百億鐵機地獄、五百億鐵網地獄、十八鐵窟地獄、十八鐵丸地獄、十八尖石地獄、十八飲銅地獄。如是等·眾多地獄。

[0668b28] 佛告阿難：「云何名阿鼻地獄？阿·言無，鼻·言遮。阿·言無，鼻·言救。阿·言無間，鼻·言無動。阿·言極熱，鼻·言極惱。阿·言不閑，鼻·言不住。不閑、不住，名阿鼻地獄。阿·言大火，鼻·言猛熱。猛火入心，名阿鼻地獄。」

[0668c04] 佛告阿難：「阿鼻地獄，縱廣正等·八千由旬，七重鐵城，七層鐵網，下十八鬲，周匝七重·皆是刀林，七重城內·復有劍林，下十八鬲，鬲八萬四千重。於其四角，有四大銅狗，其身廣長·四十由旬，眼·如掣電，牙·如劍樹，齒·如刀山，舌·如鐵刺。一切身毛，皆出猛火。其烟臭惡，世間臭物·無以可譬。有十八獄卒，頭·羅剎頭，口·夜叉口，六十四眼。眼·散迸鐵丸，如·十里車。狗牙上出，高四由旬。牙頭火流，燒·前鐵車，令·鐵車輪·一一

輪輞·化為一億火。刀鋒、刃、劍、戟，皆從火出。如是流火，燒·阿鼻城，令阿鼻城·赤·如融銅。獄卒，頭上，有八牛頭。一一牛頭，有十八角。一角頭，皆出火聚。火聚，復化成十八輞。火輞，復變作火刀輪，如車輪許，輪輪相次，在火焰間，滿·阿鼻城。銅狗張口，吐舌在地。舌·如鐵刺。舌出之時，化無量舌，滿·阿鼻地。七重城內，有七鐵幢。幢頭火踊，如·沸踊泉。其鐵流迸，滿·阿鼻城。阿鼻四門，於門閭上，有八十釜，沸銅踊出，從門漫流，滿·阿鼻城。一一鬲間，有八萬四千鐵蟒大蛇，吐毒、吐火，身滿城內。其蛇哮吼，如天震雷。兩大鐵丸，滿·阿鼻城。此城苦事，八萬、億千。苦中苦者，集在此城。五百億蟲。蟲，八萬四千嘴。嘴頭·火流，如雨而下，滿·阿鼻城。此蟲下時，阿鼻猛火，其焰大熾。赤光火焰，照八萬四千由旬。從阿鼻地獄，上衝大海，沃焦山下。大海水滴，如·車軸許，成大鐵尖，滿·阿鼻城。」

[0669a02] 佛告阿難：「若有眾生，殺父、害母，罵辱六親，作是罪者，命終之時，銅狗張口，化·十八車，狀·如金車，寶蓋在上，一切火焰·化為玉女，罪人遙見，心生歡喜：『我欲往中。我欲往中。』風刀·解時，寒急·失聲：『寧得好火，在車上坐，然火自爆。』作是念已，即便命終。揮霍之間，已坐金車，顧瞻玉女，皆捉鐵斧，斬截其身。身下火起，如旋火輪，譬如·壯士屈伸臂頃，直落阿鼻大地獄中。從於上鬲，如旋火輪，至下鬲際，身遍鬲內。銅狗大吼，嚼骨、啞髓。獄卒羅剎，捉大鐵叉，叉頭令起，遍體火焰，滿·阿鼻城。鐵網·兩刀，從毛孔入，化·閻羅王，大聲告勅：『癡人·獄種。汝在世時，不孝父母，邪慢無道。汝今生處，名阿鼻地獄。汝不知恩，無有慚愧，受此苦惱，為樂不耶！』作是語已，即滅不現。

[0669a17] 爾時，獄卒，復驅罪人，從於下鬲，乃至上鬲，經歷八萬四千鬲中，[打-丁+聿]身而過，至鐵網際。一日一夜，爾乃周遍。阿鼻地獄，一日一夜，此閻浮提·日月歲數·六十小劫。如是壽命，盡一大劫。五逆罪人，無慚、無愧，造作五逆。五逆罪故，臨命終時，十八風刀，如·鐵火車，解截其身，以熱逼故便作是言：『得好色華清涼大樹，於下遊戲，不亦樂乎！』作此念時，阿鼻地獄·八萬四千諸惡劍林，化作寶樹，華果茂盛，行列在前。大熱火焰·化為蓮華·在彼樹下。罪人見已，：『我所願者，今已得果。』作是語時，疾於暴雨·坐蓮華上。坐已·須臾，鐵嘴諸虫，從火華起，穿骨入髓，徹心穿腦，攀樹而上。一切劍枝，削肉徹骨。無量刀杖，當上而下。火車爐炭，十八苦事，一時來迎。此相現時，陷墜地下。從下鬲上，身如華敷·遍滿下鬲。從下鬲起，火焰猛熾，至於上鬲。至上鬲已，身滿其中，熱惱急故，張眼吐舌。此人罪故，萬、億融銅，百、千刀輪，從空中下，頭入、足出。一切苦事，過於上說·百、千、萬倍。具五逆者，其人受罪，足滿五劫。

[0669b08] 復有眾生，犯四重禁，虛食信施，誹謗、邪見，不識因果，斷·學般若，毀·十方佛，偷·僧祇物，姪泆、無道，逼略·淨戒諸比丘尼、姊妹、親戚·不知慚愧，毀辱所親，造眾惡事。此人罪報，臨命終時，風刀·解身，偃

臥·不定，如·被楚撻。其心荒越，發·狂癡想。見·己室宅·男女、大小·一切，皆是不淨之物。屎尿臭處，盈流于外。

[0669b15] 爾時，罪人，即作是語：『云何·此處·無·好城郭、及好山林·使吾遊戲，乃處·如此不淨物間？』

5 作是語已，獄卒羅剎，以大鐵叉，擊·阿鼻獄、及諸刀林，化作寶樹、及清涼池，火焰·化作金葉蓮華，諸鐵嘴虫·化為鳧鴈，地獄痛聲·如詠歌音。

罪人，聞已：『如此好處，吾當遊中。』念已，尋時，坐·火蓮華。諸鐵嘴虫，從身毛孔，啖食其軀。百、千鐵輪，從頂上入。恒沙鐵叉，挑其眼睛。地獄銅狗，化作百億鐵狗，競分其身，取心而食。俄爾之間，身如截華，滿十八鬲。一一華葉，八萬四千。一一葉頭，身手支節，在一鬲間。地獄不大，此身不小，遍滿如此大地獄中。此等罪人墮此地獄，經歷八萬四千大劫，此泥犁滅。

[0669b29] 復入·東方·十八鬲中，如前受苦。此阿鼻獄南，亦十八鬲，西亦十八鬲，北亦十八鬲。謗方等經，具五逆罪，破壞僧祇，污比丘尼，斷諸善根，如此罪人·具眾罪者，身滿阿鼻獄，四支復滿十八鬲中。

15 此阿鼻獄，但燒如此獄種眾生。劫欲盡時，東門即開。見東門外，清泉流水、華果林樹·一切俱現。是諸罪人，從下鬲見，眼火暫歇。從下鬲起，婉轉腹行，[打-丁+聿]身上走，到上鬲中，手攀刀輪。時·虛空中，雨熱鐵丸。走趣東門，既至門闔，獄卒羅剎，手捉鐵叉，逆刺其眼。鐵狗嚙心，悶絕而死。死已，復生。見南門開，如前不異。如是，西門、北門，亦皆如是。如此時間，經歷半劫，阿鼻獄死，生寒水中。寒水獄死，生黑闇處，八千萬歲·目無所見，受大蟲身·婉轉腹行。諸情闇塞，無所解知，百、千狐狼·牽掣食之。命終之後，生畜生中，五千萬身·受鳥獸形。還生人中，聾盲喑啞、疥癩癰疽、貧窮下賤，一切諸衰·以為嚴飾。受此賤形，逕五百身。後復還生餓鬼道中。

20 [0669c18] 餓鬼道中，遇善知識·諸大菩薩，呵責其言：『汝於前身·無量世時，作無根罪，誹謗、不信，墮阿鼻獄，受諸苦惱，不可具說。汝今應當發慈悲心。』

時，諸餓鬼，聞是語已，稱·南無佛。稱佛恩力，尋即命終，生四天處。生彼天已，悔過、自責，發菩提心。諸佛心光，不捨是等，攝受是輩，慈悲是等，如·羅睺羅。教·避地獄，如·愛眼目。」

30 [0669c26] 佛告大王：「欲知佛心·光明所照，常照·如此·無間、無救·諸苦眾生。佛心所緣，常緣·此等極惡眾生。以佛心力·自莊嚴故，過算數劫，令彼罪人·發菩提心。」

[0669c29] 佛告阿難：「云何名十八寒地獄？寒地獄者：八方冰山，山十八鬲。復有十八諸小冰山，如·頗梨色。此等寒水，滿冰山間，如·凡蓮華，高十八由旬。上有水輪，縱廣正等·十二由旬，如天雨雹·從空而下。世間自有無慈悲心者，劫奪、無道、抄盜、剝脫、凍殺·眾生。」

此人罪報，欲命終時，一切刀風，化為熱火。

罪人作念：『我今云何·不臥水上？』為火所逼，作是念時，獄卒羅剎，手執水輪，如白鶴翔·躡虛而至。罪人見已，除熱清涼，心便愛念，氣絕·命終，生·冰山上。

5 既生之後，十八冰山，如以扇扇，一切寒水，從毛孔入。十八鬲中，遍滿一鬲，剖裂擗坼，如·赤蓮華。水輪上下，遍覆其身。八方冰山，一時俱合，更無餘辭，但言阿羅囉。

爾時，罪人即作是念：『我於何時，當免寒水，生·熱火中？』

[0670a16] 爾時，空中，有諸鐵鳥，口嘴吐火，從空中下，破頭·啄腦，罪人即死。

10 命終之後，獄卒，復以鐵叉打地，喚言：『活·活。』

應聲，即蘇。起已，思念：『我今身上，大火猛熾，願得前水，以滅此火。』

獄卒，復以水輪迎接，置與獄中。如是十八鬲中，無不經歷。此寒地獄，壽命歲數，如四天王·日月·八千萬歲。

15 罪既畢已，生賤人中，貧窮鄙陋。五百世中，為人奴婢，衣不蔽形，食不充口。此罪畢已，遇善知識，發菩提心。」

[0670a25] 佛告阿難：「云何名黑闇地獄？黑闇地獄者：十八重黑山、十八重黑網、十八重鐵床、十八重鐵縵。一一山，高·八萬四千由旬。一一縵，亦厚·八萬四千由旬。一一縵間，十八重·黑鐵圍山，羅列如林，蔭闇此山。

20 世間自有愚癡眾生，偷·佛法僧燈明，偷盜·父母、師長、和上，謗·說法者，亦毀·世俗論義師等，不忌尊卑，不知慚愧。以此罪故，命欲終時，眼有電光，睽睽不停，即作是念：『我有何罪，常見是火？』

即閉兩目，不願欲見及日月光。

命欲終時，獄卒羅剎，擊·大鐵床，張·大鐵傘，如·大隊雲，乘空而至。

[0670b08] 爾時，空中，無形有聲：『此處黑闇，汝欲往不？』

25 罪人聞聲，尋即起心，欲往彼所。氣絕·命終，坐·鐵床上，如鴈王翔，落黑闇處。既入中已，刀輪上下，斬剉其身。有大鐵鳥，嘴距長利，從山飛來，攔啄罪人。痛急疾走，求明不得，足下蒺藜，穿骨徹髓。如是惶惶，經五百、萬、億歲，亦如四天王·日月·歲數。

彼人頭·打諸黑闇山，腦·流眼出。

30 獄卒羅剎，以鐵叉叉，還安眼眶。罪畢，乃出，為貧窮人，眼目角眦，盲冥無見，或被癡病人所驅逐。如是罪報，經五百身。過是以後，遇善知識，發菩提心。」

[0670b19] 佛告阿難：「云何名為十八小熱地獄？十八小熱地獄者，如·阿鼻獄，亦七重城、七重鐵網，無量諸惡·以為莊嚴。

35 自有眾生，不順師教，興·惡逆心，不知恩養，盜師、害師，污·師淨食，坐·師床座，捉·師鉢盂，藏棄不淨。作五種惡。云何為五：所謂罵師、謗師、打師、殺師、以諸毒藥持以飲師。若沙門、婆羅門，作諸非法，害師、謗師，此罪惡人，無有慚愧，剝像、破塔，劫·法寶物，殺伯叔、父母、兄弟姊妹。

如是罪人，命欲終時，阿鼻地獄·十八獄卒，各以鐵叉，擊一鬲獄。如是眾獄，如大寶蓋，雨微細雨，雨滂如華。

此人罪報，熱惱人心，如火燒已，見雨清涼，即作念言：『願我得坐廕蓋之下，涼雨灑我，不亦樂耶！』作是語已，氣絕、命終，如·擲瓊頃，即便坐於大劍床上，百億劍刃，刃皆出火，燒刺其身。空中寶蓋，化為火輪，從上而下，直劈其頂。其身碎裂，為數千段。上兩銅丸，從毛孔入。獄卒羅剎，以大鐵叉，刺罪人眼，或以鐵箭·射其心者，悶絕而死。須臾還活，坐劍床上。旋嵐猛風，吹墮地獄。既入獄已，時，閻羅王·與宮殿俱，在虛空中，告言：『獄種！汝作眾惡，殺師、謗師。汝今生處，名拔舌阿鼻。汝在此獄，當經三劫。』作是語已，即滅不現。此獄苦痛，如上所說。」

[0670c14] 佛告阿難：「云何名十八刀輪地獄？刀輪地獄者：四面刀山，於眾山間，積刀如[土*專]。虛空中，有八百、萬、億極大刀輪，隨次而下，猶如雨滂。

自有眾生，樂·苦惱他，殺害眾生。命終之時，患·逆氣病，心悶煩滿，心堅如石，即作是願：『得一利刀，削此諸患，不亦快乎！』

是時，獄卒，頂戴刀輪，翳·令不現，至罪人所，卑言遜辭：『我有利刀，能割重病。』

罪人歡喜，即自念言：『惟此為快。』氣絕、命終，生刀輪上，如醉象走·墮刀山間。是時，四山，一時俱合，四種刀山·割切其身，不自勝持，悶絕而死。

獄卒羅剎，驅蹙罪人，令·登刀山。

未至山頂，刀傷足下，乃至于心，畏獄卒故，匍匐而上。

既至山頂，獄卒，手執一切刀樹，撲殺罪人。

未死之間，鐵狗嚙心，楚毒百端。鐵蟲啜食，肉皆都盡，尋復唱活，脚著鐵輪，從空而下，一日一夜·六十億生、六十億死。如是眾多，凡十八種。此人罪故，遂更增劇，如·四天王壽·八千萬歲。

罪畢，生世，墮在畜生，五百世中·身供眾口，復五百世·受卑賤形。然後乃遇大善知識，發菩提心。」

[0671a05] 佛告阿難：「云何名劍輪地獄？劍輪地獄者：縱廣正等·五十由旬，滿中·劍樹。其樹多少，數如稻、麻、竹、葦。一一劍樹，高四十由旬，八萬四千劍輪·為葉。八萬四千劍輪·為華。八萬四千劍輪·為果。八萬四千沸銅·為枝。

世間自有愚癡眾生，樂殺，無厭。如此罪人，臨命終時，遇大熱病，即作念言：『我今身體，時熱、時寒，舉身堅強，猶如鐵碓。』即作願言：『得金剛劍，割却此患，樂不可言。』

是時，獄卒，即自化身，如己父母、親友之形，在其人前，而告之言：『我有祕法，如卿所念，當用相遺。』

罪人聞已，心甚愛念，急急欲得。氣絕、命終，如馬奔走，生·劍華中，無量劍刃·削骨、破肉，碎如豆許。復有鐵鳥，從樹上下，挑眼、啄耳。有大羅剎，

5 手捉鐵斧，破頭、出腦，鐵狗來舐。死已，唱活，驅令上樹，未至樹端，身碎如塵，一日之中·身經諸樹。一夜之中·復經諸樹。一日一夜·殺身·如塵，不可稱數。殺人罪故，受·如此殃，經八萬、億歲，生畜生中，身常負重，死復剝皮。經五百世，還生人中，貧窮、短命，多病、消瘦。過是已後，遇善知識，發菩提心。」

[0671a25] 佛告阿難：「云何名火車地獄？火車地獄者：一一銅鑊，縱廣正等·四十由旬，滿中·盛火，下有十二輪，上有九十四火輪。

10 自有眾生，為佛弟子，及事梵天·九十六種。出家徒眾、及在家者，誑惑邪命，諂曲作惡。如此罪人，欲命終時，風大先動，身冷·如水，即作是念：『何時·當得大猛火聚，入中坐者，永除冷病？』

作是念已，獄卒羅剎，化作火車，如·金蓮華。獄卒，在上，如·童男像，手執白拂，鼓舞而至。

15 罪人見已，心生愛著：『如此金華，光色顯赫，照我，令熱，必除寒冷。若得坐上，快不可言。』作是語已，氣絕、命終，載·火車上，支節·火然，墮·火聚中，身體焦散。

獄卒，唱活，應聲·還活。火車轆身，凡十八返；身碎如塵。天雨·沸銅，遍灑身體，即便還活。如是往返，上至湯際，下墮鑊中。火車所轆，一日一夜·九十億死、九十億生。

20 此人罪畢，生·貧賤家，為人所使，繫屬於他，不得自在。償·利養·畢，爾乃得脫。由·前·出家善心功德，遇善知識，為其說法，心開意解，成阿羅漢。」

[0671b16] 佛告阿難：「云何名沸屎地獄？沸屎地獄者：八十由旬，十八鐵城。一一鐵城，有十八鬲。一一鬲中，四壁·皆有·百、億、萬劍樹。地·如刀刃。刃·厚三尺。於其刃上，百、千蒺藜·不可稱計。一一蒺藜、及劍樹間，生諸鐵蟲，其數無量。一一鐵蟲，有百、千頭。一一頭，有百、千嘴。嘴頭，皆有百、千虻蟲，口吐熱屎，沸如融銅，滿·鐵城內。上·有鐵網、鐵烏。

25 世間·自有眾生，破·八戒齋，污·沙彌戒、沙彌尼戒，污·式叉摩尼戒。自污·淨戒，污·比丘戒、比丘尼戒，污·優婆塞戒、優婆夷戒。諸比丘、比丘尼、諸優婆塞、及優婆夷、沙彌、沙彌尼、式叉摩尼，如是七眾、及餘一切，污·僧淨飯，污·父母食，偷竊、先噉，不淨手·捉，及僧知事·以自恃故·污·僧淨食，四部弟子·以不淨身·坐·僧祇床，犯·偷蘭遮，久·不懺悔，虛食僧食，30 坐僧眾中·與僧布薩。如是眾多、無量不淨、惡業。

罪人，臨命終時，舉身皆香，如·麝香子，不可堪處，即作是念：『當於何處，不聞此香？如此香氣，猶如狂風，來熏我心。』

35 作此念已，獄卒羅剎，自化己身，猶如畫瓶，中·盛糞穢，至罪人所，以手摩觸，令彼罪人·心生愛着。

氣絕、命終，猶如風吹，墮·沸屎中。墮已，糜爛。眾蟲啖食。東西走時，削骨徹髓。飢渴逼故，飲·熱沸屎。虻蟲、疽蟲，啖其舌根。一日一夜·九十億生、九十億死。

罪畢，乃出，生·貧賤家，繫屬於他，不得自在。設生世時，恒值惡王，屬·邪見主，種種惡事·逼切其身，癭瘡惡瘡·以為衣服。宿世聞法善因緣故，遇善知識·出家學道，成阿羅漢，三明、六通，具八解脫。」

[0671c16] 佛告阿難：「云何名十八鑊湯地獄？鑊湯地獄者，有十八鑊。一一鑊，縱廣正等·四十由旬。七重鐵網，滿中·沸鑊。五百羅刹，鼓·大石炭，燒·其銅鑊。此石火焰，焰焰相承，經六十日，火不可滅。閻浮提日·滿十二萬歲，如是鑊沸，上湧如星，化成火輪，還入鑊中。

自有眾生，毀·佛禁戒，殺生·祠祀，為·噉肉·故，焚燒山野，傷害眾生，生燬眾生·以火焚燒。如此罪人，欲命終時，身心煩悶，失·大小便，不自禁制，或熱如湯，或冷如水，即作是念：『得大溫水，入中·沐浴，不亦樂乎！』

獄卒羅刹，化作僮僕，手擎湯瓮，至罪人所。

罪人心喜，愛樂此瓮。氣絕·命終，生·鑊湯中，速疾消爛，惟餘骨在。鐵叉·攆出，鐵狗·嚼之。嘔吐在地，尋復還活。

獄卒，驅蹙，還令入鑊。畏·鑊熱·故，攀劍樹上。骨肉斷壞，落鑊湯中。
15 殺生罪故，一日一夜·恒河沙死、恒河沙生。

罪畢，乃出，生·畜生中，[月*者]羊鷄狗·短命之處，無不經歷。如是受身，八千萬歲。命終之後，還生人中，受二種報：一者、多病，二者、短命。短命、多病·以為眷屬。過算數劫，遇善知識，受持五戒，行六波羅蜜。」

[0672a08] 佛告阿難：「云何名灰河地獄？灰河地獄者，長·二百由旬，廣·十二由旬。下·有利刀，岸上·劍樹，滿中·猛火，厚十二丈。復有融灰，以覆火上，厚·四十丈。

世間自有無慚眾生，偷盜父母，偷盜師長，偷盜善友、兄弟姊妹。如是癡人，無有慚愧，不識恩養，心·無反復，貪利·欲得，不識殃禍，不順師教。

此人罪報，欲命終時，氣·滿心腹，喘息·不續，即作是念：『我心如泥，氣滿胸中。得·一微火，爆我身者，不亦快乎！』

獄卒羅刹，應念即至，化作妻子，手擎火爐，微灰·覆上，至罪人所。

是時，罪人心大歡喜。以歡喜故，氣絕·命終，生灰河中。諸劍樹間，有一羅刹，手執利劍，欲來傷害。是人恐怖，走於灰河，舉足、下足，刀傷其脚。劍樹、兩刀，從毛孔入。羅刹以叉，叉其心出。蹙地、悶死，尋復還活。是人偷盜師長父母罪因緣故，一日一夜·五百億生、五百億死。飢渴逼故，張口欲食，劍樹、兩刀，從舌頭入，劈腹、裂胸，悶絕而死。

由前聞佛法僧名故，罪畢之後，得生人中，貧窮下賤，覺·世非常，出家學道。世·無佛時，成·辟支佛。世·若有佛，成·阿羅漢。」

[0672a29] 佛告阿難：「云何名劍林地獄？劍林地獄者：八千由旬。滿中·劍樹，有熱鐵丸·以為其果，如此劍樹，高·二十四由旬。

自有眾生，不孝父母，不敬師長，作惡口業，無慈愛心，刀杖加人。

此人罪報，臨命終時，心如胡膠，處處生著，即作此念：『我心縛著，觸事不捨，耽酒、嗜色，身雖遇患，心猶不息。得一利刀，割截此愛。』

獄卒羅剎，應聲即至，化為侍者，執明鏡，示語罪人，言：『汝心多著，可觀此鏡。』

觀此鏡時，見於鏡中，有利劍像，即作是念：『我今體羸，不堪欲事。得此利劍，割斷我心，不亦快乎！』作此念時，氣絕、命終，受餓鬼身，諸劍樹間，
5 忽然化生。生已，鐵丸，從頂上入，從口而出，腸胃·焦爛，躓地。

獄卒，復以鐵叉·打撲，驅令上樹。上一樹已，鐵嘴蟲噉。以恐怖故，踊身上樹。如是展轉，悉經劍林，一日一夜·八萬生、八萬死。

罪畢之後，生·飢饉世、及疾疫劫，為人卑賤，口氣恒臭，人所惡見。過算數劫，遇善知識，發菩提心。」

10 [0672b18] 佛告阿難：「云何名五百億刺林地獄？刺林地獄者：八千由旬，滿中·鐵刺。一一刺端，有十二劍。樹上，復有大熱鐵鉗。

世間自有愚癡眾生，惡口、兩舌、綺語、不義語，調戲·無節，枉說是非，說經典過，毀論義師。

如此罪報，命欲終時，咽燥、舌乾，即作此念：『得一利刺，刺頸出血，令
15 眾脈間·流注眾水，不亦快乎！』

作是念時，獄卒羅剎，化作父母，手執明珠。珠頭·生刺，持用擬口，如水欲滄。

罪人歡喜：『我所願者，今已得果。』作是念已，氣絕、命終，如·大電頃，生刺林間。

20 既生之後，獄卒羅剎，手執鐵鉗，拔舌令出。八十鐵牛，有大鐵犁，耕破其舌。刺林諸樹，有風吹來，撲打其軀，一日一夜·六百生、六百死。

過是已後，得生人中，脣啞、面皺，語言[口*蹇]吃。如此罪人，體生諸創，膿血盈流，經五百世，人所惡見。過是已後，雖有所說，人不信受。遇善知識，發菩提心。」

25 [0672c06] 佛告阿難：「云何名五百億銅柱地獄？銅柱地獄者：有一銅柱，狀如大山，高·六百由旬。下·有猛火。火上鐵床。上有刀輪。諸刀輪間，有鐵嘴蟲，鐵烏在傍。

世間自有愚癡眾生，貪惑·滋多，染愛·不淨，犯·邪淫行，非處非時·行不淨業。設有比丘、比丘尼、婆羅門等·諸梵行者，若於非時、非處·犯不淨法，乃至一切犯邪行者，作不淨業。

30 如此罪人，臨命終時，舉身·反強，振掉不定，猶如弓弩，不自勝持，即作此念：『得一堅大銅鐵柱者，縛此身體，令不動搖。』

獄卒羅剎，應時即至，化作僮僕，手執鐵杖，至罪人所，白言：『長者！汝今身強，餘物皆弱，可捉此杖。』心即歡喜，氣絕、命終。如·弄杖·頃，生·
35 銅柱頭，猛火焰熾，焚燒其身，驚怖下視，見·鐵床上·有端正女。若是女人，見·端正男，心生愛著。從銅柱上，欲·投于地，銅柱貫身，鐵鋼絡頸。鐵嘴諸蟲，啖食其軀。落·鐵床上，男女俱時·六根火起。有鐵嘴蟲，從眼而入，從男

女根出。若污戒者，別有九億諸小蟲輩，如·癩疽蟲·有十二嘴。嘴頭·出火，啖食其體。此邪姪報，一日一夜·九百億生、九百億死。

罪畢乃出，生·鳩鴿中，受·鳩鴿身，經五百世。復生龍中，經五百身。後，生人中，無根、二根、及不定根、黃門之身，經五百世。設得為人，妻不貞良，子不慈孝，奴婢不順。過是已後，遇善知識，發菩提心。」

佛告阿難：「云何名五百億鐵機地獄？鐵機地獄者：有一鐵床，縱廣正等·四百由旬。上安諸搥。搥間，皆有萬、億鐵弩。鐵弩鏃頭，百億鋒刃。

世間自有愚癡眾生，為貪欲故，不孝父母，不敬師長，不順善教，殺害眾生，食諸姦人。此人罪報，命欲終時，身體振動，身諸六竅·汁自流出。如此罪人，見自己床·如·兜羅綿，即生是念：『何時·得一堅冷之處，安身臥眠，不亦快耶！』

作是念時，獄卒羅剎，以叉·擎床，敷大榻[登*毛]，至罪人所。

罪人見已，心生歡喜，欲臥榻[登*毛]，氣絕、命終，生鐵機上。萬、億鐵搥·關從下動。鐵搥低昂，無量鐵弩·同時皆張。一一鐵箭，射·罪人心，一日一夜·六百億生、六百億死。

如是罪人，受罪畢已，生·畜生中。經五百世，還生人間，貧窮下賤，為人所使，多墮刑獄，恒受鞭撻。過是已後，遇善知識，發菩提心。」

[0673a19] 佛告阿難：「云何名鐵網地獄？鐵網地獄者：八十九重·諸鐵羅網。一一網間，百億鐵針。一一鐵針，施五關搥。

世間自有虛妄眾生，邪心諂曲，妖媚惑人，心懷讒賊，晝夜惡念，剎那·剎那頃，成就惡念。

此人罪報，臨命終時，身體搔痒，即作此念：『得一束針，鑊刺疥蟲，不亦樂乎！』

作是念時，獄卒羅剎，化，為良醫，手執利針，唱言：『治病』。

罪人心喜，氣絕、命終，生鐵網間，[打-丁+聿]身下過，眾搥皆動，無量諸針·射入毛孔。如是，婉轉·諸鐵網間，剎那頃死、剎那頃生。

罪畢乃出，生於邊地·無佛法處，亦不聞說·世間善語，何況正法。雖生人中，三惡道攝。過·算數劫，遇善知識，雖得聞法，心不解了。」

[0673b03] 佛告阿難：「云何名鐵窟地獄？鐵窟地獄者：餓鬼道中·最上苦法。有一鐵山，縱廣正等·二十五由旬。山上，復有五百、萬、億大熱鐵丸。一一鐵丸，團圓正等·十三由旬。山間，復有百、千刀劍。是時，彼山，東向開張，有一小孔，如·摩伽陀斗口，但出黑烟。

世間自有愚癡眾生，慳貪·縛著，心如金剛，但樂求索，無有厭足，父母妻子·悉不給與，師長教授·視如糞穢，奴婢親友·不施衣食。如是慳人，不慮無常，護惜財物·猶如眼目。此人罪報，命欲終時，諸情閉塞，口噤不語，心中默念：『我死之後，是諸惡人·食我財物，如·噉鐵丸，居我屋宅，如·處閻室。』

作是念已，獄卒羅剎，化為慳人，幻收財物，至罪人所，以火焚之。

罪人心喜，氣絕、命終，生火山，猶如·融銅·鑄鐵窟中。既入窟中，劍蟲、刀蟲·啖食其軀。烟熏其眼，不見火炎，周惶怖，東西馳走，頭打鐵山。鐵丸上下，從頂而入，從足而出，一念頃死、一念頃生。

5 罪畢乃出，生·餓鬼中，其身長大，數十由旬，咽如針筒，腹如大山，東西求食，融銅·灌咽，經八千歲·乃得苦畢。生·食唾鬼、食膿鬼、食血鬼中。罪畢，復生·廁神、猪狗。罪畢，復生·貧窮、卑賤、無衣食處。遇善知識，發菩提心。」

10 [0673b26] 佛告阿難：「云何名鐵丸地獄？鐵丸地獄者：八十由旬。滿中·鐵城，八十八鬲。一一鬲中，有五刀山·持用覆上。下，有十八大惡鐵蛇。蛇，皆吐舌。舌，出鐵劍。劍頭火然。

世間自有愚癡眾生，毀辱布施，言·施無報，勸人藏積。如是癡人，向國王、大臣、沙門、婆羅門、及一切眾，說·施無因，亦無果報。如此罪人，臨命終時，頸強、脈縮，迴轉不語，不喜見人，低視而臥，心中但念：『我積財寶，得與我俱，快不可言。』

15 獄卒羅剎，化作其妻，捉·熱鐵丸·化作寶器，在其人前，語言：『我隨汝死，婉轉相著，終不相離。』

氣絕、命終，生鐵城中，東西馳走，鐵蛇出毒，纏繞其身，節頭火然，即作是念：『願天愛我，降注甘雨。』應念，即雨·大熱鐵丸，從頂而入，足下而出。罪畢，乃為貧窮、孤獨、啞啞之人。是人歲數，如鐵窟說。遇善知識，發菩提心。」

20 [0673c13] 佛告阿難：「云何名尖石地獄？尖石地獄者：有二十五石山。一一石山，有八水池。一一水池，有五毒龍。

世間自有愚癡眾生，比丘、比丘尼、沙彌、沙彌尼、式叉摩尼、優婆塞、優婆夷、九十五種諸梵志等，法·說非法，非法·說法，或犯輕戒，久·不懺悔，心無慚愧，猶如猿猴。此人罪報，命欲終時，心下氣滿，腹脹如鼓，飲食噎吐，水漿不下，即作是念：『得一石尖，塞我咽喉，不亦快乎！』

25 作是念時，獄卒羅剎，化作良醫，幻捉石尖，作大藥丸，著其口中，告言：『閉口。』

心生歡喜，氣絕、命終，生·石山間，無量尖石·從背上入，從胸前出。

30 獄卒，復以鐵叉·叉口，以石·內中，一日一夜·六十億死、六十億生。此是生報。從此命終，墮黑繩地獄。

黑繩地獄者：八百鐵鎖，八百鐵山，豎·大鐵幢，兩頭繫鎖。獄卒羅剎，驅蹙罪人，令負鐵山、鐵繩上走。不勝·落地，墮·鑊湯中。羅剎，驅起，渴急·飲鐵，吞石而走，一日一夜·經歷是苦·凡十萬遍。

35 罪畢，生世，為人僮僕。遇善知識，為說實法，如好白[疊*毛]，易染受色，得阿羅漢，三明、六通，具八解脫。」

[0674a04] 佛告阿難：「云何名十八飲銅地獄？飲銅地獄者：千二百種雜色銅車。一銅車上，六千銅丸。

自有眾生，慳貪、嫉妬、邪見、惡說，不施父母、妻子、眷屬、及與一切，心生慳嫉，見他得利·如·箭入心。如是罪人，欲命終時，多病消瘦，昏言囁語，口中自說：『欲得果食。』

作是語時，獄卒羅剎，化已銅車，滿車載果，至罪人所。

- 5 罪人得已，心生歡喜，即作念言：『得此美果，食不知厭，甚適我願。』歡喜踊躍，氣絕、命終。未經幾時，生銅車上。不久，即往生銅山間。銅車·轆頸。

獄卒羅剎，以鉗·[木*宅]口，飲以烱銅。

飲烱銅已，迷悶躄地，唱言：『飢飢。』

- 10 尋時，獄卒，擊口令開，以銅鐵丸，置其口中，吞十八丸，節節火然，東西馳走，經於一日，爾乃命終。獄卒，唱言：『汝前身時，諂諛、邪見，慳貪、嫉妬。以是因緣，受鐵丸報。或曾出家，毀犯輕戒，久·不悔過，虛食信施。以此因緣，食諸鐵丸。』

- 15 此人罪報，億、千、萬歲·不識水穀。受罪畢已，還生人中，五百世中，言語[口*蹇]吃，不自辯了，以宿習故，食後噉炭、及噉土塊。過是以後，遇善知識，發菩提心。」

觀四無量心品第五

[0674b06] 爾時，世尊說是語時，佛心力故，十種白光·從佛心出，其光·遍照十方世界。一一光中，無量化佛，乘寶蓮華。

- 20 時，會大眾，見佛光明，如·頗梨水，或見·如乳。見諸化佛，從佛胸出，入於佛臍，遊佛心間，乘大寶船，經往五道受罪人所。

一一罪人，見諸化佛，如·己父母、善友、所親。

漸漸為說·出世間法。是時，空中，有大音聲，告諸大眾：「汝等，今者，應，觀佛心。諸佛心者，是大慈也，大慈所緣，緣·苦眾生。」

- 25 [0674b15] 佛告阿難：「云何名慈心？慈心者：應當繫念，緣·苦眾生。苦眾生者，謂三惡道極苦惱者。」

- 30 [0674b17] 佛說是語，時·會大眾，見於地獄、餓鬼、畜生。解脫相三昧力故，令諸眾生·自識宿命，見·受苦者·皆是前世·無量劫中，父母、師徒、諸善親友。見已，啼泣，為佛作禮，白言：「世尊！我等，今者，因佛力故，見苦眾生·悉是我等·父母、師長。」

[0674b21] 佛告大眾：「三界眾生，輪迴六趣，如·旋火輪，或為父母、兄弟、宗親。三界一切，無不是汝所親之者。云何起意，生殺、嫉心？」

[0674b24] 作是語已，淨飯王等一切大眾，白佛言：「世尊！云何名為慈心三昧？惟願世尊為我略說。」

- 35 [0674b27] 佛告大眾：「夫慈心者，應當起想，先緣·所親。繫念之時，念·己父母·受諸苦惱。有不孝者，念·己妻子、所愛眾生·受諸苦惱。有·見眾生·癩病、癰瘡。見已，作念：『當云何救？』一想·成已，應作二想。二想·成已，

應作三想。三想·成已，滿一室想。一室想·成已，滿於僧坊。一僧坊·成已，滿一由旬。一由旬·成已，滿一閻浮提。閻浮提·成已，滿弗婆提。弗婆提·成已，滿三天下。如是漸廣，滿十方界。

[0674c07] 見·東方眾生，盡是其父。見·西方眾生，悉是其母。見·南方眾生，悉是其兄。見·北方眾生，悉是其弟。見·下方眾生，悉是妻子。見·上方眾生，悉是師長。其餘四維，悉是沙門、婆羅門等。

見·是眾生，皆受苦惱，或遇重病。或見·在於刀山、劍樹、火車爐炭。一切苦事·見已，悲泣，欲拔其苦，自作我想·乘寶蓮華，詣·諸人所，調身、按摩，為·洗癩瘡。見·地獄火，憂悲兩淚，欲滅其火。見·諸餓鬼·刺身、出血，化作乳想，供給餓鬼，令得飽滿。既飽滿已，為其說法，讚佛、讚法、讚比丘僧。作是讚已，益更憂悲，心無暫捨。如是慈心，極令通利。事事廣說，如·慈三昧。如是慈心，名習慈者。

[0674c19] 既習慈已，次當行悲。悲者，見·眾受苦，如·箭入心，如·破眼目，心·極悲苦，遍體兩血，欲拔彼苦。如此悲者，有百億門。廣說，如·大悲三昧。

[0674c22] 行慈、悲已，次行大喜。見·諸眾生·安隱受樂，心生歡喜，如己·無異。

[0674c23] 既生喜已，次行捨法。是諸眾生，無·來去相，從·心想·生（心想生者，因緣和合，假名為心）。如此心想，猶如狂華，從顛倒起。苦從想起，樂從想生。心·如芭蕉，中·無堅實。廣說，如·經十譬。作是觀時，不見身心。見·一切法·同·如實性，是名菩薩身、受、心、法。依因此法，廣修三十七助菩提分。若取證者，是聲聞法。不取證者，是菩薩法。」

[0675a01] 作是語已，佛心·光明，益更明顯。從佛心端·諸光明中，生·諸寶華。一一寶華，恒沙寶華·以為眷屬。一一華上，無量、無邊微妙化佛，方身丈六，如·釋迦文。此相現時，佛身毛孔，八萬四千諸寶蓮華。一一華上，八萬四千·諸大化佛，身量無邊。如是化佛·身諸毛孔、及心光明，亦如向說。

[0675a08] 如是光明，遍照十方，從佛頂入，從佛眉間·白毫相出。從白毫出，遍照十方，猶如金幢，令十方地·作真金色，卷諸化佛·入佛口中，從佛口出，亦照十方，來入佛胸。從佛胸出，復照十方，來入佛臍。此光入時，佛身之內，如·琉璃水，澄清不動。三界五道·一切眾生，映現佛心。見·諸化佛，乘大寶臺，猶如寶船·遊佛心間。一一化佛，讚說不殺，讚歎念佛，讚歎念法，讚歎念僧，讚歎念戒，讚歎念施，讚歎念天，讚六和敬，讚慈三昧。

『如此六念，能生善法。此六念者，是諸佛因。佛心者，是六念心。因六和敬，而得此法。欲成佛道，當學佛心。』

[0675a20] 說是語已，如來身光，倍更明顯。佛身、化佛、及寶蓮華，數·不可知。一一華光，如《雜華》說。

如是觀者，名為正觀。若異觀者，名為邪觀。佛滅度後，佛·諸弟子，修六念者，名念佛心。念佛心者，除十二億劫·生死之罪。作是觀者，生生之處，終

不邪見，心不僻謬，恒得值遇·無生菩薩。如是之人，若生邊地·無佛法處，念佛功力，自然悟解，成辟支佛。

爾時，世尊說是語已，還攝身光，如本·無異。

5 [0675a29] 佛告父王：「如·大人相、白毫光明、及一切相，有能逆觀、順觀、分別觀者，全觀圓光、及丈六者，但發是心，如見、不見，除却·眾罪，如·向所說。

設·有施主，具五神通，得如意珠，飛遍十方。十方世界，一一世界·眾生之數，不可得知，但以無量、無邊·總為其數。如是眾生，皆是羅漢。是大施主，盡·算數劫，供養賢聖·四事，無乏。是人得，福寧為多不？」

10 [0675b07] 父王白言：「但使·供養一方羅漢，得福無量。何況·十方無量羅漢。」

[0675b09] 佛告父王：「正使有人，成熟·邪見眾生，數·如上說，皆令彼人·得羅漢道、三明、六通，具八解脫，不如·發心·趣向佛慧·念佛·須臾。」

15 [0675b11] 佛說是語時，釋子眾中，一億釋子，發阿耨多羅三藐三菩提心，自誓·不求聲聞、辟支佛道，白佛言：「世尊！諸佛身分，乃至一毛，無量化佛。諸聲聞身，如·焦敗種，為何所益？」

觀四威儀品第六之一

[0675b17] 爾時，世尊，於大眾中，即便起行，足步虛空。

20 父王·觀見，心甚歡喜，亦隨佛行。

佛·舉足時，足下·千輻相輪 (*adhastāt pāda-talayoś cakre jāte sahasrāre*)。一一輪相，皆兩八萬四千眾寶蓮華。一一蓮華，復化八萬四千、億、那由他·華。一一蓮華，化為一臺。一一華臺，一一華葉，遍覆十方·無量世界。一一蓮華，八萬四千葉。釋迦牟尼，足步虛空，悉兩寶華。如是眾華，復有無量微塵數佛，

25 足步虛空。

父王·見已，心大歡喜，得阿那含，五體投地，為佛作禮。

時，會大眾，皆覩此事，白佛：「世尊！十方世界·無數化佛，何者真佛？誰是化佛？」

30 [0675b28] 佛告大眾：「諸佛·如來，入空寂處，解脫三昧·隨意自在，無有真、化。

所以者何？佛心·空寂，復入空寂解脫光明王三昧。此定力故，諸佛·如來，化·無邊身。無邊身者，是薩婆若。薩婆若者，名無著三昧。無著三昧故，如來現行。若現乞食，若或經行，如是二法，饒益眾生。

35 若有眾生，佛在世時，見·佛行·者，步步之中，見·千輻輪相，除却·千劫極重惡罪。

佛去世後，三昧正受·想·佛行·者，亦除·千劫極重惡業。

雖·不想·行，見·佛跡·者，見·像行·者，步步，亦除·千劫極重惡業。」

[0675c08] 佛告阿難：「汝從今日，持如來語，遍告弟子：『佛滅度後，造·好形像，令·身相足，亦作·無量化佛色像，及通身光、及畫·佛跡，以微妙彩、及頗梨珠·安白毫處，令諸眾生·得見是相。但見此相，心生歡喜，此人除却·百、億、那由他·恒河沙劫·生死之罪。』」

5 說此語已，如來還坐。

[0675c15] 父王復問佛：「出世間，有何利事，能令眾生·得安樂耶？」

[0675c16] 爾時，世尊告大王言：「舍衛城中，須達長者，有一老母，名毘低羅，謹勤家業。長者勅使，守執庫鑰，出內取與·一切委之。須達長者，請佛及僧，供給所須。

10 時，病比丘多所求索。

老母，慳貪，瞋嫌佛法、及與眾僧，而作是言：『我家長者·愚癡迷惑·受沙門術。是諸乞士，多求無厭，何道之有？』作是語已，復發惡願：『何時·當得不聞佛名，不聞僧名，不見剃髮、染衣之人？』如是惡聲，一人聞已，復聞二人，展轉遍滿舍衛城中。

15 [0675c25] 末利夫人聞此語已，而作是言：『云何·須達·如·好蓮華，人所樂見？云何·復有毒蛇·護之？』作是語已，勅須達言：『遣·汝婦·來。吾欲與語。』

阿那邠坻馳詣王宮，到，作禮畢，却住一面。

末利夫人命令就座。坐已。語言：『汝家老婢，惡口誹謗，何不驅擯？』

20 阿那邠坻跪白：『夫人！佛日·出世，多所潤益。鴛掘摩羅·大惡之人，尼提·賤人·氣噓·栴陀羅，佛能調伏。何況·老婢·而不能調。』

末利夫人聞是語已，心大歡喜：『我欲請佛。汝遣婢來。明日食時，請佛及僧，於宮供養。』

25 長者·遣婢，持·滿瓶金，摩尼珠·蓋，勸助王家，供養眾僧，告言：『可信。汝持此物，貢上王家。』

婢聞是語，歡喜踊躍，持寶瓶走。

末利夫人見彼婢來：『此邪見人，佛當教化。我見此人受化之時，必獲法利。』

30 [0676a11] 爾時，世尊，從正門入，難陀在左，阿難在右，羅睺·佛·後。老母見佛，心驚·毛豎：『可惡此人，隨我後至。』即時，欲退，從狗竇出，狗竇即閉，四方小巷·一時·閉塞，惟正路開。老母覆面，以扇自障，不熹見佛。

佛在其前，令扇如鏡，無所障礙。迴頭東視，東方有佛。南視，南方有佛。西視，西方有佛。北視，北方有佛。舉頭仰看，上方有佛。低頭伏地，地化為佛。以手覆面時，手十指·皆化為佛。老母閉目，心眼即開，見·虛空中·一切化佛·滿十方界。

35 [0676a20] 此相現時，舍衛城中，有二十五旃陀羅女、五十婆羅門女、及諸雜類、并·末利夫人·宮中·合五百女，心生誹謗，不信佛法，見·佛·如來·足步虛空，為於老母·現·無數身，心大歡喜，裂·邪見網，頭腦頂禮世尊足下。

[0676a26] 爾時，世尊，以梵音聲 (*brahma-svara*)，安慰諸女，告言：『諸女！汝今可稱·釋迦牟尼。稱我名故，觀我身相，可得解脫。』

作是語已，諸女同聲，稱·南無佛。

佛放眉間白毫相光，照諸女心。

5 女見·佛行·威儀詳序，足下雨華，猶如華蓋，化佛如林·不可稱計。諸女見已，發阿耨多羅三藐三菩提心。

老母見佛，邪見、不信，猶能·除却·八十萬、億劫·生死之罪，況復·善意恭敬、禮拜。

[0676b04] 爾時，老母，以得見佛，巷陌還開，疾走歸家，白大家言：『我，於今日，遇·大惡對·沙門瞿曇·在王宮門·多眾之前·作諸妖幻。身·如金山，眾華映飾，目·踰青蓮，有萬、億光·不可具見。沙門·善幻，世間無比。大家年少，可不熹見。』作是語已，入木籠中，以百張皮·覆木籠上，白[疊*毛]纏頭，却臥闇處。

[0676b10] 爾時，世尊，還祇陀林。

15 末利夫人白言：『世尊！願化邪女，莫還精舍。』

佛告末利：『此女·罪重，於佛無緣，於羅睺羅·有大因緣。佛·今日·行，為其除罪。』

作是語已，即還精舍，告羅睺羅：『汝，詣須達大長者家，度·惡老母。』

作是語時，千二百五十沙門，皆作是言：『我等，今日，願欲隨從。』

20 [0676b17] 爾時，羅睺，承佛威神，入如意定，禮拜既畢，遶佛七匝，即自化身·作·轉輪聖王，阿難侍左，難陀侍右，千二百五十比丘·化為千子。阿難為典藏臣，難陀為主兵臣，七寶、四兵·皆悉具足。

時，金輪寶，在虛空中，乘·蓮華臺，徑往須達大長者家。

夜叉唱言：『聖王出世，擯諸惡人，宣揚善法。』

25 老母聞已，心大歡喜：『聖王出者，有如意珠。無所求索，此當可言。』

[0676b25] 爾時，聖王椎鍾、鳴鼓，乘·大寶輿，至須達家。

老母見已，甚大歡喜：『聖王出世，多所潤益。識別善惡，必當不為沙門所惑。』從木籠出，敬禮聖王。

30 聖王，即遣主寶藏臣，往至女所，告言：『姊妹！汝，宿·有福，應·王者·相。聖王，今者，欲以姊妹·為玉女寶。』

老母白言：『我身卑賤，猶如糞穢。聖王顧問，喜慶無量。何所堪任，應·玉女寶？若見念者，勅·我大家·放我，令·脫所賜，已多。』

[0676c04] 爾時，聖王告須達言：『卿家·老女，眾相巍巍。吾，今，欲以充·玉女寶。』

35 須達白言：『惟命是從。願·上大王。』

老婢，聞·放，喜悅非常。

聖王即便·以如意珠，照耀女面，令女自見·如玉女寶。

倍大歡喜，而作是言：『諸沙門等，高談大語，自言有道，無一效驗。聖王出世，弘利處多，令·我老弊·如·玉女寶。』作是語已，五體投地，禮於聖王。

時，典藏臣，宣王優令，揚十善法。

5 女·聞十善，心大歡喜，即作是念：『聖王所說，義無不善。』為王作禮，悔過、自責，心即調伏。

[0676c13] 時，羅睺羅，還復本身。

老母·舉頭，見·千二百五十比丘，即作此言：『佛法清淨，不捨眾生。如·我弊惡，猶尚化度。』作是語已，求受五戒。

時，羅睺羅·為說三歸，受五戒法。

10 母·聞此法，未舉頭頃，成·須陀洹。

地神歡喜，從地踊出，告須達言：『善哉。長者！裂·邪見網，如來出世·正為此耳。』

[0676c20] 時，羅睺羅，將·此老母，詣祇陀林。

到已，見·佛身相紫金。

15 歡喜·合掌，為佛作禮，懺悔前罪，求佛出家。

佛告羅睺：『汝，將此母，詣·憍曇彌。』

未至·中間，羅睺·為說苦、空、非常、無我·等法。

老母聞已，頭髮自落，成比丘尼，三明、六通，具八解脫，身昇虛空，作十八變。

20 [0676c25] 波斯匿王、末利夫人，見·此變化，心大歡喜：『善哉。佛日·出現世間，破無明闇，能令邪見·得·應真道。』作是語已，為佛作禮，白言：『世尊！如·此老母，宿有何罪，生·卑賤處，為人婢使？復，何福慶，值遇世尊，如·好白[疊*毛]，易受染色，應時，即得阿羅漢道？』

25 [0677a02] 佛告大王：『諦聽，諦聽，善思念之。如來為王，分別解說。過去久遠·無數劫時，有佛·世尊，名一寶蓋燈王如來，十號具足。彼佛滅後，於像法中，有王·名曰雜寶華光。其王有子，名曰快見，求欲出家。父即聽許。王子詣山，到僧坊中，求欲出家。

時，有比丘，聰明多智，深解實相，受為弟子。

復有比丘，名德華光，善說法要，誘進初學。

30 王子比丘，雖復出家，猶懷憍慢。

和上·為說·甚深妙法·般若波羅蜜·大空之義。

35 王子聞已，謬解邪說。比丘滅後，即作此言：「我·大和上，空無智慧，但能讚歎虛無空事。願·我後生，不樂見也。我·阿闍梨，智慧辯才。願·於生生，為善知識。」王子比丘作是語已，法·說非法，非法說法，教·諸徒眾·皆行邪見。雖持禁戒、威儀不缺，以謬解故，命終之後，如射箭頃，墮·阿鼻獄，八十億劫·恒受苦惱。罪畢，乃出，為貧賤人，五百身中·聾癡、無目，千二百身·恒為人婢。』

佛說是時，末利夫人，有五百婢，懺悔、自責，發菩提心，願·於來世·解深空法。

5 [0677a21] 佛告大王：『爾時·和上·者，今·我身·是。阿闍梨·者，今·羅睺羅·是。王子比丘，此老母·是。徒眾弟子，今日·邪見女等·發菩提心·者·是。』

佛說此時，舍衛城中，二萬優婆塞，發菩提心，得念佛定（*buddhānusmṛti-samādhi*），常於定中·見佛說法。」

[0677a25] 佛告父王：「邪見惡人，見·佛行·時，尚得如此無量福德，何況·觀·佛行、及像行·者？」

10 [0677a28] 父王白佛：「佛母·摩耶，生·忉利天。佛，今，光相、神通具足，云何當往，為母說法？」

[0677a29] 佛告大王：「如來，當如轉輪聖王足行之法，從閻浮提·上忉利天，問訊檀越，為說妙法。」

15 [0677b03] 爾時，會中，有菩薩摩訶薩，名曰持地，即從座起，入首楞嚴三昧。三昧力故，從金剛際，金剛為輪、金剛為根、金剛為花，花花相次·出閻浮提。

時，四龍王——難陀、跋難陀、阿耨達多、娑伽羅龍王等——各持七寶，詣持地所，奉上七寶，為佛·世尊，作三道寶階，左·白銀，右·頗梨，中·黃金。從閻浮提·金剛地際，上忉利宮。——寶階，七重欄楯。是諸欄楯，百億寶成，百億光明。——光明，百億寶花。——花中，無量樂器·自然踊出。

20

爾時，持地，以恒河沙·七寶蓮華，敷佛蹈處，於階道側，豎·諸寶幢，無量寶幡·懸其幢頭，百億寶蓋·彌覆其上。

忉利諸天，雨·曼陀羅華、摩訶曼陀羅華、曼殊沙華、摩訶曼殊沙華，嚴飾其間。

25 時，梵天王，手擎香爐，與萬梵俱，侍立階側。——香烟，如琉璃雲，彌滿虛空。於其雲中，百、千妓樂·不鼓自鳴。

難陀龍等，持·海此岸·栴檀·末香，漫散道中。香光上，出·如·金光焰，高·一多羅樹，化為金臺。

無量諸天，持天瓔珞，嚴飾階道。如是供具，不可稱計。

30 [0677b22] 爾時，世尊，於閻浮提，執持三衣，告勅阿難、難陀、羅睺羅等·五百比丘，足步大地，始·舉足·時，地·六種動。下足之時，地·生寶宮，如梵王宮，宮宮相次，懸在空中，隨映佛後，在階道側。

持地菩薩、并彌勒等·一千菩薩，一時合掌，以萬、億音歌，詠·如來無量德行。

35 爾時，梵王，無數、百、千諸梵天等，手擎香爐，無量妓樂，以供養佛，立侍左階。

釋提桓因，無數天子，百、千天女，鼓樂絃歌，亦立左階。

無數聲聞、菩薩大眾，侍立右階。

[0677c02] 爾時，世尊，放大光明，照·階道邊。其光如雲，百、千、億色，猶如重閣。佛處其中，八萬四千化佛圍繞。五百分身諸佛、與·佛政·等，執持衣鉢，威儀詳序。分身諸佛，亦有阿難、難陀·以為侍者。

[0677c06] 時，魔波旬，於虛空中，與諸魔眾，讚誦妙偈，歎如來功德。
5 釋提桓因白摩耶言：「如來世雄，為報恩故，來至此處。」

摩耶夫人聞佛已來，遣諸天女，持諸天寶、及天妓樂、曼陀羅華，在階道邊，以迎世尊。

[0677c11] 爾時，如來，舉足、下足，無數宮殿。一一宮殿，五百化佛，結·加趺坐。一一如來，五百菩薩·以為侍者。

10 [0677c14] 爾時，五百分身·諸釋迦文，入忉利天宮。
諸天歡喜，而說此偈：

「毘婆尸佛，吉祥中尊；亦放光明，來至此處。

尸棄如來，大吉祥尊；化身無數，來至此處。

毘舍·滿月，放白毫光；普照一切，來至此處。

15 拘樓孫佛，面門出光；照十方界，來至此處。

迦那含佛，化身無數，放大光明；來至此處。

迦葉世尊，身如寶臺；足步虛空，來至此處。

釋迦牟尼，分身五百，無數化佛；照耀一切，來至此處。

彌勒菩薩，賢劫尊者，亦放光明，當至此處；

20 此處吉祥，安隱無為。諸佛所遊，牟尼生地；

名涅槃窟，慧者智度。」

[0678a01] 爾時，世尊，入忉利宮，即放眉間白毫相光。其光，化作七寶大蓋，覆摩耶上，七寶飾床·奉摩耶坐。

佛母·摩耶，見佛入宮，合掌、恭敬，為佛作禮。

25 五百化佛，一時伸手。諸天扶持，不聽禮敬。八萬四千諸化如來，皆悉起立。

[0678a05] 爾時，摩耶夫人宮中，自然踊出五百億光。此光明中，有大寶臺。一一臺上，有十方佛。如是諸佛，自說名字，安慰佛母。

東方·善德佛，持·妙寶花，散釋迦牟尼及摩耶上，化成花蓋。此花蓋中，百億化佛，合掌、起立，問訊佛母。

30 南方·梅檀德佛，持·寶蓮花，散釋迦牟尼，及散佛母上，化成花蓋。於花蓋中，無數化佛，合掌、起立，問訊佛母。

西方·無量明佛，以寶蓮花，散釋迦牟尼、及佛母上，化成花蓋。無數化佛，合掌、起立，問訊佛母。

35 北方·相德佛，以寶蓮花，散釋迦牟尼、及佛母上，化成花蓋。無數化佛，合掌、起立，問訊佛母。

東南方·無憂德佛。西南方·寶施佛。西北方·花德佛。東北方·三修行佛。上方·廣眾德佛。下方·明德佛。如是等佛，各以寶花，散釋迦牟尼佛上，及散佛母，化成花蓋。一一蓋中，無數化佛，合掌、起立，問訊佛母。

[0678a21] 時，忉利宮·滿中·化佛。

佛母·摩耶頂上，自然出·眾供具，無量幢幡·供養諸佛。

時，幢幡中，有妙音聲，讚佛、讚法、讚比丘僧。

[0678a24] 佛告阿難：「是名如來從閻浮提·昇忉利宮·色相光明·諸神化
5 事。佛滅度後，佛·諸弟子，若如是觀，是名正觀。若異觀者，名為邪觀。作此
觀者，除一億劫·生死之罪。臨命終時，見·十方佛，必生他方·淨佛國土。」

[0678a28] 佛告阿難：「汝持是語，為未來世·諸眾生等，當廣宣說。聞此
語者，思是義者，當知·是人·十方諸佛之所覆護，命終，必當生諸佛前。」

[0678b03] 佛告父王：「云何名如來從忉利天·下閻浮提·時·光相變應？
10 我初下時，無數天子·百、千天女·侍從世尊，獨見·一佛，圓光一尋，放千光
明，足步虛空，躡階而下。時，佛光中，七佛像現，從佛光出，導佛前行。

時，優填王，戀慕世尊，鑄金·為像，聞·佛當下，象載金像·來迎世尊。

蓮華色比丘尼，化作瑠璃山，結·加趺坐，在山窟中，無量供具·奉迎世尊。

爾時，金像，從象上·下，猶如生佛，足步虛空，足下雨華，亦放光明，來
15 迎世尊。時，鑄金像，合掌、叉手，為佛作禮。

爾時，世尊，亦復長跪、合掌·向像。

時，虛空中·百、千化佛，亦皆合掌、長跪·向像。

[0678b15] 爾時，世尊，而語像言：『汝，於來世，大作佛事。我滅度後，
我諸弟子，以付囑汝。』

20 空中化佛，異口同音，咸作是言：『若有眾生，於佛滅後，造立形像，幡、
花、眾香·持用供養，是人，來世，必得念佛清淨三昧。若有眾生，知佛下時，
種種相貌，繫念思惟，必自得見。』」

[0678b20] 佛告阿難：「佛滅度後，佛·諸弟子，知·佛·如來·下忉利天、
及見佛像，除却·千劫極重惡業。如是觀者，名為正觀。若異觀者，名為邪觀。」

25

觀四威儀品第六之餘

[0678c06] 佛告阿難：「云何如來·至曠野澤·伏鬼大將？我從舍衛·祇陀
精舍，放金色光，照舍衛城，令作金色。

30 舍衛國內，有一長者，名曰財德。長者·有子，年始三歲。父教其子，令受
三歸。

散脂鬼神，飢火所逼，入舍衛城，接取嬰兒。

爾時，嬰兒，稱·南無佛。

以稱佛故，鬼王口噤，不能得食，但眼出火，以怖嬰兒。

35 嬰兒，見鬼·形狀醜惡，胸有三面，臍有二面，兩膝二面，面如象面·狗牙
上出，眼復出火，火皆下流。

童子，驚怖，稱·南無佛。南無法。南無僧。

爾時，世尊，天耳遠聞，獨將阿難，足步虛空。阿難在後，從佛不及。佛以神力，化作寶華。其華光明，接取阿難。阿難坐華，見·閻浮提·滿中·化佛。一一化佛，身滿三千大千世界。是諸化佛，說三乘法，勸進菩薩·修行念佛 (*buddhānusmṛti; buddha-manasikāra*)。阿難見聞，即憶·過去九十億佛·所說

5

[0678c22] 爾時，世尊，到曠野澤，放眉間白毫·大人相光。其光，直照怖小兒身。

小兒，見光，如·見父母，心無驚懼。

時，曠野鬼，舉一大石，厚十二丈，欲擲世尊。眼，出雷電，兩雹·如雨。一一雹下，如·赤鷄子·從空而下。未至佛上，化成化佛。一一化佛，入火光三昧。諸火光明，燒·曠野澤，大地洞然。

10

鬼王不怖，擲石住空，化成寶臺。

臺中，復有百億化佛，異口同音，讚歎慈心。

鬼，猶不伏。

15

時，金剛神，手奮金杵，揮大利劍，髭·如劍竦，眼·如電光，以金剛杵，擬鬼王額，攘臂大叫，聲振天地。

鬼王，驚怖，抱持小兒，長跪·上佛，白言：『沙門！唯願·慈愛，救我生命。』

時，金剛神，化金剛杵·為大鐵山，四面火起，繞鬼七匝。猛火炎熾，焚燒

20

鬼身。
嬰兒，舉手，勅鬼王言：『稱·南無佛。我稱佛故，從死·得生。汝今可稱·南無諸佛。』

爾時，鬼王，驚怖·失聲，稱·南無佛。白言：『瞿曇！可救護我。』

[0679a10] 爾時，世尊，以梵音聲 (*brahma-svara*)，猶如慈父·安慰諸子，

25

撫慰鬼王，亦復如是。
密迹金剛，勅鬼王言：『汝今速伏，歸依佛·法·及與眾僧。汝若不伏，碎汝眷屬·萬·億·八千，令如微塵。』

時，曠野鬼，以驚怖故，五體投地，為佛作禮，白言：『世尊！我恒噉人。今者·不殺，當食何物？』

30

佛勅鬼王：『汝但不殺。我勅弟子·常施汝食，乃至法滅。以我力故，令汝飽滿。』

鬼王聞已，歡喜·合掌，受佛五戒。受五戒已，見·諸火山，焰焰相次，變成化佛。滿·曠野澤，皆是化佛。一一佛後，有一阿難。一一化佛，異口同音，皆說五戒。

35

時，曠野鬼，白金剛神：『因大德故，得服甘露無上法味。』

時，金剛神，擲杵空中。

佛神力故，令金剛杵·猶如·百億金須彌山。一一須彌，百億龕室。一一龕室，百億化佛·遊步經行。是諸化佛，舉足、下足，足下自然生七寶臺。一一臺上，恒沙化佛，結·加趺坐。」

5 [0679a26] 佛告大王：「佛滅度後，佛·諸弟子，欲知如來·伏曠野鬼·自在神通，如是觀者，名為正觀。若異觀者，名為邪觀。

佛滅度後，若有眾生，思是法者，觀是法者，得此想者，除百、千、億劫·生死之罪。生生之處，不受鬼身，值遇諸佛·間無空缺。設無佛時，遇·辟支佛·無·辟支佛，恒遇仙人，為說正道。」

10 [0679b03] 佛告阿難：「汝，今，持是境界·念想，為未來世·一切眾生，當廣宣說，是名諸佛神通境界。若失此事，則名謗佛，斷菩提種。持是法者，鬼魅不著，恒為諸佛之所護助。」

[0679b07] 佛告阿難：「云何名如來到·那乾訶羅國·古仙山·蒼葛華林·毒龍池側·青蓮華泉北·羅剎穴中·阿那斯山巖南？爾時，彼穴，有五羅剎，化作女龍，與毒龍通。龍·復降雹，羅剎·亂行，飢饉、疾疫，已歷四年。

15 時，王，驚懼，禱祠神祇，於事無益。召諸呪師，令呪毒龍。

羅剎氣盛，呪術不行。

王作是念：『得一神人，驅此羅剎，降是毒龍，唯除我身，其餘無惜。』

時，有梵志，聰明多智，白言：『大王！迦毘羅城·淨飯王·子，其生之日，萬神侍御，七寶降瑞。

20 阿私陀相：「處國，當為轉輪聖王。若不樂天下，成自然佛。」

今者，道成，號釋迦文，巨身丈六，三十二相（*dvātriṃśan mahā-puruṣa-lakṣaṇāni*）、八十種好（*aśīty anu-vyañjanāni*），足·躡蓮華，項·佩日光，身相端嚴，如真金山。』

25 王聞是語，心大歡喜，向·佛生地，自歸·作禮：『若·梵志語·審實不虛，有佛出世，名釋迦文。然，我·相法，却後九劫，乃當有佛，名釋迦文。云何·今日·佛日已興？云何·不哀，至此國界？』

空中，有聲，告言：『大王！汝莫疑。佛·釋迦牟尼，精進勇猛，超越九劫。』

聞是語已，復更長跪、合掌，讚歎：『佛，通、明、慧，應知我心。願屈慈悲，光臨此國。』

30 [0679b26] 爾時，香烟，至佛精舍，如白琉璃雲，繞佛七匝，化作金蓋。其蓋有鈴·出妙音聲。其聲請佛、請比丘僧。

爾時，如來·勅諸比丘：『諸得六通者，隨從佛後，受那乾訶羅王·弗巴浮提請。』

35 [0679c02] 摩訶迦葉·徒眾五百，化作琉璃山。山上，皆有流泉、浴池，七寶行樹。樹下，皆有金床銀光。光化為窟。摩訶迦葉，坐此窟中，常坐、不臥，勅·諸弟子，行十二頭陀。其山·如雲，疾於猛風，詣古仙山。

大目犍連·徒眾五百，化百、千龍，盤身為座。龍口吐火，化成金臺·七寶床座，寶帳、寶蓋、及諸幢幡·皆悉備足。目連，處中，如·琉璃人，表裏清徹，詣那乾訶。

舍利弗，以神通力，化作雪山，白玉為窟。

5 均提等·五百沙彌，坐七寶窟，圍繞雪山。

時，舍利弗，坐白玉窟，如·黃金人，放金色光。其光雜色，映耀雪山，敷揚大法。沙彌·聽受，往詣彼國。

[0679c14] 摩訶迦梅延·與其眷屬·五百比丘，化作蓮華，猶如金臺。比丘處上，身下·出水，化為流泉，流諸華間，水不滯地。上·有金蓋，彌覆比丘，亦往彼國。

10 如是·千二百五十·大弟子，各有五百比丘·作諸神通，如舍利弗、目犍連等，踊身虛空，如·鴈王翔，往詣彼國。

[0679c20] 爾時，世尊，著衣、持鉢，勅語阿難：『持·尼師檀。』

爾時，世尊，足步虛空。佛舉足時，四天王、釋提桓因、梵天王，無數天子，百、千天女，繞佛七匝，為佛作禮，侍從佛後。

[0679c24] 爾時，世尊，放·項金光，化作一萬八千諸大化佛。一一化佛，復放光明。如此項光，亦復化作·一萬八千諸大化佛。佛佛相次，滿虛空中，如·鴈王翔，往至彼國。

始到國界，王·出，奉迎，為佛作禮。

20 [0679c28] 爾時，龍王，見·世尊來，父子徒黨·十六大龍，興大雲雷，震吼雨雹，眼中·出火，口亦吐火，鱗甲身毛·俱出烟焰。

五羅剎女，現醜惡形，眼如掣電，住立佛前。

時，龍王·子，見·虛空中·滿中·化佛，白其父言：『父王吐火，欲害一佛。試看空中，有無數佛。』

25 時，龍，吐毒，心意猛盛，訶責其子：『惟有一佛。何處有多？』

[0680a05] 時，金剛神，手把大杵，化身無數。杵頭·火然，如·旋火輪。輪輪相次，從空中下。火焰熱熾，猶如融銅，燒惡龍身。

龍王，驚怖，無·走遁處，走入佛影。

佛影清涼，如·甘露灑。

30 龍·得除熱，仰頭視空，滿空中佛。

一一如來，放無數光。一一光中，無量化佛。一一化佛，亦放無數、百、千光明，時，諸光中，一切皆是·執金剛神·奮金剛杵。

龍見·諸佛，極大歡喜。見·諸金剛，極大惶怖。合掌、恭敬，為佛作禮。五羅剎女，亦禮如來。

35 時，諸天子，雨·曼陀羅花、摩訶曼陀羅花、曼殊沙花、摩訶曼殊沙花·而以供養。天鼓自鳴。諸天，叉手，空中立侍。

[0680a16] 時，彼國王·眷屬五千，燒·眾名香，頭面禮佛，請佛就座。

時，彼龍王，從龍池出，獻七寶床，手擎·敷置，白佛：『世尊！惟願救我。莫使力士傷害我身。』

[0680a21] 爾時，如來，以梵音聲 (*brahma-svara*)，猶如慈母·撫卹嬰兒，令彼龍王及羅剎女·受·法王·化。

5 請佛就座。爾時，國王，復敷高床，毳毼毼[毳-炎+登]·極細軟者，張白[疊*毛]縵，真珠羅網·彌覆其上，請佛·世尊，令處縵中。

[0680a26] 爾時，世尊，舉足欲行，佛·鹿王踰 (*eṇī-jaṅgha; eṇeya-jaṅgha; aīṇeya-jaṅgha*)，踰出五光。光有五色，繞佛七匝，如天妙花·化成花帳。眾花葉間，百、千、無數·諸化菩薩，合掌、讚偈·有萬、億音。空中化佛，放踰光明，亦復如是。

十六小龍，手執山石，霹靂起火，來至佛所。

大眾驚怖，入·佛光·中。

[0680b03] 爾時，世尊，出·金色臂，張·合曼掌，指網曼間 (*jālāvanaddha-hasta*)·兩大寶花。

15 大眾皆見·化成化佛。

唯，諸龍，見·是金翅鳥，欲搏噬龍。龍，畏金翅，走入佛影，為佛作禮，叩頭求救。

佛，至縵前，勅阿難言：『敷·尼師檀。』

20 是時，阿難，即入縵中，先舉右手，從左肩上，取·尼師檀。時，尼師檀，即復化成五百億金臺，七寶校飾。欲敷之時，即復化成五百億蓮華，七寶莊嚴。政四角時，一角·生五百億七寶蓮華。行行相次，遍滿縵內。

[0680b12] 爾時，世尊，就七寶床，結·加趺坐。諸蓮花上，皆有佛坐。

25 時，諸比丘，見佛坐已，為佛作禮，右繞七匝，各敷坐具。比丘坐具，皆悉化成·琉璃之座。比丘·就座時，琉璃座·放·琉璃光，作·琉璃窟。諸比丘等，入火光三昧，身·作金色。

時，彼國王，見·佛神變，歡喜·合掌，繞佛七匝，為佛作禮，覩佛神化，應時，即發阿耨多羅三藐三菩提心。勅諸臣下，皆使發心。

爾時，龍王，怖畏·金剛大力士故，亦發阿耨多羅三藐三菩提心。

五羅剎女，亦發菩提心。

30 [0680b22] 爾時，大王，為佛及僧，欲設中饋。

佛告大王：『但辦食器。餘，無所須。』

王·受佛勅，具諸寶器。佛神力故，令諸器內·天須陀味·自然盈滿。

35 時，諸大眾，食·是食已，自然得入念佛三昧 (*buddhānusmṛti-samādhi*)，見·十方佛·身量無邊。復聞·說法微妙音聲。其音，純讚念佛、念法、念比丘僧，亦有廣說六波羅蜜、三十七品助菩提法。聞是語已，倍更歡喜，繞佛千匝。

[0680c01] 爾時，國王·請佛入城。

龍王·怒曰：『汝奪我利。吾滅汝國。』

佛告大王：『檀越·先歸。佛·自知時。』

爾時，國王，為佛作禮，逡巡而退。

爾時，龍王、及羅剎女，五體投地，求佛授戒。

佛，即如法·為說三歸、五戒之法。

龍王·聞已，心大歡喜。龍王眷屬·百、千諸龍，從池而出，為佛作禮。

5 如來，應時·隨龍音類·為其說法。

聞法歡喜。佛勅目連，為其受戒。

[0680c09] 爾時，目連，入如意定，即自化身，作百、千、億金翅鳥王。一一鳥王，足躡五龍，住在虛空。

時，諸小龍，而作是言：『佛勅和上·為我受戒。和上云何作恐怖像？』

10 目連告曰：『汝，於多劫，不恐怖中·橫生怖想，於無瞋恚·生瞋恚想，於無害所·橫生害想。我，實是人。汝，惡心故，見·我是鳥。』

爾時，龍王，以恐怖故，自誓·不殺、不惱眾生，以發善心。

目連，即時，還復本身，為說五戒。

[0680c17] 爾時，龍王，長跪、合掌，勸請世尊：『唯願·如來！常住此間。佛·若不在，我·發惡心，無由得成阿耨多羅三藐三菩提。唯願·如來！留神垂念，常在於此。』慇懃三請，如是不止。

[0680c20] 時，梵天王，復來禮佛、合掌，勸請：『願·婆伽婆·為未來世·諸眾生故，莫獨偏為此一小龍。』百、千梵王，異口同音，皆作是請。

[0680c24] 爾時，如來，即便微笑，口出無量、百、千光明。一一光中，無
20 量化佛。一一化佛，萬、億菩薩·以為侍從。

時，彼龍王，於其池中，出七寶臺，奉上如來：『唯願·天尊！受我此臺。』

爾時，世尊告龍王曰：『不須此臺。汝，今，但以羅剎石窟·持以施我。』

時，梵天王，無數天子·先入窟中。

時，彼龍王，以諸雜寶·以莊校窟。

25 佛告阿難：『汝·教龍王·淨掃石窟。』

諸天聞已，各脫寶衣，競以拂窟。

爾時，如來，還攝身光，卷諸化佛，來入佛頂。爾時，如來，勅諸比丘·皆在窟外，唯佛獨入，自敷坐具。敷坐具時，令此石山，暫為七寶。

時，羅剎女、及以龍王，為四大弟子、尊者阿難，造五石窟。

30 [0681a08] 爾時，世尊，坐龍王窟，不移坐處，亦受王請，入那乾訶城。耆闍崛山、舍衛國、迦毘羅城、及諸住處，皆見·有佛。

時，虛空中，蓮華座上·無量化佛，一切世界·滿中化佛。

龍王·歡喜，發大誓願：『願·我來世·得佛如此。』

佛·受王請，經七日已。

35 王·遣一人，乘·八千里象，持諸供具，遍一切國，供養眾僧。到處皆見·釋迦文佛。

信，反白王：『如來·世尊·不但此國，餘國亦有。餘國諸佛，皆說苦、空、無常、無我、六波羅蜜。』

王聞是語，豁然意解，得無生忍。

[0681a18] 爾時，世尊，還攝神足，從石窟出，與諸比丘，遊履·先世為菩薩時·兩兒布施處、投身餓虎處、以頭布施處、剜身千燈處、挑目布施處、割肉代鴿處。如是諸處，龍皆隨從。

5 是時，龍王，聞佛還國，啼哭雨淚，白言：『世尊！請佛常住。云何捨我？我不見·佛，當作惡事，墜墮惡道。』

爾時，世尊·安慰龍王：『我受汝請，坐汝窟中，經千五百歲。』

時，諸小龍，合掌、叉手，勸請世尊·還入窟中。諸龍見·佛坐已窟中，身上·出水，身下·出火，作十八變。小龍見已，復更增進堅固道心。

10 釋迦文佛，踊身入石。猶如·明鏡，人見·面像。諸龍·皆見·佛在石內·映現於外。爾時，諸龍，合掌、歡喜，不出其池，常見佛日。

[0681b02] 爾時，世尊，結·加趺，坐在石壁內。

眾生·見時，遠望·則見，近·則不現。

諸天·百、千·供養佛影。影亦說法。

15 時，梵天王，合掌、恭敬，以偈頌曰：

『如來·處石窟，踊身·入石裏；如日·無障礙，金光相·具足。

我·今·頭面禮，牟尼·救世尊。』

[0681b08] 爾時，世尊，化五百寶車，佛·處車中，分身五百。爾時，寶車，住虛空中，迴旋自在，車轂輞間，百、千光明。一一光明，無數化佛，不動不轉，到迦毘羅城。坐·師子座，如·入三昧。一毛孔中，有一佛出。一毛孔中，還一佛入。如是出入，滿虛空中，無量化佛，結·加趺坐，是名如來坐時境界。佛滅度後，佛·諸弟子，若欲知佛行者，如向所說。若欲知佛坐者，當觀·佛影。

觀佛影者，先觀佛像，作丈六想，結·加趺坐。敷草為座，請像令坐。見坐

25 此想成已，見·坐佛像，住虛空中，足下·雨花。

復見行想，入石窟中。

入已，復令石窟，作七寶山想。

此想成已，復見·佛像·踊入石壁。石壁無礙，猶如明鏡。

此想成已，如前·還想·三十二相（*dvātriṃśan mahā-puruṣa-lakṣaṇāni*）。

30 相相觀之，極令明了。

此想成已，見·諸化佛，坐大寶花，結·加趺坐，放·身光明·普照一切。一一坐佛·身毛孔中，雨·阿僧祇·諸七寶幢。一一幢頭，百、千寶幡。幡極小者，縱廣正等·如須彌山。此寶幡中，復有無數、百、千化佛。一一化佛，踊身皆入·此石窟中·佛影·臍裏。

35 此想現時，如佛心說。如是觀者，名為正觀。若異觀者，名為邪觀。

[0681b29] 佛滅度後，如·我所說·觀佛影者，是名真觀如來坐。

觀如來坐者，如·見·佛身，等·無有異，除百、千劫·生死之罪。若不能見，當入塔，觀·一切坐像。見·坐像已，懺悔障罪。

此人觀像因緣功德，彌勒出世，見·彌勒佛·初始坐於龍華樹下，結·加趺坐。見已，歡喜，三種菩提，隨願覺了。

[0681c08] 云何名觀如來·行詣拘尸那時·降諸力士？」佛告父王：「如來不久，當於彼國·入般涅槃。

5 爾時，五百力士，除·妨路石。盡力士力，不能令去。

爾時，世尊，化作沙門，以手挑石，石飛·住空中。

力士·驚怖：此石設墮，走避無所。仰看空石，皆成化佛，猶如金山·諸佛圍繞。力士·見已，心大歡喜。

10 時，化沙門，倚臥樹下，如·人晝眠。有日光明，從左脇出，如·百億日，入右脇中。一一日中，有二寶樹，有大寶床·諸佛臥上。如是光明，遍照十方·無量世界。一一世界，無量諸佛·倚臥樹下·皆有光明，從右脇入，左脇而出，如是光明·變成寶臺。

行者·悉見·十方世界·有一寶臺。此寶臺上，有一大佛，身量巨小·與十方等，倚臥臺側。

15 爾時，彼佛，左脇流水，如·琉璃珠。一一寶珠，如須彌山。一一山內，百、千臥佛。一一臥佛·出大光明，亦如上說。右脇，復出萬、億乳河，流注于下，滄滄化成百、千化花。花有化佛，臥蓮花上，各以右手·灑甘露雨，令一切眾·皆得服食。餓鬼眾生，見此相時，自然飽滿。

20 [0681c28] 爾時，空中，有妙音聲，讚·四無量心，然後分別·空無境界，無心心想·寂滅境界。作是觀者，名觀如來臥。

觀如來臥者，先當觀·臥像。見·臥像已，當作是念：『佛在世時，所以現臥。諸佛·如來，體無疲倦，但為降伏·剛強力士、及諸邪見、不善眾生，或復慈愍諸比丘故，現·右脇臥。』如來臥者，是大悲臥。欲觀佛臥，當行慈心。

25 行慈心者：緣·一切眾生，見·受苦時，不惜身分，成熟、安樂。受苦眾生，令得無患。

大悲心者：見·諸眾生·受苦惱時，如·己父母、師長、善友，生悲哀心，淚如猛雨。如是等心，名為大悲。

見·他受樂，心生歡喜，譬如·比丘得第三禪，是名為喜。

[0682a12] 捨者：一切眾生，無眾生相。

30 作是觀時，先觀自身。

地大，是眾生耶？水、火、風大，是眾生耶？色，是眾生耶？受、想、行、識，是眾生耶？空，是眾生耶？非空，是眾生耶？如，是眾生耶？非如，是眾生耶？實際，是眾生耶？非實際，是眾生耶？有為空，是眾生耶？無為空，是眾生耶？

35 如是分別解析時，不見眾生，不得眾生，無眾生想，心無所著·亦無志求。解·如是等清淨法者，名為行捨。」

[0682a20] 佛告阿難：「若有眾生，樂觀佛臥者，是則真觀清淨慈定。若有眾生，聞佛臥法，及諸比丘·隨順佛語·不壞威儀·右脇臥者，當知·是人，著·

慚愧衣，服·忍辱藥。如此比丘，現世坐禪，見·十方佛·為說大法。若不坐禪，不毀戒故，於未來世，見·十方佛。十方諸佛，為說大法。聞法，易悟，猶如·壯士屈申臂·頃，應時·即得阿羅漢道，三明、六通，具八解脫。

5 如來臥者，饒益眾生。以饒益故，名慈、悲、喜、捨。此四法者，出生諸佛，諸菩薩母。」

[0682a29] 說是語已，佛·於眾中，舉身放光，前·八萬四千，左·八萬四千，右·八萬四千，後·八萬四千，項·八萬四千。是諸毛孔，一一毛孔，一毛旋生 (*ekaika-roma-pradakṣiṇāvarta*)。一一毛端，有百、萬、億塵數蓮花。一蓮花上，無量、無數微塵化佛。諸化佛身，高顯莊嚴，如千萬、億諸須彌山。一一佛臍中，有五百、萬、億師子。一一師子，吐五百、萬、億諸供養具。一一供具，有五百、萬、億七寶花雲。一一寶花雲，有五百、萬、億諸偈頌雲。聲聲相次，猶如雨滂。

[0682b09] 爾時，如來，復更明顯·八十種好 (*aśīty anu-vyañjanāni*)，金色光明·從白臺出。一一光明，遍照十方，化成諸佛。是諸世尊，行者無數，住者無數，坐者無數，臥者無數。是諸化佛，說大慈悲，說三十七品助菩提分法，說六波羅蜜，說佛·如來十力、無畏、十八不共。

此相現時，一億諸釋，心無所著，悟無生忍。佛為授記：「於·未來世，過·算數劫，當得作佛，號三昧勝幢如來·應供·正遍知，十號具足。次第作佛，凡有一億。彼佛·出時，娑婆世界·清淨莊嚴，猶如·聖伏幢世界、光明佛剎，等·無有異。是諸菩薩·得佛道時，國土，無有毀禁、亂意、不善之名。純是菩薩。雖有聲聞，不謗大乘。」

時，諸釋子，聞佛授記，心大歡喜，各脫瓔珞，以散佛上。是諸瓔珞，當佛上住，化成花樹。一一花樹，有恒沙花。一一花上，有恒沙寶樓。一一樓中，有恒沙化佛。一一化佛，演說八萬四千諸波羅蜜。

25 [0682b26] 復有化佛，教諸聲聞·數息·安般，流光白骨·白骨流光，心淨想·心不淨想，起結使想·滅結使想，斷使支想·殺使根想。如是諸想，九百億塵數。如·數息·安般說，是名聲聞法。

[0682b29] 菩薩法者，唯有四法。何等為四？一者、晝夜六時，說罪·懺悔。二者、常修念佛，不誑眾生。三者、修六和敬，心不恚慢。四者、修行六念，如·救頭然。

[0682c04] 佛告父王：「如是等名未來世觀佛三昧，亦名分別佛身，亦名知佛色相，亦名念佛三昧 (*buddhānusmṛti-samādhi*)，亦名諸佛光明·覆護眾生。」

[0682c06] 說是語時，天、龍、夜叉·八部鬼神、十二億眾，發阿耨多羅三藐三菩提心，自發誓願：「願·於來世，常入三昧，見·佛色身，如·今·無異。」

35 [0682c10] 時，梵天王、釋提桓因、無數天子，為佛作禮，長跪、合掌，而白佛言：「世尊！我等，今者，得見·如來·色中·上色。願·當來世·濁惡眾生，繫念思惟，見·佛色身。此願不虛。我今所說、及我所見，真實·不虛。願·

令我等、及諸天眾·猶如佛身。」作是語時，自見·心中·百萬光出。一一光明，化成無量、百、千化佛。自見·己身·身真金色，猶如·難陀·等·無有異。

[0682c18] 時，諸梵天·白佛言：「如來·世雄，出現於世，必當利益一切眾生。昔弘誓願，今已得滿。不捨眾生，此語不虛故。我·自見·心想境界。未來眾生，亦當如是·想佛真身。」

[0682c21] 佛告梵天：「如汝所說，真實·不虛。未來眾生，但發是念，得無量福，身相具足，何況憶想。」

[0682c23] 佛說是語時，淨飯王·及諸釋子·比丘尼·優婆夷，同時俱起，禮佛而退。

10 [0682c25] 爾時，父王·還至宮中，為諸婁女，說·佛相·好。

千二百五十婁女，聞·佛白毫相，心生歡喜，除百、萬、億、那由他·生死之罪。

空中·有聲，告諸女言：「汝聞佛相，除諸罪咎，應發無上三菩提心。」

聞是語已，即見·空中·無量諸佛。見·諸佛已，亦皆同時·得念佛定。

15 時，諸比丘，即從坐起，敬禮佛足，繞佛七匝，却住一面。

[0683a03] 爾時，阿難·偏袒右肩，合掌·長跪，白佛言：「世尊！佛說三十二相 (*dvātriṃśan mahā-puruṣa-lakṣaṇāni*)。餘有一相。如來云何不顯說耶？」

[0683a05] 爾時，世尊，勅諸比丘，各令還坐。爾時，世尊，自化左右，作五百億寶山。一一寶山，有四佛坐。四佛·世尊，讚歎念佛。佛即微笑，口·五色光，舌·十四光。如此光明，化成一佛。其佛臍中，流出五水，其色各異。一一色中，有九億菩薩。一一菩薩，頂上皆有梵摩尼光。光中，皆有恒沙化佛。一一化佛，臍中出水，亦復如是。如是眾水，流入佛臍。是諸化佛、并化菩薩，皆入佛臍。是時，佛身·表裏俱淨，過於淨妙勝琉璃珠。於佛身內，有師子座。一一師子座，如須彌山。一座上，有一如來，九十億菩薩·以為侍者。是諸菩薩，頂上諸佛，如須彌山。如是十方無量諸佛·臍中出水，皆與水俱，來入釋迦文佛臍。時，諸佛不大，釋迦不小。釋迦不大，諸佛不小。釋迦文佛·身內心中，有無量佛。一一佛，不相障翳。舉身毛孔，說·念佛法。

時，諸化佛，各申右手，摩阿難頂：「汝今善持觀佛三昧 (*buddha-dhyāna-samādhi*)，莫使忘失，一心憶念，為未來眾生·開·光明目。」

30 作是語時，過去七佛像，住立空中，各申右手，摩阿難頂，囑累是事。

時，虛空中，有無數光。一一光中，有無數化佛，異口同音，囑累斯法。

觀馬王藏品第七

[0683b06] 佛告阿難：「未來眾生，云何當觀如來陰馬藏相 (*kośôpagata-vastiguhyā*)？陰馬藏相者：我在家時，耶輸陀羅·及五百侍女，咸作是念：『太子生世，多諸奇特。唯有一事，於我有疑。』」

嫖女眾中，有一女子，名修曼那，即白妃言：『太子者，神人也。《毘陀經》說：若有神人，質性清淨，以梵行故，身根平滿。太子，今者，似梵行人，納妃多載。其諸嫖女，奉事歷年。不見身根，況有世事。』

5 復有一女，名曰淨意，白言：『大家！我事太子，經十八年，未見太子有便利患，況有諸欲。』

爾時，諸女，各各異說，皆謂·太子是不能男。

太子，晝寢，皆聞·諸女·欲見·太子·陰馬藏相 (*kośôpagata-vasti-guhya*)。

10 是時，太子，誓願力故，應·諸女人，安徐轉身，內衣被發，見·金色身 (*suvarṇa-varṇa-saṅkāśa*)，光明晃耀，雙膝暫開，咸覩·聖體·平如滿月，有金色光·猶如日輪。

諸女，歡喜：『如此神人，實可敬愛，但於·我等世情·望絕。』作是語已，悲泣兩淚。

爾時，太子，於其根處，出·白蓮華，其色紅白，上一下二，三華相連。

15 諸女·見已，復相謂言：『如此神人，有蓮華相。此人云何心有染著？』作是語已，噎不能言。

是時，華中，忽有身根，如·童子形。

諸女·見已，更相謂言：『太子，今者，現奇特事，忽有身根，如是漸漸如丈夫形。』諸女，見此，滿已情願，不勝悅喜。

20 [0683b28] 現此相時，羅睺羅·母，見·彼身根，花花相次，如·天劫貝。一一花上，乃有無數大身菩薩，手執白花·圍繞身根。現已，還沒，如·前日輪。此名菩薩陰馬藏相 (*kośôpagata-vasti-guhya*)。如來，今者，成菩提道，是·大丈夫，具·男子身。復當為汝·顯現男相。」

[0683c04] 佛告阿難：「汝，未出家時，摩偷羅王·有一乳母，名頭牟婆，乳養彼王，經十五載。

25 王既長大。合掌、長跪，從王求願，白言：『大王！我雖卑賤，乳養大王，勤劬歷年。伏惟大王乞賜一願。』

王白：『乳母！欲求何等？』

乳母即言：『在王宮中，如·功德天，一切無乏。唯闕一事，所謂·女人情願所幸。』

30 王白乳母：『當以乳母，配一大臣，義同伉儷。』

乳母不願，白言：『大王！貴人多事，非我所樂。願·勅國內一切男子，十五已上，三十已還，皆悉從我。若能來者，我施彼人一大金錢。形醜陋者，當施銀錢。』

35 時，彼國王，報乳母恩，造一高樓，宣令國內·勅諸男子：『如上所願，皆悉來集。』

經歷年歲，乳母衰老，多招諸女·遂有五百。一一女人，復買諸婢，種種莊飾·數滿八千。

[0683c17] 時，彼國王，遭疾崩亡。太子紹位。智臣白言：『先王報恩，恣此老婢，令王國土·如·姪女村，損辱國望，實自不少。用此何為？宜時·擯徙。』白已·出外，焚燒高樓，驅逐諸女。

5 [0683c21] 諸女惶怖，詣舍衛國。既到舍衛，於四衢道，造立姪舍，作妖·如前。

舍衛大國·多諸人眾，湊·諸女家，經一宿者，輸金錢二百。

國有長者，名如閻達，積財百億。長者有子，名曰華德。兄弟三人，遊蕩無度，競奔姪舍。始初一往，各各皆輸金錢十五。日日夜夜，恒輸金錢，過倍常人，經一月中，一藏金盡。

10 其父·長者，案行·諸藏，見·一藏·空，問·守藏者：『此藏中金，為何所在？』

典藏白言：『大家！諸子·日日持金，往·姪女舍。若不制止，用金當盡。』

長者聞已，椎胸大哭：『嗚呼！賊子。破我家居。』手執大杖，打兒母頭。

其婦號哭：『嗚呼！賊子。生兒無益，偷金藏盡。父·無訓範，素·不嚴勅。

15 見打，何為？』

長者·瞋恚，號哭，詣王，腹拍王前，白言：『大王！國內荒亂，摩偷羅國·諸羅剎女，來住此城，破我家業。』

王語長者：『汝甚大富，金藏猶盡，況·餘凡下·寧不困耶。』

長者白王：『唯願·大王！速誅惡人。』

20 王告長者：『吾·受佛戒，猶不傷蟻，況欲殺人。』

長者聞此，舉手拍頭，白言：『大王！臣聞·王者誅罰惡人，為國除患，當有何罪？今日，大王與惡為伴，縱·諸姪女·壞亂正法。國荒、民窮，戒將安存？』

[0684a13] 王告長者：『如來·出世，多所調伏。鴛掘摩羅·氣噓·旃陀羅，大力鬼王、羅剎、魁膾，一切皆化。今當詣佛，啟白此事。卿可小忍。』安慰臣已，駕乘名象，與諸侍從，往詣祇洹，為佛作禮，繞佛三匝，合掌、長跪，白言：『世尊！摩偷羅國·諸姪女等，今來此間，惑諸年少。願·佛化之。』

佛告大王：『却後七日，佛·自知之。』

時，波斯匿王，禮佛而退。

30 [0684a21] 佛告摩訶迦葉：『汝往須達大長者家，可白檀越：「却後七日，佛詣試場，化·諸姪女。」』

須達聞已，歡喜踊躍，辦諸供具，作七寶華·高十一丈，置佛坐處，懸諸繒蓋，香汁灑地。

其日已至，王·擊金鼓，令·諸國內·諸論議師·皆詣試場。

須達長者·請諸比丘、比丘尼、優婆塞、優婆夷，一切皆集，當設供養。

35 明日時到，王與諸人，詣論議場，長者·如閻達，遣·旃陀羅，喚·諸姪女。須達長者，亦白時到。

是時，如來，勅千二百五十比丘：『汝，諸比丘！各隨定意，現大神通。』

上座·橋陳如，與四比丘，化作一窟，大如香山，百、千蓮華。一一華上，有五比丘，結·加趺坐，身·出金光，令身金色，端嚴可愛，猶如彌勒。

復有化人，作十八變。一一變中，有十八比丘，作十八變，神通可觀。中，有入三昧者。中，有經行者，光明迴旋，猶如金山，生諸寶華。比丘在窟，身心不散，飛到試場，坐於上位。

鬱毘迦葉，踊身空中，化作六龍，蟠身相結，為比丘座。在其座上，作十八變，飛至試場。

伽耶、那提，兄弟二人，踊身虛空，化作大石窟，入火光定，作十八變，飛至試場。

10 大德·摩訶迦葉，著·千納衣，手擎鉢盂，執持威儀，足步虛空。步步之中，化一寶樹。一一樹下，有化迦葉，經行林中，作十八變，亦至試場。

大智·舍利弗，踊身空中，作十八變。身上·出千日，光明赫奕，不相障蔽。身下·出千月，如秋滿月，團圓可愛。作十八變，飛至試場。

15 大目犍連，踊身空中，化作八萬四千師子座。一一師子，閉目伏地，白如雪山。大目犍連，坐其背上，作十八變，飛至試場。

尊者·優波離，踊身空中。於虛空中，敷·尼師檀，結·加趺坐，入慈三昧，身諸毛孔·流出金光。作十八變，飛至試場。

大迦旃延，踊身空中，化作十五摩醯首羅。一一天子，乘一牛王。頭上生華。大迦旃延，處此華座，作十八變，飛至試場。

20 須菩提，踊身空中，冥然·不現，但聞語聲，說如是偈：

『一切法·如性，無我、無眾生，亦無婬欲想，當復教化誰？

諸法·本無性，亦無名字相；愛著故·起欲，當復教化誰？』

[0684c02] 說是語已，作十八變，飛至試場。

時，阿那律踊身空中，化萬梵王，作諸梵宮。比丘處中，作十八變，飛至試場。

25 羅睺羅、難陀，時，二比丘，踊身空中，化作寶樓。比丘處中，入深禪定，作十八變，飛至試場。

如是千二百五十比丘，各現異變，亦作十八種神通，飛至試場。

30 [0684c07] 爾時，世尊，獨將阿難，持尼師檀，手執澡罐。世尊在前，阿難在後。從佛鉢盂中，有六蓮華。一一蓮華，放金色光，照舍衛國，令作金色。澡罐水中，有大金幢。其金幢頭，有五百光。一一光明，化千化佛，三十二相（*dvātriṃśan mahā-puruṣa-lakṣaṇāni*）·皆悉具足，足步虛空，飛至試場。

波斯匿王及諸大眾，散華、燒香，為佛作禮。百、千天樂，不鼓自鳴，歌詠如來無量功德。波斯匿王，長跪、合掌，勸請如來，令化婬女。

35 佛坐華座，為諸大眾，略說苦、空、無常、諸波羅蜜。諸女不受。

[0684c17] 時，女眾中，有一婬女名曰：可愛，告諸女言：『沙門瞿曇！本性無欲，人言·不男，故於眾中，演說苦、空，毀·欲·不淨。若有身分·皆具

足者，於大眾中，應去慚愧，如·尼捷子，出身·示我。審有此相，我等歸伏為其弟子。若無此相，虛說不淨，此無根人·性自無欲，云何·不說欲為不淨？』

說是語已，如來爾時·化作一象，如轉輪聖王象寶。時，象脚間·出一白華，猶如象支，漸漸跂地。

5 諸女見已，歡喜大笑，各相謂言：『沙門善幻，乃化作此。』

佛復化作一馬王像，出馬王藏，如琉璃筒，下垂至膝。

諸女見已，彌言是幻。

末利夫人見此化相，白諸比丘尼、及優婆夷：『我等諸女，宜各退還。姪女所說，不可聽聞。世尊大慈，今欲化之，必作異變。我等宜避。』禮佛而退。

10 [0685a03] 佛勅阿難：『汝告波斯匿王、及諸比丘，各自遊戲。』

波斯匿王白諸大德：『如來大慈，欲化姪女。我等，今者，宜各遠去。』作是語已，却行而退。

唯此千二百五十比丘，侍立佛後。

佛告憍陳如：『將汝徒眾，經行林中。』

15 五百比丘·大智舍利弗為眾上首，猶故合掌、侍佛左右。

佛告舍利弗：『汝亦隨意·與諸論師·論講所宜。』

五百比丘，隨舍利弗後，至華林中，為波斯匿王，更說四諦。唯阿難在。

佛告阿難：『汝留坐具，汝亦宜去。』作是語已，是時，世尊，獨往女所。

[0685a12] 是時，諸女見·佛獨在，高聲大笑，白言：『沙門！汝今為有身分不耶？』

佛言：『我具男身，是大丈夫。』

諸女聞已，掩口而笑。

爾時，世尊，敷尼師檀。金剛地神，化作金床，七寶為脚·在坐具下。佛坐其上，樛·僧伽梨，披·僧祇支，示胸卍字（*sv-asti-ka; śrī-vatsa*），令女見之。

25 諸女見字，如百、千男子·年皆盛壯，顏貌奇特，甚適女意。

佛復披·泥洹僧，見·佛身體·泯然平滿，有金色光·猶如千日。

諸女見已，皆言：『瞿曇是無根人。』

佛聞此語，如馬王法，漸漸出現·初出之時，猶如·八歲童子身根。漸漸長大，如少年形。

30 諸女見已，皆悉歡喜。

時，陰馬藏·漸漸長大，如蓮花幢。一一層間，有百億蓮華。一一蓮華，有百億寶色。一一色中，有百億化佛。一一化佛，百億菩薩，無量大眾·以為侍者。

時，諸化佛·異口同音，毀·諸女人·惡欲過患，而說偈言：

『若有諸男子，年皆十五六，盛壯、多力勢，數滿恒河沙，

35 持以供給女，不滿須臾意。』

[0685b02] 時，諸女人·聞此語已，心懷慚愧，懊懣躄地，舉手拍頭，而作是言：『嗚呼！惡欲，乃令諸佛·說如此事。我等·懷惡，心著穢欲，不知為患，乃令諸佛·聞如此弊，猶如·盛火焚燒我等。』

說是語時，見·虛空中·一切化佛，廣為諸女·說不淨觀，所謂：九想、十想、三十想、數息安般。

諸女·聞說不淨觀，法樂、禪定樂；不樂愛欲。

[0685b08] 爾時，世尊，還攝身光，端坐金床。大眾雲集，還到佛所。

5 波斯匿王白言：『世尊！如來·出世，多所利益，乃於此處，現大光明，況·餘身分·無量功德。』

一切諸天，在虛空中，亦讚如來百、千梵行：『如來梵行，乃得如此·勝陰馬藏 (*kośôpagata-vasti-guhya*)，沒·無處所，顯出·金華，化佛無數，是持戒·報·功德巍巍。』

10 時，諸女人·聞此說已，四千女等·發阿耨多羅三藐三菩提心。二千女人·遠塵離垢，得法眼淨。二千女人·於未來世，過十二劫，次第當得辟支佛道。

[0685b17] 長者·如閻達，見·佛現化惡魔女人，讚言：『善哉，善哉。如來·昔者·破波旬軍，今·化諸女，與本無異。此相現時，無量諸天·發菩提心。』

15 波斯匿王所將士眾，有五百人，求佛出家，鬚髮自落，身所著衣，變成袈裟，應時·即得阿羅漢道。

是時，大眾見·馬王藏·心歡喜者，除五十億劫·生死之罪，禮佛而退。」

[0685b24] 佛告阿難：「我·昔·夏安居時，波羅[木*奈]國，有一姪樓。樓上有女，名曰妙意，昔日·於佛有重因緣。我·與難陀、及將汝，往此姪女舍·日日乞食。

20 此女·於我，不曾恭敬。於難陀所，偏生愛著。

已經七日，女·心念言：『沙門瞿曇若能遣弟難陀、阿難，從我願言，我當種種供養沙門。』

佛告阿難、難陀：『汝從今日，莫往彼村。』

25 世尊自獨·執鉢而行，至女樓所，一日至三日，放金色光，化諸天人。此女不悟。

後日，世尊復將阿難、難陀，在樓下行。

姪女·愛敬二比丘故，遙以眾華，散佛及二比丘。

阿難告言：『汝可禮佛？』

女愛阿難，應時作禮。

30 [0685c06] 爾時，世尊，化·三童子，年皆十五·面貌端正，勝·諸世間一切人類。

此女見已，身心歡喜，為·化年少，五體投地，敬禮年少，白言：『丈夫！我今此舍，如·功德天，福力自在，眾寶莊嚴。我今以身、及與奴婢，奉上丈夫，可備灑掃。若能顧納·隨我所願，一切供給，無所愛惜。』

35 作是語已，化人·坐床。

未及食頃，女·前親近，白言：『丈夫！願遂我意。』

化人·不違，隨己所欲，即附近已。一日一夜·心不疲厭。至二日時，愛心漸息。至三日時，白言：『丈夫！可起飲食？』化人即起，纏綿不已。

女·生厭悔，自言：『丈夫！異人乃爾。』

化人告言：『我先世法，凡與女通，經十二日，爾乃休息。』

女聞此語，如·人食噎，既不得吐，又不得咽，身體苦痛，如·被杵擣。至四日時，如·被車轢。至五日時，如·鐵丸入體。至六日時，支節悉痛，如·箭入心。

女作念言：『我·聞人說·迦毘羅城·淨飯王·子，身紫金色，三十二相（*dvātriṃśan mahā-puruṣa-lakṣaṇāni*），愍諸盲冥，救濟苦人，恒在此城·常行福慶，放金色光·濟一切人。今日·何故不來救我？』作是念已，懊惱自責：『我從今日，乃至壽終，終不貪色。寧·與虎、狼、師子、惡獸·同處一穴，不貪色欲·受此苦惱。』作是語已，復起飯食。行坐共俱，無奈之何。

化人亦瞋：『咄！弊惡女！廢我事業。我今共汝·合體一處，不如早死。父母宗親·若來覓我，於何自藏？我寧·經死·不堪受恥。』

女言：『弊物！我不用。爾欲死，隨意。』

[0686a03] 是時，化人·取刀，刺頸，血流滂沱，塗污女身，萎沓在地。女·不能勝，亦不得免。死經二日，青瘀臭黑。三日，臃脹。四日，爛潰，大小便利、及諸惡虫、逆血、諸膿·塗漫女身。女·極惡厭，而不得離。至五日時，皮肉漸爛。至六日時，肉落都盡。至七日時，唯有臭骨，如膠如漆，粘著女身。

女發誓願：『若諸天神、及與仙人、淨飯王子·能免我苦，我持此舍一切珍寶，以用給施。』

20 作是念時，佛將阿難、難陀。帝釋在前，擎·寶香爐，燒·無價香。梵王在後，擎·大寶蓋，無量諸天·鼓天妓樂。

佛·放常光，明耀天地，一切大眾·皆見。如來·詣此女樓。

時，女·見·佛，心懷慚愧，藏骨無處，取諸白[疊*毛]·無量眾香·纏裹臭骨，臭勢如故·不可覆藏。女·見·世尊，為佛作禮，以慚愧故，身映骨上，臭骨·忽然在女背上。女·極慚愧，流淚而言：『如來功德、慈悲無量。若能令我離此苦者，願為弟子，心終不退。』

佛神力故，臭骨不現。

女大歡喜，為佛作禮，白佛言：『世尊！我今所珍一切施佛。』

30 佛為呪願，梵音流暢。女聞呪願，心大歡喜，應時·即得須陀洹道。五百侍女，聞佛音聲，皆發無上菩提道心。無量梵眾，見·佛神變，得無生忍。帝釋所將諸天子等，有發菩提心者，有得阿那含者。」

[0686a26] 佛告阿難：「我昔初成道時，伽耶城邊住。熙連河側，有五尼捷。第一尼捷，名薩闍多，五百徒眾。餘四，各有二百五十弟子。

時，諸尼捷自稱得道，來至我所。以其身根·繞身七匝，來至我所，敷草而坐，即作是語：『瞿曇！我無欲故，梵行相·成。我之身根，乃能如此，如·自在天。我今神通，過踰沙門·百、千、萬倍。沙門作一，我當作二。』即於地中，化作一樹。以其身根，絞繞著樹，滿七匝已，令樹雲霧，如·龍王氣，高聲大喚，舉手唱言：『瞿曇！我梵行相，事驗如此。汝稱男子，言大丈夫，以何為證？』

[0686b07] 爾時，世尊，化作寶枷。寶枷兩頭，有十四珠。一一明珠，有千光明。一一光明，化成化佛，作十八變，住立空中。世尊現化，倒住空中，脚在枷上。時，佛二足·出千蓮華。一一蓮華，萬、億光明。一一光中，有百億寶臺。一一臺中，無數化佛。一一化佛，各攝一脚，猶如卷琉璃，令脚不現。一切化佛及釋迦文，悉懸一脚，倒住空中。唯·諸尼捷·見·佛倒住。無量天龍八部鬼神，見佛·世尊·安坐講堂，敷演大法，所謂：無相、無我等法。

[0686b17] 時，空有聲，告諸尼捷：『佛已作一。汝可作二。』

時，諸尼捷·即自騰擲，手搏樹枝，抱樹而立，盡尼捷術·不能倒立。

樹神現身，手搏其耳，罵言：『狂人！汝如小虫，敢與獸王師子共戰。汝向大喚：「佛若作一，我當作二。」佛今已住大神通力，汝何不為？』

樹神罵已，地神堅牢·即從地出，住立空中，以大鐵鎖，鎖·尼捷脚，倒懸空中。有五夜叉，以杖撻之。

尼捷·痛急，自掣墜地。未至地頃，有一尼捷，稱·南無佛。

世尊以手，接取尼捷，令身不痛。

時，諸尼捷，既至地已，妬心不歇，語地神言：『汝無慈心，偏為瞿曇。汝宿罪故，受夜叉身，在此地下。今日復更無慈普愛，但為瞿曇·困苦我等。』

時，恒河神，飛住空中，手執大石，告言：『尼捷！如汝癡人，服食牛糞，石灰塗頭，令髮禿落，裸形無恥，猶如驢馬，亦如貧龍，不能潤益。如來·佛日，普照一切，汝今云何持黑闇身與日爭光？』爾時，水神唱是語已，勸請世尊·伏諸尼捷。

[0686c05] 爾時，世尊，告諸尼捷：『汝等，不知如來身分。若欲見者，隨意觀之。如來·積劫修行梵行，在家之時，無邪欲想，心不染累，故得斯報，猶如寶馬·隱顯無常。今當為汝，少現身分。』

爾時，世尊，從空而下，即於地上，化作四水，如四大海。四海之中，有須彌山。佛在山下，正身仰臥，放金色光。其光晃耀，映諸天目，徐出馬藏，繞山七匝，如金蓮華。華華相次，上至梵世。從佛身出一億、那由他·雜寶蓮華，猶如華幢，覆蔽馬藏。此蓮華幢，有十億層。層有百、千無量化佛。一一化佛，百億菩薩、無數比丘·以為侍者。化佛放光，照十方界。

尼捷見已，大驚心伏：『佛·梵行相，乃至如此不可思議，形不醜惡·猶如蓮華。我今頂禮佛功德海。佛智無邊·不可窮盡，受我懺悔，攝取我等。』

作此語已，五百尼捷，合掌、叉手，長跪在地，求佛出家。

佛言：『善來。比丘！』

佛勅迦葉·為辦衣服。

迦葉·爾時，至仙人所，告大仙人：『今日世尊伏諸尼捷。唯願·仙士！施少衣裳。』

時，諸仙人，取好樹皮，多羅樹葉·裁縫為衣。時，諸仙人師，名曰光目，合掌、叉手，告諸弟子：『佛·德無量，弘誓周普，乃攝受此·著邪見人。我宜辦衣，給裸形者，亦敬佛寶·可脫諸苦。』

說是語已，從迦葉後，至世尊所。五百仙人，見·蓮華臺·從佛身出，如眾蓮華·圍繞須彌·上至梵世。時，諸仙人，見此事已，歡喜、合掌，敬禮世尊。諦觀世尊，目不暫捨，見·佛·眉間白毫相光·右旋宛轉，及見·佛身·一切眾相，作是思惟：『此相、好者，必從·前世·無縛、無著、無我、無作、無心、無識、無人、無物、無施、無受、清淨·檀波羅蜜·生，亦隨·一切平等無相、大智空慧·般若波羅蜜·生。』思是義已，應時·即逮無生法忍。

五百尼捷，著·僧伽梨，為佛作禮，未舉頭頃，應時·即得阿羅漢道，三明、六通，具八解脫。一一尼捷，誓願當度。五百尼捷·現此相時，無量諸天、龍、夜叉眾，見·佛·梵行清淨·果報，身心歡喜，發阿耨多羅三藐三菩提心。」

10 [0687a12] 佛告阿難：「佛滅度後，天眾、龍眾、夜叉眾、沙門眾、婆羅門眾，問佛·世尊·過去世時·清淨無欲·修諸梵行·得何果報？汝當答言：『佛有馬王藏相，與身平等，七合盈滿，如金剛器·中外俱淨，為度眾生·出現是相。化佛光明，妙蓮華雲·其數無量。如此身者，從無數世·無染、安隱、善持戒、慧、尸·波羅蜜生。』」

15 [0687a18] 佛勅阿難：「佛滅度後，佛·諸弟子，欲觀如來陰馬藏相（*kośôpagata-vasti-guhya*），當作是觀。如是觀者，是名正觀。若異觀者，名為邪觀。佛滅度後，佛·諸弟子，若有係心，正念思惟·佛梵行相·化佛光明者，常於夢中，見·十方佛。此人，生生·恒修梵行，除却·二十萬劫·生死之罪。」

20 [0687a23] 說是相時，夜叉眾中·八千夜叉，身心歡喜，讚歎·如來無量德行，應時·即發阿耨多羅三藐三菩提心。

本行品第八

[0687b06] 佛告阿難：「如來有三十二大人相（*dvātriṃśan mahā-puruṣa-lakṣaṇāni*）、八十種隨形好（*aṣṭī anu-vyañjanāni*），金色光明。一一光明，無量化佛。身諸毛孔，一切變現，及佛色身，略中略者——我今為·此時會大眾、及淨飯王，略說相、好。

佛·生·人間，示·同人事。同人相故，說三十二。勝諸天故，說八十好。為諸菩薩，說八萬四千·諸妙相、好。佛·實·相、好。

30 我初成道，摩伽陀國·寂滅道場，為普賢、賢首等諸大菩薩，於《雜華經》，已廣分別。此尊法中·所以略說，為·諸凡夫、及四部弟子，謗·方等經，作·五逆罪，犯·四重禁，偷·僧祇物，婬·比丘尼，破·八戒齋，作·諸惡事、種種邪見。如是等人，若能至心·一日一夜·係念在前，觀·佛·如來·一相、好者，諸惡罪障·皆悉盡滅。是故，如來，名婆伽婆，名阿羅呵，名三藐三佛陀，名功德日，名智滿月，名清涼池，名除罪珠，名光明藏，名智慧山，名戒品河，

35 名迷衢導，名邪見燈，名破煩惱賊，名一切眾生父母，名大歸依處。若有歸依佛·世尊者，若稱名者，除百、千劫·煩惱重障，何況·正心·修念佛定（*buddhānusmṛti-samādhi*）。」

[0687b25] 佛告阿難：「如來往昔·無量、無邊、阿僧祇劫，以智慧火·燒煩惱薪，修無相定，不·非時證。是故，獲得如是勝相。一一相中，無量化佛，何況多相。若能係心，觀·一毛孔，是人名為行·念佛定。以念佛故，十方諸佛常立其前，為說正法。此人，即為·能生三世諸如來·種，何況·具足念·佛色身。」

[0687c02] 如來，亦有無量法身，十力、無畏、三昧、解脫、諸神通事。如此妙處，非汝凡夫所學境界，但當深心起隨喜想。起是想已，當復係念·念·佛功德。念佛功德者，所謂：戒、定、智慧、解脫、解脫知見、金色·三十二相、八十隨形好、十力、四無所畏、十八不共法、大悲、三念處是。若有眾生，一聞佛身如上功德、相、好·光明，億億千劫·不墮惡道，不生邪見雜穢之處，常得正見·勤修不息。但聞佛名，獲如是福，何況係念·觀佛三昧。」

[0687c11] 爾時，世尊，說此語時，於虛空中，有七寶臺。一一臺上，有億寶蓋。天雨寶華，供養釋迦牟尼佛。

時，文殊師利法王子，結·加趺坐，坐寶臺中，與十億菩薩·住虛空中，讚言：「善哉，善哉。釋迦牟尼·大悲。世尊·說·佛身相，示·佛威儀，現·佛光明，顯·諸化佛，為·未來世·凡愚眾生·不見佛者，作·見佛·因。善哉。阿難！慈悲·法子！汝名歡喜。依名，定實。善持佛語，慎勿忘失。未來眾生，聞汝說者，即是見佛。思此義者，具足·見佛微妙色身。」爾時，文殊說此語已，與諸菩薩、眷屬、大眾，從空而下，敬禮佛足，繞佛七匝，却住一面。

[0687c23] 佛告文殊：「佛子！汝今在座，作此觀時，地生蓮華，縱廣正等·滿一由旬。」

文殊師利、及諸菩薩，坐蓮華上。爾時，文殊師利法王子，既已坐竟，白佛言：「世尊！我今自欲說於往昔本生因緣。唯願·世尊！加我威神。」

[0687c28] 佛告文殊：「速說，勿疑。」

[0687c28] 文殊師利告諸大眾，對尊者阿難：「阿難！當知，我念過去·無量數劫，復倍是數，不可思·算·阿僧祇劫。彼世，有佛，名寶威德如來·應供·正遍知·明行足·善逝·世間解·無上士·調御丈夫·天人師·佛·世尊。彼佛出時，眾生弊惡，與今無異·彼佛·世尊，亦長丈六，身紫金色，說三乘法，如釋迦文。」

爾時，彼國，有大長者，名一切施。長者有子，名曰戒護，在母胎時，母信敬故，豫為其子受三歸依。子既生已，年至八歲。父母請佛，於家供養。童子，見·佛·安行徐步，足下生華·有大光明。見已，歡喜，為佛作禮。禮已，諦觀，目不暫捨。一見佛已，即能除却·百、萬、億、那由他·劫·生死之罪。從是已後，恒得值遇百、億、那由他·恒河沙佛，於諸佛所殖眾德本。是諸世尊，皆說如是觀佛三昧，亦讚白毫大人相光，勸·多眾生·懺悔、係念。

[0688a15] 過是已後，復得值佛，名摩尼光多陀阿伽度·阿羅呵·三藐三佛陀。摩尼光佛，出現世時，常放光明，以作佛事，度脫人民。如是二萬佛，皆同一號，名摩尼光。時，諸世尊，皆以化佛·微妙光明，誘接眾生。次，復有佛，

名栴檀摩尼光，十號具足。如是百億佛，皆號摩尼光。是諸世尊·誓願力故，正以眉間白毫相光，覆護眾生，除滅眾罪。

5 [0688a22] 復有佛出，名栴檀海如來·應供·正遍知。如是百萬佛，皆同一字，名栴檀海。是諸世尊，以胸·德字·卍字印 (*sv-asti-ka; śrī-vatsa*)·光，化度眾生。

時，彼童子，親侍諸佛，間·無空缺，禮拜、供養，合掌·觀佛。觀佛功德·因緣力故，復得值遇百萬、阿僧祇佛。彼諸世尊，亦以身色·化度眾生。從是已後，即得百、千、億念佛三昧，得百萬、阿僧祇旋陀羅尼。既得此已，諸佛現前，說·無相法。須臾之間，得首楞嚴三昧。

10 [0688b01] 時，彼童子，受三歸依，一禮佛故，諦觀佛相，心無疲厭。由此因緣，值無數佛，何況·係念·具足思惟·觀佛色身。

時，彼童子，豈異人乎？今，我身是。」

[0688b05] 爾時，世尊，讚文殊師利言：「善哉，善哉。文殊師利！乃於昔時，一禮佛故，得值爾許無數諸佛，何況·未來·我諸弟子·勤觀佛者。」

15 [0688b07] 佛勅阿難：「汝持文殊師利語，遍告大眾、及未來世眾生，若能禮拜者，若能念佛者，若能觀佛者，當知·此人·與文殊師利·等·無有異。捨身·他世，文殊師利等諸大菩薩，為其和上。」

[0688b11] 說是語時，菩薩眾中，有一佛子，名曰財首，即從座起，繞佛七匝，恭敬禮拜，亦禮文殊師利足，以天曼陀羅華、摩訶曼陀羅華、曼殊沙華、摩訶曼殊沙華，而散佛上，及散文殊師利上，亦散尊者阿難。是諸天華，當於佛上·化為華臺。於華臺內，有十方佛，結·加趺坐。

[0688b18] 東方·善德佛，告大眾言：「汝等，當知·我念過去·無量世時，有佛·世尊，名寶威德上王如來·應·正遍知。彼佛出時，亦如今日，說三乘法。時，彼佛世，有一比丘，有九弟子，與諸弟子·往詣佛塔，禮拜佛像。見·一寶像·嚴顯可觀。既敬禮已，目諦視之，說偈讚歎。隨壽脩短，各自命終。既命終已，生於東方·寶威德上王佛·國土，在大蓮華，結·加趺坐，忽然化生。從此已後，恒得值遇無量諸佛。於諸佛所，淨修梵行，得念佛三昧海 (*buddhānusmṛti-samādhi-sāgara*)。既得此已，諸佛現前，即與授記，於十方面·隨意作佛。

東方·善德佛者，則我身是。

30 南方·栴檀德佛，西方·無量明佛，北方·相德佛，東南方·無憂德佛，西南方·寶施佛，西北方·華德佛，東北方·三乘行佛，上方·廣眾德佛，下方·明德佛，如是等·十佛·世尊，因由禮塔、一讚偈故，於十方面，得成為佛。豈異人乎？我等·十方佛·是。」

[0688c05] 時，十方佛，從空而下，放千光明，顯現色身·白毫相光，各各皆坐釋迦佛床，各伸右手，摩阿難頂，告言：「法子！汝師·和上·釋迦牟尼，百、千苦行，無數精進，求佛智慧，報得是身·光明色相。今為汝說。汝持佛語，為未來世·天、龍、大眾、比丘、比丘尼、優婆塞、優婆夷，廣說觀佛法及念佛

三昧。」說是語已，然後問訊釋迦文佛，起居安隱。既問訊已，放大光明，各還本國。

[0688c14] 時，會大眾，見·十方佛、及諸菩薩、國土大小，如·於明鏡·見·眾色像。

5 財首菩薩所散之華，當文殊上，即變化成四柱寶臺。於其臺內，有四世尊，放身光明，儼然而坐。東方·阿閼、南方·寶相、西方·無量壽、北方·微妙聲。

時，四世尊，以金蓮華，散釋迦佛。未至佛上，化為華帳，有萬、億葉。一一葉間，百、千化佛。化佛放光。光中，復有無數化佛，寶帳成已

10 四佛·世尊，從空而下，坐釋迦佛床，讚言：「善哉，善哉。釋迦牟尼！乃能為·於未來之世·濁惡眾生，說·三世佛·白毫光相，令諸眾生，得滅罪咎。所以者何？我念昔曾·空王佛所·出家學道。

時，四比丘，共為同學，習學三世諸佛正法。煩惱覆心，不能堅持佛法寶藏，多不善業，當墮惡道。

15 空中聲言：『汝，四比丘，空王如來雖復涅槃。汝之所犯，謂·無救者。汝等，今當入塔觀佛，與佛在世·等·無有異。』

我，從空聲，入塔，觀像·眉間毫相(ūrṇā-keśa)，即作是念：『如來在世·光明色身，與此何異？佛大人相，願·除我罪。』作是語已，如大山崩，五體投地，懺悔諸罪，觀佛眉間。懺悔因緣，從是已後，八十億、阿僧祇劫·不墮惡道，生生常見·十方諸佛。於諸佛所，受持甚深念佛三昧。得三昧已，諸佛現前，授我記別。

20 東方·有國，國名妙喜，彼土有佛，號曰阿閼，即第一比丘是。南方·有國，國名歡喜，佛號寶相，即第二比丘是。西方·有國，國名極樂，佛號無量壽，第三比丘是。北方·有國，國名蓮華莊嚴，佛號微妙聲，第四比丘是。」

25 [0689a12] 時，四如來，各申右手，摩阿難頂，告言：「法王子！汝持佛語，廣為未來諸眾生說。」三說此已，各放光明，還歸本國。

30 [0689a15] 財首菩薩所散諸華·住阿難上者，化成華雲，遍滿十方。一一雲間，無數化佛，各申右手，摩阿難頂，告言：「法王子！諸佛·如來·所有化身，亦如·我等，等·無有異。汝今親見，當為未來一切眾生，廣分別說，令諸眾生修行念佛。若念佛者，得見化佛，與今無異，若有眾生，聞汝所說，則為見佛，除無量罪。」

[0689a22] 爾時，財首菩薩白佛言：「世尊！我念過去·無量世時，有佛·世尊，亦名釋迦牟尼。

彼佛滅後，有一王子，名曰金幢，驕慢、邪見，不信正法。

35 知識比丘，名定自在，告王子言：『世有佛像，眾寶嚴飾，極為可愛，可暫入塔，觀·佛形像。』

時，彼王子，隨善友語，入塔觀像。見像相、好，白言：『比丘！佛像端嚴，猶尚如此，況佛真身。』

作是語已，比丘告言：『汝，今見像，若不能禮者，當稱·南無佛。』

是時，王子，合掌、恭敬，稱·南無佛。還宮，係念，念·塔中像。即於後夜，夢見佛像。見佛像故，心大歡喜，捨離邪見，歸依三寶。隨壽，命終，由·前入塔·稱·南無佛·因緣功德，恒得值遇九百、萬、億、那由他·佛。於諸佛所，常勤精進，逮得甚深念佛三昧。三昧力故，諸佛現前，為其授記。從是以來，
5 百萬、阿僧祇劫，不墮惡道。乃至今日，獲得甚深首楞嚴三昧。爾時·王子，今·我財首是也。」

如是等諸大菩薩，其數無量，各說本緣，依念佛得，如《本生經》說。

[0689b11] 爾時，世尊，告諸大眾：「我念過去·無數劫時。爾時，有佛，號栴檀窟莊嚴如來·應供·正遍知·明行足·善逝·世間解·無上士·調御丈夫·天人師·佛·世尊，十號具足，在閻浮提·諸德山中。於彼山中，出家學道，足滿七劫，成阿耨多羅三藐三菩提。
10

爾時，彼世，有二童子，多聞、無厭，遊行國界，問諸婆羅門。

時，有一婆羅門，名牢度叉伽，告言：『童子！世間有佛，名栴檀窟。汝等·二人，可詣彼所，求論義法。』
15

時，二童子，長者，名為一切喜見。第二童子，名勇猛鎧。共詣佛所，各持天華，共散如來。

爾時，世尊，寂然禪定，入三昧王三昧，身心不動，普現·一切諸佛色身，光明無數，如般若波羅蜜說。

時，二童子，見佛色身，及見光明，即時·超越那由他·恒河沙、阿僧祇劫·生死之罪，恒得值遇無量、無數、百、千諸佛。於諸佛所，修行甚深念佛三昧，現前得見·十方諸佛，為其演說·不退法輪。
20

爾時·第一童子，豈異人乎？今·彌勒菩薩是。第二童子，今·我釋迦牟尼是。我與賢劫諸菩薩，曾於過去栴檀窟佛所，聞是·諸佛色身變化·觀佛三昧海。以是因緣功德力故，超越九百、萬、億阿僧祇劫·生死之罪。於此賢劫，次第成佛。最後·樓至如來，亦於此處，說·觀佛三昧。」
25

[0689c05] 佛告阿難：「此觀佛三昧，是一切眾生·犯罪者·藥，破戒者·護，失道者·導，盲冥者·眼，愚癡者·慧，黑闇者·燈，煩惱賊中·是·勇健將，諸佛·世尊·之所遊戲，首楞嚴等諸大三昧·始出生處。」

[0689c09] 佛告阿難：「汝今善持，慎勿忘失。過去、未來、三世諸佛，是諸世尊，皆說·如是念佛三昧。我與賢劫諸大菩薩，因是念佛三昧力故，得一切智，威神自在。如是十方無量諸佛，皆由此法，成三菩提。」
30

[0689c14] 爾時，尊者阿難，佛神力故，自識宿命·無數劫事，白佛言：「世尊！我念過去·無數億劫，有佛·世尊，名日月燈明，十號具足。我於彼世，見·佛如來放大光明。其光，遍照十方世界，皆作金色。一一光中，有諸化佛。我見是已，身心歡喜，稱·南無佛。從是以來，常得值遇百、千諸佛，聞佛說法，猶如·瀉水·置之異器，憶持不忘。是故，我今得見世尊，親自供侍。」作是語已，說諸偈頌，讚歎·諸佛微妙色身。
35

[0689c22] 爾時，空中，有無數佛，皆現光明。身身毛孔中，所出化佛，如釋迦文，皆告阿難言：「法子！汝今持是觀佛三昧，廣為一切大眾，分別，令諸凡夫，種見佛因。」說是語已，化佛不現。

[0689c26] 爾時，世尊，為囑累此事故，住立空中，威儀自在，作十八變，顯一切光，告阿難言：「若有眾生，欲觀佛者，當如此觀。」

佛說此語時，十二億天子，得念佛三昧，現前受記。

觀像品第九

[0690a03] 爾時，會中，有菩薩摩訶薩，名曰彌勒，即從座起，偏袒右肩，頂禮佛足，脫身瓔珞，奉上如來，以真珠華，散佛世尊、及文殊師利。所散瓔珞，自然踊住於虛空中，化成八萬、億寶臺。一一臺中，有百億釋迦文佛，皆放光明，普現色身。山林、河海一切眾生，所有妙色，星宿、日月、諸須彌山，諸天、龍神、及諸宮殿，亦於中現。五通神仙，百億呪術，九十五種，諸邪見道，醫方、技藝、工巧、文詠，皆於一毛，顯現此事。世間邪見、穢欲眾生，所希見者，亦於光明，悉自踊出。地獄、畜生、諸阿修羅，八難、四倒，諸不祥事，受報好醜，亦於此相，自得覺知。所散珠華，住佛上者，化作百億白色光明。住文殊上者，化作百、千、億微妙色光。此諸光明，互相交絡，如大龍王，蟠身相向。一一光中，五億寶光，如僧伽梨，割截分明，以金色光，縫持令住。縷出入處，生四寶華。一一華中，賢劫菩薩，結加趺坐。十方諸佛、及諸化佛，坐寶蓮華，為此賢劫諸大菩薩，說般舟甚深三昧，亦讚觀佛最初因緣，惟無三昧，念佛境界，金剛譬定。

說是法已，是諸如來，各申右手，摩阿難頂，告言：「法子！汝今應當善持佛語，慎勿忘失。」

爾時，彌勒菩薩白佛言：「世尊！惟願天尊！大慈大悲，憐愍一切未來世中，多有眾生造不善業，佛不現在，何所依怙，可除罪咎？」

[0690a27] 佛告彌勒：「阿逸多！諦聽，諦聽，善思念之。如來滅後，多有眾生，以不見佛，作諸惡法。如是等人，當令觀像。若觀像者，與觀我身，等無有異。」

說是語時，空中，有華，十方諸佛，住立空中，叉手、合掌，讚言：「善哉。佛子！善問此事。惟釋迦文，救世苦者，為諸末後，盲冥眾生，說觀像法。今正是時，慎勿疑慮。」

彌勒菩薩，重更懇勸，勸請世尊，說觀像法。

[0690b06] 爾時，世尊，放常光明，照尼拘樓陀精舍、及十方國，皆作金色。佛神力故，令金色地，分為二分。一分中，五百億佛，從下方界，皆自踊出，住立空中，合掌、讚歎彌勒菩薩摩訶薩，言：「善哉。佛子！乃能憐愍未來眾生，生末法者，勸請世尊說觀像相。」

時，諸化佛，說此語已，踊身虛空，作十八變。

釋迦文佛，即自微笑。笑時，口中生大蓮華。其華，有光，如·合百億日月星宿。眾宿月間，百億化佛，結·加趺坐，坐師子床。

[0690b15] 爾時，釋迦文佛告彌勒菩薩言：「諦聽，諦聽，善思念之。如來，今者，為未來世·五苦眾生、犯禁比丘、不善惡人、五逆誹謗、行十六種惡律儀者，為如是等，說除罪法。」

[0690b18] 爾時，阿難白佛：「世尊！佛涅槃後，此等愚人，無依、無怙、無歸依處，云何·如來說除罪法？」

[0690b21] 佛告阿難：「汝，於佛法，心·未具解。如·我在世·歸依我者，名歸依佛，名歸依法，名歸依僧。佛滅度後，濁惡世中，諸眾生等，欲除罪咎，欲於現世得須陀洹、至阿羅漢，欲發三菩提心，欲解十二因緣，當勤修習觀佛三昧。」

[0690b25] 阿難白佛言：「世尊！如來在世，眾生現見，觀·佛相、好，觀·佛光明，尚不了了，況·佛滅後，佛不現在，當云何觀？」

[0690c01] 佛告阿難：「佛滅度後，現前無佛，當觀佛像。」

15 觀佛像者，若比丘、比丘尼、優婆塞、優婆夷、天龍八部、一切眾生，欲觀像者，先入佛塔，以好香泥、及諸瓦土·塗地，令淨。隨其力能，燒香、散華，供養佛像。說已過惡，禮佛、懺悔。如是伏心，經一七日。

20 復至眾中，塗掃僧地，除·諸糞穢，向僧懺悔，禮·眾僧足，復經七日。如是供養，心不疲厭。若出家人，應·誦毘尼，極令通利。若在家人，孝養父母，恭敬師長，調心令軟。

心若不軟，當強折伏，令心調順，如·調象馬，不令失御。

心柔順已，住於靖處，燒眾名香，禮·釋迦文，而作是言：『南無·大德。我·大和上·應·正遍知·大悲世尊。願·以慈雲，覆護弟子。』作是語已，五體投地，泣淚像前。

25 從地而起，齊整衣服，結·加趺坐，繫念一處。隨·前眾生，繫心鼻端，繫心額上，繫心足指。如是種種隨意繫念，專置一處，勿令，馳散使心動搖。心若動搖，舉舌，拄腭，閉口、閉目，叉手端坐。一日至七日，令身安隱。身安隱已，然後想像。

[0690c20] 樂逆觀者：從像·足指，次第仰觀。

30 初，觀·足指，繫心令專。緣·佛足指，經一七日。閉目、開目，令了了見·金像·足指。

漸次，復觀·兩足趺上 (*ucchaṅkha-pāda*)，令了了見。

次·觀鹿王踰 (或[蹲-酋+(十/田/厶)]) (*eṇī-jaṅgha; eṇeya-jaṅgha; aiṇeya-jaṅgha*)。

35 心既專已，次第至髻 (*uṣṇīṣa-śiraskatā*)。

從髻，觀面。若不明了，復更懺悔，倍自苦策。以戒淨故，見佛像面，如真金鏡·了了分明。

作是觀已，觀眉間毫（*ūrṇā-keśa*），如·頗梨珠·右旋宛轉。此相現時，見佛·眉、眼，如·天畫師之所畫作。

見是事已，次·觀頂光，令分明了。

如是眾相，名為逆觀。

- 5 [0690c29] 順觀像者：從頂上·諸蠡文（*kuṇḍalaka*）間，一一蠡文（*kuṇḍalaka*），繫心·諦觀，令心了了。見·佛蠡文（*kuṇḍalaka*），猶如黑絲，右旋宛轉。
次·觀佛面。

觀佛面已，具足觀身，漸下至足。如是往返，凡十四遍。

諦觀一像，極令了了。觀一·成已，出定、入定，恒見·立像·在行者前。

- 10 見一·了了。復想二像。見二像已，次想三像。乃至想十，皆令了了。

見十像已，想·一室內，滿中·佛像，間·無空缺。

滿一室已，復更精進，燒香、散華，掃塔、塗地，澡浴眾僧，為·父母、師長·案摩調身、洗浴身體、上塗足油。四方乞食·得好美者，先上師長，分奉父母。

- 15 作是行已，發大誓願：『我今觀佛，以此功德，不願人、天、聲聞、緣覺，正欲專求佛菩提道。』

發是願已，若實至心求大乘者，當行懺悔。

行懺悔已，次行請佛。

行請佛已，次行隨喜。

- 20 行隨喜已，次行迴向。

行迴向已，次行發願。

行發願已，正身端坐，繫念在前，觀·佛境界·令漸廣大。一僧坊中，滿中·佛像。方身丈六，足下蓮華，圓光一尋，及通身光·摩尼焰相，及眾化佛、化佛侍者·光明、眾色，皆令了了。

- 25 一僧坊已，令心復廣，一頃地中，滿中·佛像。此想成已，心得安隱，身體悅樂。若行、若止，心想·利故，見·一頃地，滿中·佛像。香華·供具、及諸幢幡，皆隨像行。以心利故，左右、前後，盡見像行。

心漸廣大，見·百頃地·滿中·佛像。開目、閉目，皆令心想。想想不絕，心心相續，如·渴思飲。

- 30 此想成已，見·一由旬·滿中·佛像。

漸增廣遠，滿百由旬，見·一切像·三十二相（*dvātriṃśan mahā-puruṣa-lakṣaṇāni*）、八十隨形好（*aśīty anu-vyañjanāni*），皆悉炳然。

此想成已，想一閻浮提·八千由旬，滿中·佛像。

此想成已，次想東方·弗婆提界·八千六十由旬，滿中·佛像。

- 35 此想成已，復想西方·瞿耶尼界·廣八千九百由旬，滿中·佛像。

此想成已，復觀北方·鬱單越界·一萬六千由旬，滿中·佛像。

此想成已，復更廣遠，見百閻浮提，滿中·佛像。

此想成已，見百億四天下，滿中·佛像。

此想成已，唯除·食時，除·便轉時，一切時中，恒見佛像。虛空、及地，滿中·佛像。像像相次，間·無空缺。

念想成已，身心歡喜，倍加精進，頂戴恭敬十二部經。於說法者，起大師想。於佛、法、僧，起父母想。令心調柔，不起瞋想。設瞋恚時，當於般若波羅蜜前，
5 五體投地，誠心懺悔，如上所說五法·次第應行。

念想成已，閉目、叉手、端坐、正受，更作遠想。滿十方界，見·一切像·身純金色·放大光明。

若有犯戒·作不善者，先身·犯戒、及以今身，見·諸佛像·或黑、或白。以懺悔故，漸見紅色。見紅色已，漸見金色。見金色已，身心歡喜，勸請諸像·
10 使放光明。起此想時，念想利故，見·一切像·舉身毛孔·皆放光明。一一光明，百億寶色。一一色中，無量雜色。微妙境界，悉自踊出。此念想成，名觀立像。」

[0691b20] 佛告阿難：「如是觀者，名為正觀。若異觀者，名為邪觀。餘相現者、別境界出，當疾除之。作是觀者，除却·六十億劫·生死之罪，亦名見佛。於未來世，心想利故，值遇·賢劫千佛·世尊·為·其和上。於佛法中，次第出家。一一佛所，見·佛身相·了了分明。聞佛說法，憶持不忘。於星宿劫·光明佛所，現前受記。鹿心觀像，尚得如是無量功德，況復·繫念觀·佛眉間白毫相光。」

說是語時，大梵天王·無量梵眾，持諸天華·奉散世尊，脫身瓔珞·以奉上佛。其華如雲，在空中住。所上瓔珞，變成金臺。於金臺中，有金色光。其光，
20 變為七佛尊像，端嚴微妙·色相悉具。

[0691c03] 蠡髻梵王，長跪、合掌，勸請世尊，而作是言：「如來大悲，慈愍眾生，願·為·來世·盲冥眾生，具足演說觀像相法，令諸眾生·依佛所說·恒得值遇諸佛·世尊，得念佛三昧。三昧力故，令諸眾生·遠離罪惡。以罪滅故，現見諸佛。」

25 [0691c07] 佛告梵王：「如是，如是。如汝所說。」

[0691c09] 爾時，世尊，復為·來世·諸眾生故，更說觀像坐法：「觀·像坐·者：至心繫念，令·前立像·生華。

此華生時，當起想念：『令·此大地·作黃金色、作七寶色。』隨想而現。一一寶色，黃金為界。一一界間，生寶蓮華。

30 作此想時，有寶蓮華·千葉具足，應想而現。

既見花已，請·諸想像，令·坐寶華。

眾像·坐時，大地自然·出大白光，如·琉璃色·白淨可愛。眾白光間，百億菩薩·白·如雪山，從·想像身毛孔中·出。一一菩薩身毛孔中，出金色光。其光如山，百、千·金色·閻浮檀金，光明赫奕，數不可知，應想而現。一一山頂，有一想像·高顯可觀，閻浮檀金色。其光大盛，照十方界，皆作金色。見·
35 地、及空·亦作金色，滿中·金像、金光、金蓋、金臺、金華、金幡。見·想菩薩·純白玉色，手執白拂，有執白華，當起想念，極令鮮白。若·餘雜想、異境

界·現，當疾除滅。若不除滅，隨逐餘想，隨他境界，喜·發風病。此念佛想，是大甘露，利益眾生。觀佛三昧，如·服良藥，利益四大。服此藥者，不老不死。」

[0691c28] 佛告阿難：「若有眾生，欲觀像坐，當如是觀。作是觀者，名為正觀。若他觀者，名為邪觀。若有眾生·觀·像坐·者，除五百億劫·生死之罪。未來，值遇賢劫千佛。過賢劫已，星宿劫中，值遇諸佛·數·滿十萬。一一佛所，受持佛語，身心安隱，終不謬亂。一一世尊，現前授記，過·算數劫，得成為佛。」

[0692a06] 爾時，世尊，告阿難言：「若有眾生，觀像坐已，當觀像行。觀·像行·者：見·十方界·滿中·像行。

虛空、及地，見·一一像·從座而起。一一像·起時，五百億寶華。一一華中，有無數光。一一光中，無數化佛·隨心想現。坐像·起立，未起中間·當動身時，眉間白毫 (*ūrṇā-keśa*)·旋舒長短，猶如·真佛放白光明，為百、千色·映飾金光。眾白光間，無數銀像·身白銀色，銀光，銀華、銀蓋、銀幡、銀臺，悉皆是銀。

時，眾金像·與銀像俱·動身欲起，諸像·臍中，各生蓮華。其蓮華中，踊出無數、百、千化佛。一一化佛，放·金色光，照·行者身。

是時，行者，入定之時，自見己身·三十六物·惡露不淨。

不淨現時，當疾除滅，而作是念：『三世諸佛，身心清淨。我，今，學·佛真淨法身。此不淨觀，從貪愛生，虛偽、不實。用此觀為？』

作是念已，當自觀身，使諸不淨，變為白玉。自見己身·如·白玉瓶，內外俱空。作是觀時，宜服酥藥，勿使身虛。

此想成時，諸像皆起，如·前立住。見·像立·時，當作想念，請像·令行。

像既行已，步步之中，生華，成蓮華臺。見·十方界·滿中·行像，供具、妓樂。諸天·大眾，恭敬、圍遶。行像，放光·照諸大眾，令作金色。銀像，放光·照諸大眾，皆作銀色。白玉菩薩，放白玉光，令諸大眾·作白玉色。雜色諸像，放雜色光，映飾其間。

此想成已，更起想念：『請·諸行像·皆令以手·悉摩我頭。』爾時，諸像，各申右手，摩·行者頭。

是時，眾像，放大光明，照行者身。光照身時，行者，自見·身黃金色。

此想成已·出定，歡喜。復更至心·禮敬諸佛，修諸功德。以是功德，迴向菩提。

[0692b06] 爾時，復當更起想念：『我今想，見·眾多金像，行、坐隨意。未見神通。』起心、作想，請·諸行像、及菩薩像·作十八變。應念，即作十八種變。見·滿十方·一切眾像，踊身空中，作十八變，威神自在，普現色身，令行者見。

見已，歡喜。請·一切像·令·轉法輪。應念，即時，一一眾像，異口同音，讚歎持戒，讚歎念佛。

想·聞此已，心大歡喜，復加精進。以精進故，心想得成。心想成時，見十方界·一切大地·山河·石壁·皆悉變化為金剛地。金剛地上，踊出白光。眾白

光間，無數化佛·坐寶蓮華。一一化佛，放無數、億、百、千光明。一一光明，復化無數、百、千化佛。

此想現時，行者，自見·身諸毛孔·出金色光·遍照一切。若餘境起，當疾除滅。如此心想，疾於猛風，須臾之頃，見無數化佛。行者心利，如·明眼人·執·頗梨鏡，自觀面像。行者觀像，亦復如是。

[0692b21] 此想成已，當作是念：『諸佛·世尊，住大寂滅，身心清淨，無來、無去。如·我身者，四大、五陰·所共合成，如·芭蕉樹·中·無堅實，如·水上沫，如·水中月，如·鏡中像，如·熱時焰，如·野馬行，如·乾闥婆城。』

作是想已，諸像，尋滅。有金色光。於金光間，有·金佛影，如·鏡中像。行住坐臥·四威儀中，現一切色。

[0692b28] 此想成時，當念·如來戒身。念戒身時，見·諸佛影·眉間光明·猶如白絲·空中清淨，至行者前。

行者見已，當作是念：『釋迦牟尼·多陀阿伽度·阿羅訶·三藐三佛陀，過去世時，以大戒身而自莊嚴。是故，今日，得戒、定、慧、解脫、解脫知見。』

作此念時，釋迦文佛·坐琉璃窟，身紫金色·端嚴微妙，與諸比丘·菩薩·大眾·以為眷屬，住行者前，告言：『法子！汝修觀佛三昧力故，我以涅槃相·力，示汝色身，令汝諦觀。汝·今·坐禪，不得多觀。汝·後世人，多作諸惡，但觀·眉間白毫相光。作此觀時，所見境界，如上所說。』

爾時，一念·情·無所著，心大歡喜，應時·即得念佛三昧 (*buddhānusmṛti-samādhi*)。

念佛三昧者：見·佛色身·了了分明，亦見·佛心·一切境界。亦如上來·觀佛心·說。亦見·佛身一切光明。亦如上·觀佛身光·說。亦見·佛身一切毛孔。一一毛孔，悉生 (*ekaika-roma-pradakṣiṇāvarta*) 八萬四千蓮華。一一華中，復有八萬四千化佛。佛佛相次，滿十方界。

[0692c17] 爾時，釋迦牟尼佛，即申右手，摩·行者頂。一切化佛，亦申右手，摩·行者頂。得此觀者，名佛現前三昧。亦名念佛三昧，亦名觀佛色身三昧。

爾時，諸佛，異口同音，各各皆為行者說法。雖未得道，見佛、聞法，總持不失。此名凡夫念佛三昧。

得此三昧者，剎那、剎那頃，恒見諸佛。於念念頃，聞佛說法，所謂大乘方等經典。一日一夜·即得通利。

父母生身·惱濁惡世，以念佛故，得聞總持。捨身他世，必得見佛。於諸佛所，得千萬、億旋陀羅尼。得陀羅尼已，八十億佛，各申右手，摩·行者頂。一一諸佛，皆說決言：『汝·念佛故，過星宿劫，得成為佛，身相、光明·與我無異。』說是語已，八十億佛，一時放光。光中，復有無量化佛。一一化佛，皆說是語。」

[0693a02] 佛告阿難：「如是眾法，名觀像法。若觀像時，自當更有無量、百、千諸勝境界。如是觀者，名為正觀。若異觀者，名為邪觀。」

念七佛品第十

[0693a12] 佛告阿難：「若有眾生，觀像心成，次當復觀過去七佛像。觀七佛者，當勤精進，晝夜六時，勤行六法，端坐、正受，當樂少語。除·讀誦經·廣演法教，終不宣說無義之語。常念諸佛，心心相續，乃至·無有一念之間不見佛時。心專精故，不離佛日。」

[0693a17] 過去久遠，有佛·世尊，名毘婆尸佛，身高顯，長六十由旬。其佛圓光，百二十由旬。身·紫金色，八萬四千相。一一相中，八萬四千好。一一好中，無數金光。一一光中，有恒沙化佛。一一化佛，有恒沙色光。一一光中，無數諸天、聲聞、比丘、菩薩大眾，以為侍者。人人，各持一大寶華。華上，皆有百、千、億·寶摩尼網鬘。網鬘相次，高·百、千丈·以為佛光。是時，佛身益更明顯，如百、千日·照紫金山。光明鬘起·化佛無數。一一化佛，猶如百億日月俱出，令行者見。毘婆尸佛，偏袒右肩·出金色臂，摩·行者頂，告言：『法子！汝行觀佛三昧，得念佛心故，我來證汝。汝·今·可觀·我真色身，從一一相，次第觀之。汝當至心·立金剛誓。我等先昔行佛道時，與汝無異。』

[0693b03] 爾時，毘婆尸佛，慰行人已，即時，化作大寶蓮華·如須彌山，佛在華上，結·加趺坐，為於行者·說念佛、念法，及說·百億旋陀羅尼。

行者見已，倍加歡喜，敬禮彼佛。

彼佛告曰：『若有眾生聞我名者，禮拜我者，除却·五百億劫·生死之罪。汝今見我，消除諸障，得無量億旋陀羅尼。於未來世，當得作佛。』」

[0693b10] 佛告阿難：「爾時，行者，見毘婆尸，心歡喜故，我與六佛·現其人前。」

上座·毘婆尸，為此法子，說·念佛三昧。

尸棄世尊，身長四十二由旬，身·紫金色，圓光·四十五由旬，通身光明·一百由旬。其光網中，無數化佛，及諸菩薩、聲聞大眾、諸天眷屬·以為圍遶，隨從佛後·右旋宛轉。

是時，行者，見尸棄佛，復更增益·無量、百、千陀羅尼門。復更增廣，得見·百、千、無數化佛。於未來世，過算數劫，於其中間，恒得值遇諸佛·世尊，生菩薩家。」

說是語時，復有無數、百、千天子，聞是事已，見·佛色身·端嚴微妙，同時皆發三菩提心。

[0693b22] 毘舍世尊，舉身放光，住行者前。其佛，身長三十二由旬，圓光四十二由旬，通身光六十二由旬，身·紫金色，光明威相·如前無異。見此佛已，復更增進諸陀羅尼三昧門。於未來世，必定不疑，生諸佛家。

[0693b27] 拘留孫佛，亦放光明，住行者前。其佛，身長二十五由旬，圓光三十二由旬，通身光五十由旬，相、好具足·如紫金山。見此佛者，常生淨國，不處胞胎。臨命終時，諸佛·世尊·必來迎接。

[0693c03] 拘那含牟尼佛，放大光明，住行者前。其佛，身長二十由旬，圓光三十由旬，舉身光長四十由旬，光相具足。見此佛者，即得百億諸三昧門、無數陀羅尼。若出定時，常得諸佛現前三昧。如此三昧，證明行者。所以名諸佛現前三昧者，得此三昧，出定、入定、行、住、坐、臥，恒得觀見一切諸佛，以妙色身，現其人前。

[0693c10] 迦葉世尊，放大光明，住其人前。佛，長十六丈，身，紫金色，相、好具足。見此佛者，得寂滅光無言相三昧。於未來世，恒住大空三昧海中。

[0693c13] 釋迦牟尼佛，身，長丈六，放紫金光，住行者前。

彌勒世尊，身，長十六丈。

10 如是諸佛，各入普現色身三昧，現其人前，令其行者心得歡喜。以歡喜故，是諸化佛，各申右手，摩，行者頂。

見七佛已，見於彌勒。見彌勒已，賢劫菩薩，一一次第，逮及樓至，各放光明，住行者前。

15 時，千菩薩各各讚歎念佛三昧，及為行者說諸菩薩性，說諸菩薩解脫，說諸菩薩慧，是名因觀像心得念佛三昧。」

[0693c21] 佛告阿難：「佛滅度後，佛，諸弟子，如是觀者，是名正觀。若異觀者，名為邪觀。修此三昧者，雖具煩惱，不為煩惱之所使也。以是念佛三昧力故，十方諸佛，放大光明，現其人前。光明無比，三界特尊。」

20 佛說是語已，時，梵天王復更勸請：「願佛，世尊，說十方佛，住行者前，光明色相。」

念十方佛品第十一

[0693c29] 佛告阿難：「云何行者觀十方佛？觀十方佛者：東方為始。東方有世界，國名寶安隱，無量億寶，有億千色，以用合成。佛號善德，亦放無數光，普照百、千國。亦與無數億分身諸化佛，住於行者前。身色如金山，端嚴甚無比，坐大金剛窟，無數雜寶光，莊嚴為堂閣。一堂閣前，無量、微塵數、百、億諸寶樹。一一寶樹下，八萬四千師子座。一一師子座，有一分身佛，結，加趺坐，三昧，坐於寶樹下。善德佛，世尊，身長，二百五十億、那由他，由旬。一一身毛孔，無數億、微塵，一切勝相、好。一一相、好中，有無數化佛。一一化佛，高顯巍巍，如，須彌山，放大光明，坐寶蓮華，住虛空中。分身諸佛，各各開現微妙光明，顯出無數、百、千化佛。一一化佛，坐寶蓮華。一一蓮華，有千幢幡。一一幢幡，演出百億微妙音聲。是諸聲中，教，觀十方無數佛身。此相現時，見十方界，猶如金剛，百億寶色，不滅、不壞。見此相已，於諸佛前，受法王子位。如是境界，名性地菩薩。

35 [0694a19] 南方，栴檀德佛，身相高顯。其佛國土，琉璃為地，恒沙寶色。於佛光中，亦有無數、百、千堂閣。寶樹行列，數師子座。座上諸佛，結，加趺坐。寶幢、幡蓋、說法音聲，如佛海三昧說。

[0694a22] 西方·無量明佛。國土清淨，黃金為地，五百億寶色。佛身光明，重閣講堂，寶樹行列，寶師子座，分身諸佛·結·加趺坐·坐寶樹下，寶幢幡中，亦說念佛海。

5 [0694a26] 北方·相德佛。其地頗梨色，有五百億寶光，寶樹行列，寶師子座，重閣講堂，幢幡、光明，與向無異。

[0694a29] 東南方·無憂德佛。其地七寶色。一一色上，有七百億雜色，寶樹行列，重閣光明·百、億、萬種。一一光明，說佛功德海，如佛海說。

10 [0694b03] 西南方·寶施佛。其地五寶色。一一寶上，五百億光明。一一光明，化為五百億蓮華雲。一一蓮華雲上，有百億重閣。一一重閣，如百、千、萬、億梵王宮。一一梵王宮中，無數床座，光明蓮華·所共合成。是諸座上，有諸分身佛，結·加趺坐，演說諸佛大慈悲法。光明、幢幡，亦說佛海。

15 [0694b10] 西北方·華德佛。其佛國土，琉璃、頗梨色。一一色上，有無數、百、千光。一一光，化為五百億寶窟。一一窟中，無數寶蓋。一一蓋中，百億光明。一一光中，無數分身佛，結·加趺坐，放大光明。其光明中，說念佛三昧。因念佛三昧中，復更得見無數諸佛。

[0694b16] 東北方·三乘行佛。其佛國土，純白銀色，百、億、萬光。光，有千色，莊嚴國界·極令清淨。分身化佛，寶樹、幢幡，行列莊嚴，數不可知。

20 [0694b19] 上方·廣眾德佛。其地五百億寶色。一一寶色，無數光明。一一光明，化為無數、百、億化佛。一一佛光中，無量寶樹，行列莊嚴。一一樹下，百億寶師子座。諸佛在上，結·加趺坐，無數菩薩以為侍者，一切大眾·皆悉住佛光明雲中。

25 [0694b23] 下方·明德佛。其地金色、金光、金雲。於光雲中，無數金堂，七寶樓閣，百寶行樹·羅列莊嚴。寶幢、幡蓋，數億、千、萬。一一樹下，百億寶座。諸堂樓閣，無數坐具·狀如寶華。無數分身·一切諸佛，坐寶樹下·琉璃座上·眾華色間·無數佛會。

是諸世尊，皆悉講說菩薩行法。如是十方無數化佛，一一化佛，顯現光明。

[0694c01] 時，十方佛，各各悉坐金剛窟中，身量、光明·如善德佛、及諸化佛，威神國土·令行者見，如·於明鏡·自見面像，了了分明。

見十方佛·心歡喜故，不染諸法，住於初心。

30 時，十方佛，廣為行者·各說相似六波羅蜜。聞是法已，於·初地下·十心境界，無有疑慮。見此事者，必聞·諸佛說·般若波羅蜜，聞·第一義空，心不驚疑。於諸法中，得入空三昧，是名相似空相三昧。」

35 [0694c10] 佛告阿難：「佛滅度後，佛·諸弟子，欲觀十方佛者，於念佛三昧中，但知麤相，當自然知·無量妙相。如是觀者，是名正觀。若異觀者，名為邪觀。得此觀者，見佛無數·不可限量。入此定者，名見一切諸佛色身，亦得漸漸入三空門。遊此空者，諸佛力故，心不著空。於未來世，當成阿耨多羅三藐三菩提，得不退轉，是名不忘菩提之心正順佛道。」

[0694c17] 說觀十方佛時，十方佛·坐金剛山·百寶窟中，各申右手，摩·阿難頂，告言：「法子！汝持佛語，為未來世·諸眾生等，當廣宣說，慎勿妄傳，當為堅發三菩提心·行念佛定·正受者說。」

[0694c22] 佛告阿難：「此念佛三昧，若成就者，有五因緣。何等為五？一者、持戒不犯。二者、不起邪見。三者、不生憍慢。四者、不恚、不嫉。五者、勇猛精進，如·救頭然。行此五事，正念諸佛微妙色身，令心不退，亦當讀誦大乘經典，以此功德，念佛力故，疾疾得見無量諸佛。」

[0694c27] 見諸佛者，獨一心淨，不與他共，應當供養十方諸佛。

云何供養？是人·出定、入塔·見像、念持經時，若禮一佛，當作是念：『正遍知·諸佛·心智，無有限礙。我·今·禮一佛，即禮一切佛。若思惟一佛，即見一切佛。見·一一佛前·有一行者·接足為禮，皆是己身。』

若以一華·供養佛時，當作是念：『諸佛·法身、功德，無量，不住、不壞，湛然常安。我·今·以華奉獻諸佛。願佛受之。』

作是念已，復當起想：『我所執華，從草木生。持此供養，可用擬想。』

即當作想：身諸毛孔。令一毛孔·出無數華雲。以此華雲，運想、擬意，供一切佛。一一佛上，化成華臺。諸佛受之，於十方界施作佛事。

供養香時，亦復如是。香烟、香雲，於十方界，施作佛事。作佛事已，還成金臺，在行者前。

若凡夫人·欲供養者，手擎香爐，執華·供養，亦當起意，作華香想，當發是願：『願·此華香·滿十方界，供養一切佛、化佛、并菩薩、無數聲聞眾，受此香華雲，以為光明臺，廣於無邊界，無邊作佛事。』

禮佛、若坐禪，起是供養心，常當發是願。

繒蓋、幢幡、音樂、偈頌，當作是願：『我今設此少分供具，願·此供具，遍供十方·一切諸佛。諸佛受之，於幢幡中，化光明雲。於妓樂中、偈頌之中，演妙法音。』

作是願已，坐時，應想，令·身毛孔，一一孔中，作無量幢幡想。一一幢幡中，作無量偈頌雲想。作是想時，心·如香爐，流出金色香烟、香雲。身毛孔中，如·好華樹，踊出·阿僧祇、無量·雜華雲。是諸華雲，於十方界諸佛·之上，化為一切諸供養具。爾時，當於身心分中，起一切供養具想。若得食飲、若施人一錢，當起空、無我想·檀波羅蜜。如是等·無量供養，皆當起心·從心想出，供養十方·一切諸佛，是名坐時·無量功德·從心想海生。

如是坐時，入·深禪定。無量境界·諸三昧海，但於心中，出息、入息，念念、想想·相續不絕。於一心中，運其心意，作·無數供具雲。上供諸佛，下施一切，作是念者，名學普施。此想成時，漸漸減消諸煩惱結，觀法無相。無相力故，當得甚深六波羅蜜。」

[0695b09] 佛告阿難：「未來眾生，其有得是念佛三昧者，觀諸佛相、好者，得諸佛現前三昧者，當教是人，密身口意，莫起邪命，莫生貢高。

若起邪命、及貢高法，當知·此人是增上慢·破滅佛法，多使·眾生·起不善心，亂·和合僧，顯異·惑眾，是惡魔伴。如是惡人，雖復念佛，失·甘露味。
5 此人生處，以貢高故，身恒卑小，生下賤家，貧窮諸衰，無量惡業·以為嚴飾。如此種種眾多惡事，當自防護，令永不生。若起如是邪命業者，此邪命業，猶如·狂象壞蓮華池，此邪命業，亦復如是，壞敗善根。」

[0695b20] 佛告阿難：「有念佛者，當自防護，勿令放逸。念佛三昧人，若不防護·生貢高者，邪命惡風，吹僞慢火，燒滅善法。善法者：所謂一切無量禪定。諸念佛法，從諸心想生，是名功德藏。」

[0695b24] 佛告阿難：「譬如·長者，多財、饒寶，唯有一子。長者自知·將死不久，以諸庫藏·委付其子。其子得已，隨意遊戲。忽於一時·值有王難，無量眾賊·從四面來，競取藏物，不能遮護。惟有一金，乃是閻浮檀那。紫金·重十六兩，金挺長短·亦十六寸。此金一兩·價直餘寶·百、千、萬兩。為賊所逼，無奈金何，即以穢物，纏裹真金，置泥團中。眾賊見已，不識是金，脚踐而去。賊去之後，財主得金心，大歡喜。念佛三昧，亦復如是，當密藏之。」

[0695c05] 復次，阿難！譬如·有人貧窮薄福，依諸豪賢，以存性命。時，有王子，遇行出遊，執·大寶瓶。於寶瓶內，藏·王印綬。是時，貧者，詐來親附，得·王寶瓶，擊持逃走。王子覺已，遣六大兵，乘六黑象，手執利劍，疾往追之。時，持瓶人，走入深草空野澤中，見·曠野澤·滿中·毒蛇，四面吐毒，吸·持瓶者。時，貧窮人，惶惶驚怖，馳走東西。蛇，亦隨之，無藏避處。於空澤中，見一大樹，蒼蔚扶疎，甚適其意，頭戴寶瓶，攀樹而上。既上樹已，六兵乘象，駛疾如風，尋復來至。貧人見已，吞·王寶印，持瓶·冠頭，以手覆面，坐貪惜故·不忍見之。時，六黑象，以鼻絞樹，令樹倒斃。貧人落地，身體散壞，唯金印在。寶瓶現光。諸蛇見光，四散馳走。」

[0695c18] 佛告阿難：「住·念佛者，心印·不壞，亦復如是。」

[0695c20] 復次，阿難！譬如·長者，多饒財寶，無諸子息，唯有一女。是時，長者，年過百歲，自知朽邁，將死不久：『我此財寶，無男兒故，財應屬王。』作是思惟，喚其女子，密告之言：『今有妙寶，寶中上者，當用遺汝。汝得此寶，密藏·令堅，莫令王知。』

女受父勅，持·摩尼珠、及諸珍寶，藏之糞穢。室家大小，皆亦不知。值世飢饉，女夫，告妻：『我家貧窮，困於衣食。汝可他行，求·自活處。』

妻白夫言：『我父長者，臨命終時，以寶賜我。今在某處。君可取之。』

時，夫，掘取，大獲珍寶、并如意珠。持如意珠，燒香、禮拜，先發願言：
35 『為我兩食。』

隨語，即雨·百味飲食。如是種種隨意得寶。

時，夫得已，告其妻言：『卿，如天女，能賜我寶。汝藏此寶，我尚不知，況復他人。』」

[0696a04] 佛告阿難：「念佛三昧，堅心·不動，亦復如是。

[0696a06] 復次，阿難！譬如·有王，暴虐違道。民，罹其毒。人怨、神怒。國，大亢旱，求請神祇，不能得雨。有臣白言：『大王！當知，今此境內·林藪之中，有一仙士，五通無礙。王可祈請，令其呪龍。』

5 大王聞已，欣踊無量，遣人詣林，祈請仙人。

神仙，飛往大王殿前，高聲唱言：『大王無道。諸天龍神，皆四散去，不護王國，云何使我令請雨也？』

王，聞此語，極懷慚愧，改悔·先行所作惡事。

10 仙人知王心已軟善，應念·誦呪，神通力故，天降甘露，地出湧泉，潤澤一切。」

[0696a15] 佛告阿難：「欲念佛者，如·王棄惡。得念佛者，如·善呪人。

[0696a17] 復次，阿難！譬如·力士，自恃大力，數犯王法。

王遣五人，收捕力士，幽閉囹圄。五處枷鎖，極令牢固，奮力大怒，舉體血現，枷鎖摧折，踰牆逃逝。到海岸邊，解·髻明珠，持·雇船師。

15 船師語言：『如此白石，海中無數，我用是為？』

力士長跪，白船師言：『我此明珠，有六種色。』即以黃繒裹珠，置之水中。水即金色。復還收珠，以白繒裹，置之水中。水即變白。收取，復以綠繒裹，置之水中。水色變作綠琉璃色。收取，以碧繒裹，置之水中。水即變作真金精色。收取，復以絳繒裹，置之水中。水即變作車璩色。收取，復以紫繒裹，置之水中。水即變成天金剛色。水上，復有紫摩尼光。

船師見已，即取寶珠。以·大寶輿，輿·勇猛士，置大船上，望風·舉帆，疾如射箭，到於彼岸。到彼岸已，心意泰然，安隱無懼。大取珍寶，報·船師恩。」

[0696b03] 佛告阿難：「行念佛者，如·大力士。挽·心王枷鎖，到·慧彼岸。

25 [0696b04] 復次，阿難！譬如·劫欲盡時，二日竝出，山林·樹木·河池·枯涸。三日出時，眾色火起。四日出時，大海消滅，三分留一。五日出時，大海竭盡。六日出時，須彌·崩倒。七日出時，大地炯然，乃至色界，唯金剛山·不可摧破·還住本際。念佛三昧，亦復如是，行是定者，住·過去佛·實際海·中。」

[0696b11] 佛告阿難：「吾今欲與十方諸佛，報·念佛三昧·恩。」

30 爾時，世尊，說是語已，及十方諸佛·賢劫菩薩，入一切色身光明三昧。時，諸佛身，一一毛孔，踊出·眾多、不可稱數·妙化佛雲。是諸化佛，結·加趺坐，住立空中。如是無數一切化佛，各申右手，摩·阿難頂，及勅釋提桓因：「汝等·二人，持·是妙法，慎莫忘失，為未來世·濁惡眾生·滅眾罪障故。如來·正遍知，今·於大眾中，說一切佛身相。」

35 [0696b19] 爾時，尊者阿難，即從座起，頂禮佛足，白佛言：「世尊！當何名此經？此法之要，當云何持？」

[0696b22] 佛告阿難：「此經名『繫想不動』，如是受持。亦名『觀佛白毫相』，如是受持。亦名『逆順觀如來身分』。亦名『一一毛孔·分別·如來身分』。」

亦名『觀三十二相 (*dvātriṃśan mahā-puruṣa-lakṣaṇāni*)、八十隨形好 (*aśīty anu-
vyañjanāni*)·諸智慧光明』。亦名『觀佛三昧海』。亦名『念佛三昧門』。亦名
『諸佛妙華莊嚴色身』。亦名『說戒、定、慧、解脫、解脫知見、十力、四無所
畏、十八不共法·果報所得·微妙色身經』。汝好受持，慎勿忘失。」

5 [0696b29] 佛說是語時，比丘、比丘尼、優婆塞、優婆夷，及菩薩大眾、天
龍八部、一切鬼神，聞佛說是微妙身相，有得須陀洹、斯陀含、阿那含，有得阿
羅漢者，有種辟支佛道因緣者，有發阿耨多羅三藐三菩提心者，有得無生法忍者。
數甚眾多，不可稱說。

[0696c05] 時，諸大眾，聞佛說法，恭敬頂禮，奉行佛語，作禮求退。

10 [0696c07] 是時，阿難，即從座起，合掌、長跪，白言：「世尊！如來，今
者，一切身相皆已說竟。唯，不顯說無見頂相。唯願·天尊！少說·頂相光明瑞
應，令未來世·凡愚眾生·知·佛勝相。」

[0696c10] 爾時，世尊，即入頂三昧海，令·佛·頂上肉髻 (*uṣṇīṣa-siraskatā*)
之中·一一毛孔，踊出·琉璃光。其光如水，蠡文 (*kunḍalaka*) 右旋，遍滿·十
15 方無數世界。如·百億世界·微塵數·海，如是·八萬四千諸毛髮中，皆出是水
相。一一水相，復過是百、千、萬倍，數不可知。是諸琉璃水上，生·眾多·天
寶蓮華。華，有無數、百、千、億葉。葉，作無數、百、千、億寶色。葉極小者，
遍覆三千大千世界。如是華上·一一鬚間，有無量、阿僧祇、百、千、萬、億恒
河沙化佛。一一化佛·頂肉髻相，流出眾光，亦復如是。時，諸佛身，量同虛空，
20 不可得知。如是諸佛，佛佛相次，盡世界海際。

此相現時，於十方面，各有百億、微塵數·菩薩，身昇虛空，現大神變，至
釋迦牟尼佛所。時，諸菩薩，以佛神力故，暫見·一毛孔中·少分瑞相，應時·
即得無量、百、千金剛相陀羅尼。

佛現是相時，賢劫千菩薩、及十方諸佛，皆現此相。

25 [0696c26] 時，會大眾，見此少分相者，須陀洹人·如剎那頃·成阿羅漢。
觀因緣者，不緣諸緣，成阿羅漢。發心菩薩，超越境界，增進甚深三昧海門，住
於性地。無生菩薩，倍加增進·無量勝法，住首楞嚴三昧。

[0697a03] 佛告阿難：「佛滅度後，濁惡世中，若有眾生，聞佛勝相，心不
驚疑，不生怖畏，當知·是人·能滅一切煩惱業障。聞佛勝相，生隨喜者，除却·
30 千億劫·極重惡業。後世生處，不落三塗，不生八難處。」

[0697a07] 佛說是語時，長老憍陳如等·諸大比丘，彌勒等·諸大菩薩，無
量大眾，聞佛所說，皆大歡喜，頂戴奉行。